



UNIVERSITÄTS-
BIBLIOTHEK
PADERBORN

Universitätsbibliothek Paderborn

Idea Theologiæ Moralis

Petrus <a Sancto Josepho>

Coloniæ, 1648

Liber II. De Peccatis.

urn:nbn:de:hbz:466:1-38935

tempore quadragesimæ licet tibi carnibus vesci, & fortiori eus ovorum tibi tunc licitus est. Quorum omnium ratio est, quia vitanda est legis extensio, nisi ex negatione talis extensionis, sequatur in justitia, aliudve grave incommodum, ut contingat in exemplis allatis, si quod constituitur in uno casu, non esset constitutum in uno casu simili.

Nota ultimò illud esse discriminem, quoad jam dicta, inter forum internum, & externum, quod etsi in foro interno lex non sit, per se loquendo extendenda ad casus similes, in foro tamen externo debet Judex, quando propria lex deficit, sententiam ferre juxta id quod in simili casu statutum est; quia in judiciis ferendis, tenetur se legibus conformare quantum fieri potest.

LIBER II.

DE PECCATIS.

CAPUT I.

De aliib[us] humanis, quoad esse morale spectatis.

RESOLUTIO I. *Etsi ad moralitatem actus requiriatur libertas, id tamen quo actus constituitur formaliter moralis, seu in genere maris, non est libertas, sed objectum ipsum ut morale.] PRIMA PARS PROBANTUR: nam nullus est actus moralis, qui non sit constitutus in aliqua specie moralitatis, adeoque qui non sit moraliter bonus, aut malus. Nullus autem actus libertate carens, est moraliter bonus, aut malus; dignus laude, aut vituperio, præmio, vel poena, ut omnes concedunt. Ergo repugnat dari actum aliquem moralē, qui non sit liber.*

Secunda

Secunda pars ostenditur: nam idem actus liber manens quoad libertatem immutatus, mox est bonus, mox malus, ut patet in eo qui comedit carnes, tempore non prohibito, & aveniente prohibitione, non cessat ab esu carnium. Fieri etiam potest, ut idem actus liber pertineat ad duas species malitia, inter se minimè subordinatas, ut cum aliquis occidit, animo furandi. At si moralitas in genere sumeretur à libertate, non magis fieri posset, ut idem actus liber transiret ab una moralitate ad aliam, aut simul pertineret ad duas species moralitatis, non subordinatas, quam fieri possit, ut idem animal, quod jam est homo, sit ponere à equis, aut quod simul sit homo, & equus.

Dices, proprietates esse moralis competit actui libero, ut liber est, nempe quod sit dignus laude, aut vituperio, præmio, vel pœna. Ergo ipsum esse morale formaliter consistit in libertate. Respondeo antecedens falsum esse, nam etsi proprietates illæ non competit nisi actui libero, non tamen ei competit præcisè ut liber est, ut vel ex eo patet, quia si per impossibile, actus voluntatis non respiceret regulas morum, non esset dignus laude, aut vituperio, quantumvis liber esset. Quare formaliter loquendo, libertas actus non est illius moralitas, sed potius causa, vel fundamentum moralitatis.

Tertia itaque pars ex dictis colligi potest, & præterea suadetur: nam cum actus liber intrinsecè tendat ad objectum, & ab eo speciem moralitatis sumat, ut infra ostendetur, consequenter dicendum est, eum etiam habere per ordinem ad objectum, rationem genericam moralitatis, seu quod sit moralis. Quod intellige de objecto, non entitatib[us], seu quoad esse naturale, sed modaliter, seu quoad esse morale spectato, quale est per ordinem ad regulas morum, quatenus iis dictatur illud esse amplectendum, vel fugiendum: sicut enim tantum habet proportionem, cum actu morali formaliter spectato, cumque terminare

minare potest. Confirmatur, nam sicut nihil potest dici artificiale, nisi per respectum ad regulas artis, ita nihil potest dici morale, nisi per ordinem ad regulas morum.

Verum ad majorem intelligentiam, *Nota 1.* In actu libero duo considerari, nempe quod spectet ad genus naturae, & ad genus moris. Spectat ad genus naturae, quatenus est actus vitalis, & humanus seu liber, ad genus vero moris, quatenus tendit in objectum, praedicto modo spectatum.

Nota 2. Moralitatem non esse aliquid absolutum, sed respectivum, siquidem actum esse moralem, dicit intrinsecè modum quendam, quo actus tendit in objectum moraliter spectatum: hanc autem tendentia, ut constat, est aliquid respectivum.

Nota 3. Modum illum non esse merum ens rationis, sed aliquid reale actui inexistentis, quia nemine cogitante, actus liber & voluntate circa objectum morale elicitus, est moralis, bonus, aut malus.

RESOLUTIO II. Bonitas, vel malitia actus sumitur ex objecto.] Ita S. Thomas 1. 2. quæst. 18. art. 2. quod probat, quia bonum, & malum in rebus attenditur, quoad plenitudinem essendi, vel defectum ejus, primum autem quod ad plenitudinem essendi pertinere videtur, est id quod dat rei speciem. At sicut res naturalis habet speciem ex sua forma, ita actio habet speciem ex objecto, tanquam motus ex termino. Quare sicut prima bonitas rei naturalis attenditur ex sua forma, quæ dat ei speciem, ita & prima bonitas actus moralis attenditur ex objecto convenienti. Et quemadmodum in rebus naturalibus primum malum est, si res genita non consequitur formam specificam, ita primum malum in actionibus moralibus est, quod ab objecto procedit.

Ex quo discursu nonnulla colligi debent i. Actus humanos sumere bonitatem, vel malitiæ ab objecto, quod non debet ita intelligi, ut bonitas vel malitia per veram & realem efficientiam, actibus humanis

commu-

DE PECCATIS. CAP. I.

97

communicetur ab objecto, perspicuum enim est, objectum, cum sit res aliqua externa, in actus voluntatis eo modo non influere, sed ita ut praedicta sumantur ab objecto, tanquam à forma extrinseca, complete potentialitatem quam actus dicit, eo ipso quod est quædam via, & tendentia ad ipsum.

Collige 2. Primam bonitatem, vel malitiam actus moralis sumi ab objecto; quod ita intellige ut cum actui morali, ut moralis est, variae bonitates, aut malitiae competere possint, ut ex dicendis perspicuum fieri, illa quæ sumitur ab objecto, sit omnium primæ in eo genere, adeò ut alia hanc necessario presupponant. Quemadmodum in iisdem actibus, secundum entitatem naturalem spectatis, est quidam ordo inter perfectiones iis competentes, & una presupponitur ab alia.

Dixi in eo genere; nam cum genus moris presupponat naturam, bonitas quoque moralis quæcunque sit, supponit bonitatem naturalem, & entitativam. Ex quo intelligis, quæ hic docet S. Thomas, non repugnare iis quæ habet ar. 4. cum ait, quadruplicem esse bonitatem in actione humana, quarum primam ait esse secundum genus, & sumi ab entitate, aliam secundum speciem: quam petit ab objecto convenienti; tertiam secundum circumstantias, quasi secundum accidentia quædam. Quartam denique secundum finem, quasi secundum habitudinem ad bonitatis causam.

Collige 3. Bonitatem, aut malitiam quam actus sumit ab objecto, esse specificam quoad gradum speciesi ultimum; quamvis enim ab objecto dicatur sumi bonitas, aut malitia ex genere, monet tamen S. Doctor debere tunc genus pro specie, sicut quando totam humanam speciem vocamus, genus humanum. Neque refert quod bonitatem, aut malitiam ex objecto superveniat bonitas, aut malitia ex circumstantiis: quia eum actus sit constitutus in specie completa, per ordinem ad objectum, bonitas aut mali-

malitia superveniens ex circumstantiis, non eum contrahit, eo modo quo differentia contrahit genus, illud complendo in esse specifico, sed eo modo quo accidentia speciem jam constitutam determinant, & perficiunt.

RESOLUTIO III. Bonitas, vel malitia actus humani sumitur etiam ex circumstantiis.] Quia, lit ait S. Doctor art. 3. quemadmodum in rebus naturalibus non invenitur tota plenitudo perfectionis, quæ debetur eis, ex forma substantiali quæ dat speciem, sed multum superadditur ex supervenientibus accidentibus, quorum si aliquod desit ad decentem habitudinem; consequitur malum. Ita plenitudo bonitatis actus non consistit tota in sua specie, sed aliquid additur ex his quæ adveniunt tanquam accidentia quædam, quales sunt circumstantiae debitæ. Unde si aliquid desit, quod requiratur ad debitas circumstantias, actio erit mala.

Ut autem ista melius innotescant, *Nota 1.* circumstantiarum nomine hic intelligi quædam accidentia actuum moralium, quæ supponunt eos esse jam constitutos in sua specie, per ordinem ad objectū; quæque proinde sunt extra eorum substantiam, illosque veluti circumstant. Ita tamen ut non modo actus morales comitentur, sed etiam eos quodammodo attingant, & afficiant, adeò ut ad eorum bonitatem, vel malitiam conducant.

Nota 2. Nullum esse actum moralē, qui non accipiat aliquid bonitatis, aut malitiæ à quibusdam circumstantiis; siquidem nulla est actio humana in qua, præter rationem illius specificam, sumptam ab objecto, non possit observari aliquid accidentarium, spectans vel ad modum agendi, magis aut minus intensè: vel ad quantitatem objecti, quod sit parvum, aut magnum, & sic de aliis. At dubium non est, quin hæc conducant ad bonitatem vel malitiam humanae operationis, nam si operatio bona est ratione objecti, melior erit si fiat cum majori intensione, quam si fiat

fiat cum minori. Contrà verò: actus malus ex objecto, eo pejor erit, quo intensior.

Dices 1. Ut prædicta accidentia dent bonitatem, aut malitiam actui voluntatis, debent esse per illum volitam, ergo jam se habent ut objectum voluntatis, non autem ut circumstantiae supponentes objectum; adeoque repugnat quod circumstantiae, ut sic, dent bonitatem, aut malitiam actui voluntatis. *Respondeo*: istud non sequi, nam ut circumstantiae dent bonitatem aut malitiam, satis est quod secundario, aut concomitanter sint volitae, ac proinde quod sint objectum secundarium voluntatis. Sic autem distinguuntur ab objecto primario, circa quod voluntas directe fertur.

Dices 2. Continuatio est circumstantia actus moralis, at hæc saltē non tribuit illi bonitatem, aut malitiam; quia cum actui elicito respondeat in primo instanti moralitas determinata, & in qualibet temporis parte instantia sint infinita, si mera actus continuatio ad bonitatem, aut malitiam conduceret, sequeretur actum humanum, vel ex eo præcisè quod per brevissimum tempus continuaretur, bonitatem, aut malitiam infinitam habiturum. *Respondeo* negando minorem, actus enim per se loquendo eo melior, aut pejor est, quo amplius protenditur. Et ad probatum dicendum est, etsi bonitas, aut malitia respondeat per se actui in primo instanti, non tamen in instantibus continuativis partium temporis quo actus durat, cùm voluntas non velit actum continuare in illis instantibus, nisi per accidens, seu quatenus voluntas duret per partes temporis, iis instantibus copulatas. Quare etsi instantia illa dicantur infinita, non inde sequitur bonitatem, aut malitiam actus fore infinitam.

Quod si instes, argumentum posse instaurari, de ipsis partibus proportionalibus temporis, quia cùm sint infinitæ, sequetur moralitatem actus ipsis respondentem, esse quoque infinitam. *Dicam* hinc ut sum-

gnum

rum colligi, quod sicut in tempore quo durat actus bonus, vel malus, non sunt actu partes infinitae, sed potentia dumtaxat; ita ei respondet unus quidam gradus bonitatis, aut malitiae qui est in potentia divisibilis in alias, & alias partes bonitatis, vel malitiae in infinitum.

R E S O L U T I O I V . *Actio humana sumit bonitatem, vel malitiam ex fine.* **I T A S.** Thomas art. 4. Et ratus est, quia in actu humano duplēm finem possumus considerare, unum proximum, qui & dicitur finis operationis, alium remotum, seu extrinsecum qui etiam finis operantis appellatur. Si agatur de priori fine, cum ille nihil aliud sit, quam ipsum objectum humanæ operationis; non magis dubitari potest actu humanum ab eo, quam à proprio objecto sumere speciem. Si vero quæstio sit de posteriori, certum etiam est bonitatem, vel malitiam actus humani ab eo pendere, cum inter circumstantias illius numerari soleat. Imò sit præcipua inter illas, cum aliæ se habeant tantum per modum accidentis, finis vero sit etiam causa actus humani.

Quæres i. An actus habeat duplēm speciem bonitatis, quando objectum est bonum, & finis operantis bonus. *Respondeo* cum distinctione: nam si homo non operatur, nisi propter finem intrinsecum ipsius operis, ut si castitatem servat, propter solum amore ipsius castitatis, tunc actus habet tantum speciem & bonitatem temperantiae, si autem operatur ex bono fine extrinseco, in quem operatio per se non ordinatur, ut dum quis vult castitatem colere, ex amore Dei, in eo casu actus bonus est in duplice specie bonitatis, nempe castitatis, & amoris Dei. *Rationem* affert S. Doctor art. 7. quia quando objectum non est per se ordinatum ad finem, differentia specifica quæ est ex objecto, non est per se determinativa ejus, quod est ex fine, nec è converso. Unde una istarum specierum non est sub alia, sed tunc actus moralis est sub duabus speciebus quasi disparatis. Unde dicimus quod

ille

Ille qui furatur, ut mochetur, committit duas malitiæ in uno actu. Ex quo exemplo patet, doctrinam traditam esse veram, etiam in actibus malis, quando non modo objectum malum est, sed etiam refertur ulterius ab operante, in finem malum extrinsecum.

Queres 2. Quid sentiendum sit quando objectum est bonum, & finis malus, aut vice versa, objectum malum, & finis bonus. Respondeo 1 in priori casu actu esse simpliciter malum, adeoque non constitui in duabus speciebus, bonitatis scilicet & malitiæ, sed dumtaxat in specie malitiæ; ut quando aliquis erogat eleemosynam fœminæ egenti, eo fine ut facilius eam ad consentiendum peccato inducat. Ratio est, quia etsi objectum secundum se bonum sit, non tamen hic & nunc, cum non appetatur sub ratione boni, sed quatenus præcisè ordinatur ad malum finem, qua ratione malum est.

Dices, nonne potest homo operari ex habitu virtutis, verbi causa, dare eleemosynam ex misericordia, esto talem actum referat in fine in vanæ gloria? In eo ergo casu actus ut à virtute procedens, erit bonus, ut autem relatus ad vanam gloriam, erit malus, sicque habebit simul speciem bonitatis, & malitiæ. Respondeo suppositionem illam esse impossibilem, cum enim virtus moralis non inclinet ad actum, nisi ut honestum, repugnat ab homine ut virtute prædicto, elici actum relatum in finem malum, eo quod talis relatio intrinsecè repugnat honestati actus.

In statib[us], confessionem fidei procedere posse à fide supernaturali, et si fiat ob vanam gloriam, ut communiter docent Theologi 2.2. quæst. 4. art. 5. Verum oppositum longè probabilius esse ostendetur Deo dante lib. sequenti cap. 3. Et quamvis id daretur, possit dici, virtutes intellectuales, qualis est fides, non ferri per se in bonum morale, sed in verum; adeoque etsi earum actus in malum finem ordinetur,

non

non sequi duplīcēm speciem moralem , aliām bōnitatis ex objecto , aliām malitiā ex fine iis compōtere .

Respondeo 2. Quando objectum est malum , & finis operantis bonus , actum esse simpliciter malum ; adeoque non habere speciem bonitatis , & malitiā , sed malitiā dumtaxat , ut si quis furetur ex intentio ne dandi eleēmosynam . *Ratio est* , quia etsi dare eleēmosynam sit bonum secundum se , est tamen simpliciter malum dare eleēmosynam ex bonis furtō sublati s , cum hoc restat rationi repugnet . Quare actus quo quis vult furari , ut det eleēmosynam , neque ex objecto , neque ex fine bonus esse potest , sed uniuscūque est malus .

Dices , actus bonus sumit speciem boni ex bono fine , ut ostensum est . Quare ergo idem sentiendum non erit de actu malo ? *Respondeo* causam discriminis esse , quia bonum est velle obtainere finem bonum , per medium bonum : malum autem , eum velle afferre qui per medium malum , & lege prohibitum .

Respondeo 3. Actum ex objecto malum non sumere speciem malitiā ex fine bono , sed tantum ex objecto , adeoque non habere nisi unam specie malitiā . *Ratio est* , quia cūm finis ex se bonus sit , quod autem in eo casu sit malus , id non habeat nisi ratione objecti , quatenus nempe per medium malum acquiritur ; hinc sit , at actus in eum tendens non aliām habeat malitiā , quām quā oritur ex tendentia in objectū malum . *Confirmatur* , nam verbi causa , velle privata authoritate occidere proditorem , ut avertatur nocu- mentum Reipublicā , non repugnat nisi præcepto non occidendi . Quare actus ille non habet nisi malitiā homicidii .

Neque refert quod , velle occidere ex intentione furandi , sit in duplii specie malitiā , nempe homicidii , & furti : non enim est par ratio , quia furti per se malum est , & prohibitum ; at dare eleēmosynam non est malum , & prohibitum , nisi qua-
terus

tenus hoc sit ex bonis alterius, invito Domino, erogatis.

RESOLUTIO V. Dantur aliqui actus indifferentes, secundum speciem suam.] PROBATUR ex art. 8. quia actus humanus habet speciem ab objecto, relato ad principium actuum humanorum, quod est ratio; unde si objectum, includat aliquid conveniens ordini rationis, erit actus bonus secundum suam speciem, sicut dare eleemosynam indigenti: si autem includat aliquid repugnans ordini rationis, actus erit malus secundum speciem, sicut furari. Quod si contingat, objectum non includere aliquid pertinens ad ordinem rationis, sive per modum convenientis, sive per modum inconvenientis, erit actus secundum speciem indifferens, sicut (inquit S. Doctor) levare festucam, ire ad campum, &c.

Dices 1. Repugnat, quod objectum non sit conveniens, aut inconvenientis, cum inter haec duo non detur medium. *Respondeo* hoc totum gratis affirmari, quia sicut potest dari objectum aliquod medium inter praeceptum, & prohibitum, quod nempe neutrum est; ita potest dari objectum medium inter conveniens, & inconvenientis positivè. Quod si instes, bonum & malum opponi privativè, adeoque inter illa non dari medium, *responsio* in promptu est, antecedens dubium esse, ut patet ex infra dictis, de formalitate peccati. 2. Eo gratis dato, falsam esse consequentiam; quia inter formam, & illius privationem, datur mera negatio formæ non debitæ.

Dices 2. Cum species rerum sint immutabiles, si esset aliquis actus quoad speciem indifferens, sequeretur talem actum non posse fieri bonum, vel malum, quod tamen absurdum est. *Respondeo* negando id sequi, nam quando dicimus actum aliquem esse indifferente, secundum speciem; hoc non debet sic intelligi, ut per differentiam aliquam positivam constituantur in tali specie, sed ita ut dicatur indifferens

E negative,

negativè , quatenus etsi capax sit relationis convenientiæ, aut disconvenientiæ ad rectam rationem, adeoque bonitatis, aut malitiæ , neutrum tamèn de facto ex illis habet.

RESOLUTIO VI. *Ex probabiliori sententia , non datur actus aliquis indifferens in individuo , sed omnis ejusmodi actus , si procedat ex sufficienti deliberatione est bonus, aut malus.*] ITA S. Doctor art. 9. quòd probat, quia cùm sit rationis ordinare , actus à ratione deliberativa procedens, si non sit ad debitum finem ordinatus, ex hoc ipso repugnat rationi. & habet rationem mali: si verò ordinetur ad debitum finem, convenit cum ordine rationis, unde habet rationem boni: necesse est autem , quòd vel ordinetur , vel non ordinetur ad debitum finem. Quare necesse est, omnem actum hominis à deliberativa ratione precedentem in individuo consideratum , bonum esse, vel malum.

Confirmatur hæc ratio , nam dubitari non potest, quin sit malum, non apponere bonum finem operationi, si homo tenetur suas omnes actiones in bonum finem referre. Quòd autem ad hoc teneatur , probatur 1. quia ex fide constat , hominem in die judicij rationem redditum de verbo otioso, dicitur autem verbum otiosum, quod caret fine debito. 2. Quia cù ipse homo creatus sit propter bonum finem, quæ ratio est, cur non teneatur omnes suas actiones in eum finem dirigere? 3. Quia si ille culpam incurrit , qui pecunias inutiliter, seu sine bono sine expedit; quomodo peccatum cavebit, qui operationes suas, multò preciosiores auro, vel argento in nullum bonum finem refert? 4. Quia planè illicitum est uti fruendis, aut frui utendis , at non referre operationes suas in finem aliquem bonum , quid hoc aliud est quam frui utendis?

Dices 1. Valde durum videri, quòd omnes actus nō relati in finem bonum, sint peccata, quia sic innumera ferè peccata venialia singulis diebus ab hominibus

bus committerentur. Deinde fricare barbam, expuere in terram, movere pedem vel manum, & similia essent sufficiens materia confessionis, si non referrentur in bonum finem, hoc autem videtur ridiculum.

Respondeo 1. Supposita obligatione operandi ob finem honestum, sequi omnes actus deliberatos in eiusmodi finem non relatos, esse peccata; neque hoc magis durum debere videri, quam quod omnia verba otiosa sint peccata. Cur enim actio otiosa non erit mala, si verbum otiosum malum est? *Respondeo 2.* Multas ex dictis actionibus, plerumque fieri incitanter, aut sine sufficienti deliberatione, sicque non esse malas: aliquando verè fieri ob leve aliquod commodum naturæ, qua ratione sunt aliqualiter bona.

Respondeo 3. Quando actus illi deliberatè fiunt, sine ullo fine bono, esse sufficientem materiam confessionis; neque hoc esse ridiculum, cum alii actus otiosi sub confessionem cadere possint, ac præterea opus non sit, prædictos actus in particulari declarare, sed sufficiat si poenitens generatim dicat, se variis actus otiosos edidisse; sicut se dicit plura verba otiosa protulisse.

Dices 2. Si potest dari actus indifferens quoad speciem, quare non & in individuo? Nulla enim est species, quæ sub se non contineat, aut continere possit aliquod individuum. *Respondeo ex S. Doctore ad 1.* duobus modis posse dici aliquem actum indifferenter quoad speciem, primo ita ut ex sua specie debatur ei quod sit indifferens, secundo quia non habet ex sua specie quod sit bonus, vel malus, potest tamen per aliquid aliud fieri bonus vel malus. Si datur actus quoad speciem indifferens priori modo, sequeretur posse etiam dari aliquem actum indifferenter quoad individuum. Verum quia quando nos admittimus actum aliquem indifferenter quoad speciem, loquimur tantum in posteriori sensu, hinc non potest colligi, actum etiam indifferenter quoad individuum, esse possibilem. Quia quando proceditur ad

E 2 opus,

opus, oportet ut actio alioqui secundum se, & ex parte objecti indifferens, habeat finem, aliasque circumstantias debitas, vel iis careat; ac proinde sit bona, vel mala, non quidem ratione objecti, quia sic semper est indifferens, sed ratione circumstan-

tiarum.

C A P U T II.

De natura peccati secundum se.

RESOLUTIO I. *Peccatum aliqua ratione virtutis*
opponitur. Hoc ita declarari potest ex S. Thoma
1.2. quest. 71. art. 1. Duo possunt considerari in virtute,
 nempe id quod spectat ad essentiam illius, & opera-
 tio ad quam tendit. Rursus in ipsa essentia virtutis
 aliquid potest considerari directe, nempe quod sit
 dispositio quædam alicuius convenienter se haben-
 tis, secundum modum suæ naturæ; & aliquid ex con-
 sequenti, scilicet esse bonitatem quandam: in hoc
 enim consistit uniuscujusque rei bonitas, quod con-
 venienter se habet secundum modum suæ naturæ.
 Secundum hoc ergo tria virtuti opponuntur, & qui-
 dem peccatum, quia dicit actum inordinatum, op-
 ponitur virtuti, quatenus hæc ordinatur ad actum
 bonum. Vitium autem repugnat virtuti, secundum
 id quod est directe de ratione illius; eo quod vitium
 rei dicitur inesse, quatenus non est disposita modo
 naturæ suæ convenienti. Denique malitia virtuti op-
 ponitur ratione bonitatis, quæ ad essentiam illius
 consequitur.

Hic discursus difficilis est, qua parte docetur, bo-
nitatem esse quid consequens ad essentiam virtutis:
 quia ex communi sententia, virtus definiri solet, bo-
 na qualitas mentis. Imò ipsem S. Doctor *1.2. quest.*
55. art. 4. ait, in ea definitione qualitatem esse loco
 generis, bonitatem autem loco differentiæ: at per-
 spicum est differentiam esse de essentia rei, & non
 quid consequens ad illam. *Respondei potest 1. bonita-*
tem dici consequentem ad essentiam, seu ad defini-
tionem

DE PECCATIS. CAP. II. 101

tionem virtutis, sumpto nomine virtutis latè, prout dicitur dispositio perfecti ad optimum, qua ratione S. Thomas de ea hic tractat. Perfectum enim dicitur, quod est rectè dispositum secundum suam naturam & ejusmodi dispositio in qualibet re est illius bonitas.

Respondetur 2. Duplicem distingui posse bonitatem in virtute, alteram in ordine ad actum bonum, efficiendum quomodo bonitas non competit virtuti formaliter, sed potius virtualiter aut causaliter; alteram in ordine ad naturam rationalem quam afficit, quatenus illi formaliter conveniens est eo ipso quod illam disponit ad operationem rationi convenientem. Et priorem quidem bonitatem esse de essentia virtutis, posteriorem verò esse quid consequens ad illam; quia habitudo convenientia quam habet accidens ad subjectum, supponit essentiam illius jam esse constitutam. Et in casu proposito, ex eo quod virtus disponit subjectum ad rectam operationem, sequitur eam esse convenientem respectu subjecti,

Ut autem, quæ in hoc tractatu dicenda sunt, melius intelligas, *Nota 1.* quod sicut nomen virtutis interdum latè sumitur, pro facultate seu potentia operativa, sive sit moralis, sive naturalis; alias verò strictè pro bona qualitate mentis, qua rectè vivitur. Ita vitium nonnunquam significat defectum in naturalibus, plerumque verò in moralibus, qua ratione hic à nobis usurpatur. Peccatum etiam contingit in naturalibus, in arte factis, &c in moralibus. Quamvis culpa non nisi in moralibus locum habeat.

Nota 2. Etsi vitium interdum dicatur de actu malo, ut plurimum nomine vitii intelligi habitum pravum, seu qualitatem permanentem qua homo inclinatur ad actus malos. Contra verò, etsi nomine peccati interdum intelligatur habituale, frequentius eā vocem usurpari ad denotandum peccatum actuale. Ita ut peccatum non tam id sit, quo quis denominatur

E 3 peccator.

peccator, quām id quō denominatur actū peccans. Tandem nomen culpæ non nisi pro a&u male sumi solet. Cæterum habitus, & actus vitiosis ita inter se comparantur, ut actus pejor sit quām habitus ex art. 3. quia pejus est male agere; quām posse male agere, sicut ē contrā melius est bene agere, quām posse bene agere.

Nota 3. Virtutem & vitium opponi more contrariorum, quatenus sunt duo habitus reales & positivi, ab eodem subiecto se mutuo pellentes, & in contraria objecta tendentes. Nam virtus fertur in objectū honestum, vitium autem in objectum turpe, nō quod ipsam turpitudinem amet, ea enim non est appetibilis, sed quia objectum in quod, sub specie aliqua boni fertur, à parte rei turpe est, recteque rationi dissentaneum. Non tamen inter illa reperitur contrarietas strictè sumpta: cùm virtus & vitium non sint sub eodem proximo genere, & virtus extrema magis inter se distent, quām à virtute media.

Nota 4. Jam dicta intelligi de virtute morali seu acquisita, nam quod attinet ad virtutes infusas, probabilius est vitia iis non opponi, cùm sint diversorum ordinum. Unde et si homo per justificationem virtutes infusas consequatur, non propterea habitus pravi in eo esse desinunt. Non tamen illum vitiosum denominant, talis enim denominatio impeditur per presentiam gratiæ, & virtutum infusarum, à quibus simpliciter justus & bonus denominatur. Neque putas vitia manere tantum materialiter in iustificatis, aut enim post justificationem non remanent quoad suam entitatem, aut manent quoad suam rationem specificam & formalem, seu quatenus sunt habitus pravi, ex se ad peccatum inclinantes, cùm repugnet aliquid existere, & non habere quicquid spectat ad constitutionem illius formam, & intrinsecam.

RESOLUTIO II. Vitium est contra naturam hominis. [Hanc ita probat S. Thomas q[uod] est. citata art. 2. quia]

DE PECCATIS CAP. II. 103

quia natura uniuscujusque rei potissimum est forma, secundum quam res speciem sortitur, homo autem in specie constituitur per animam rationalem, & ideo id quod est contra ordinem rationis propriè est contra naturam hominis, in quantum est homo; & quod est secundum rationem, est secundum naturā hominis, ut homo est. Quare cùm vitium sit contra ordinem rationis, consequens est illud esse contra naturam hominis, ut homo est. Et vice versa cum virtus sit juxta ordinem rationis, ea est secundum naturam hominis, eique consentanea:

Nota 1. Hoc esse discrimen inter vitia & peccata, quæ repugnant legi naturali, & ea quæ sunt contraria legi supernaturali, quòd priora sunt absolute contra naturam rationalem, in sensu allato: posteriora verò non nisi ex hypothesi, quòd natura rationalis est elevata ad ordinem supernaturalem, Deoque ei sic spectatæ vult aliquid præcipere: sic enim tantum ratio naturalis dictare potest, Deo esse obediendum quoad præcepta supernaturalia; cùm ex se ad ea quæ naturam superant, pertingere nequeat.

Nota 2. Si esse contra naturam, idem sit ac esse contra inclinationem naturalem, in eo etiam distingui vitia, quæ repugnant virtutibus acquisitis, à peccatis quibus præcepta supernaturalia violantur, quòd priora sunt contra naturam hominis, non autem posteriora. Siquidem ab anima habemus principia actuū ad virtutes morales spectantium, adeoque naturaliter in eas virtutes inclinamur: non habemus autem ab illa, secundum se spectata, sed tantum quantum elevata est ad finem supernaturalem, principia actuū ad virtutes infusas spectantium; ac proinde neque est in nobis naturalis inclinatio ad actus eiusmodi virtutum.

Nota 3. Si aliquid esse contra naturam, perinde sit ac esse contra id, quod insitum est à natura, hoc modo vitia repugnatiā virtutibus moralibus, nō esse.

E 4/ propriè

propriè contra naturam hominis; eo quod virtutes oppositæ non insunt nobis à natura, sed per varios actus acquiruntur. Et multò minus peccata repugnatiæ legi supernaturali, esse contra naturam, cum virtutes supernaturales neque nobiscum nascantur, neque per actus nostros producantur, sed divinitus nobis infundantur.

Nota 4. Prædicta procedere de homine, juxta naturam rationalem spectato. Quod si spectetur secundum partem sensitivam, illiusque appetitum, *Dicendum* 1. peccata sumpta materialiter, ut continent bonum aliquod sensibile, non esse contra naturam hominis, ut hæc in bona sensibilia inclinatur, quin potius ei valde congruere, ut vel ex terminis patet. 2. Peccata sumpta formaliter, quatenus sunt contra ordinem rationis, non esse contra, aut secundum naturam hominis modo jam dicto spectati; quia etsi appetitus sensitivus ex se feratur in bona sensibilia, non tamen contra, aut juxta ordinem rationis, cùm agere attendendo, vel non attendendo ad ordinem rationis sit omnino extra latitudinem potentiarum sensitivæ. 3. Si appetitus sensitivus spectetur in homine, non secundum inclinationem illam particularem, quam habet ad bona sensibilia, sed secundum inclinationem universalem, quæ ei inest, ad sequendam motionem rationis & voluntatis, hoc modo peccata esse contra naturam hominis, seu contra naturalem in illius inclinationem: quia nimirum sunt contra rem rationem, ut dictum est.

Nota 5. Nos hactenus egisse de peccatis quatenus sunt contra naturam hominis, ut homo est, & ratione præditus, esse tamen quædam peccata, quæ specialiter dicuntur contra naturam, ea scilicet quæ repugnant etiam naturæ, quam homo habet communem cum brutis, quatenus per illa modus consuetus ad generationem prolis, à natura præscriptus nefariè immutatur, ut tradit S. Doctor 7. 2. *quest. 94.*
ext. 3. ad 2.

K E S Q.

DE PECCATIS. CAP. II. 105

RESOLUTIO II. Peccatum omissionis plerumque non est sine aliquo actu positivo, qui sit directe, vel indirec-
te causa illius; absolute tamen sine aliquo tali actu esse potest.] PRIOR PARS ex ipsa experientia satis colligi videtur, constat enim nos, ut plurimum, non omitte-
re culpabiliter opus præceptum, nisi vel quia direc-
te volumus illud omittere, vel quia vacare
volumus alicui operationi, quæ aut comitanter, aut conseqüenter est incompossibilis cum opere præcep-
to; comitanter, ut contingit cum quis vult ludere,
tempore sacri; conseqüenter verò, ut dum quis ex
præcedenti ludo aut ebrietate dormit, quo tempore
sacrum esset audiendum;

Atque hoc tantum sensu ait S. Thomas art. 5. si peccatum omissionis sumatur quoad causas, vel occa-
siones omittendi, necesse esse in eo reperiri actū aliquem; agitur enim de moralibus, in quibus illud dicitur necessariò evenire, quod frequenter contingen-
git, esto metaphysicè loquendo, oppositum possit accidere.

Posterior pars defenditur à S. Doctore articulo ci-
rato, probaturque hac ratione, nam si liberè omittas, quod teneris agere, peccas; aut ejusmodi omissio libera potest esse sine omni actu, qui sit illius causa, vel occasio, ut patet; si instantे præcepto eliciendi actum fidei, aut charitatis, voluntas alicujus se habeat mere negativè, circa talēm actūm, ita ut non velit illum elicere, aut non elicere, vel etiam circa aliū actūm, cum eo incompossibilem versari; cū tamē ei liberū sit hoc, vel illud præstare. Confir-
matur, nam voluntas antequam servet præceptum dilectionis, indifferens est & libera, non modo ut actum amoris, sed etiam ut quemcunque aliū actū voluntarium eliciat, aut non eliciat, adeoque poterit actum amoris, simulque omnes alios actus libe-
ros suspendere.

Dices 1. Quomodo potest omissio esse voluntaria, si per nullum voluntatis actum sit volita? Respondeo,

E 5 quia

quia ut aliquid censeatur voluntarium, satis est quod à voluntate possit ponere aut non ponere, ut manifestum est ex actu libero voluntatis: ille enim non dicitur liber, aut voluntarius, quia voluntas per actum aliquem præcedente in eum fertur, sed quia in illius est potestate eum elicere, aut non elicere. Cùm ergo sit in potestate voluntatis, ponere omissionem actus debiri, aut eam non ponere: hoc sufficit ut omissione dicatur voluntaria, et si voluntas per actum aliquem positivum in eam, ut in objectum volitum minimè tendat.

Contra, ut omissione sit culpabilis, non sufficit quod sit voluntaria in potentia, & per modum actus primi; alias peccata omnia possibilia nobis imputarentur; debet ergo esse voluntaria, per modum actus secundi, adeoque cùm ipsa non sit actus secundus, necesse est ut sit volita per actum secundum. *Respondeo*, ut omissione sit voluntaria per modum actus secundi, non requiri quod ipsa sit actus secundus, à voluntate elicitus, aut quod per aliquem actum sit volita, sed satis esse, quod voluntas de facto omittat actum, quando ex præcepto tenetur illum ponere.

Dices 2 Non tantum in commissione, sed etiam in omissione distinguitur peccatum actuale, ab habituali; at talis distinctio salvare nequit, nisi omissione, ut dicit peccatum actuale, includat actum, cùm negatio actus debiti maneat, etiam post transactum peccatum actuale omissionis. *Respondeo*, in omissione distingui posse peccatum actuale, ab habituali, quatenus prætermittens actum, quo tempore tenetur eum elicere; dicitur actu peccare peccato omissionis, poste à verò dicitur in eo statu peccati habitualiter permanere. Unde prior omissione dicitur voluntaria actu, non quidem directe, cùm non sit à voluntate, ut à principio realiter influente, sed indirecte, seu interpretative, quatenus voluntas non vult contrarie ad actum debitum, quo posito non esset omissione.

DE PECCATIS. CAP. II. 107
omissio illius. Posterior verò dicitur voluntaria
habitualiter dumtaxat.

Dices 3. Peccatum omissionis non modo punitur
pœna damni, sed etiam pœna sensus: at sicut pœna
damni respondet aversioni à Deo; quæ est in pecca-
to, ita pœna sensus respondet conversioni ad creatu-
ras, quæ non nisi in actu aliquo positivo consistere
potest. *Respondeo,* in peccato omissionis esse con-
versionem aliquam virtualem, seu interpretati-
vam ad creaturem, quatenus quod homo ita affectus
sit, ut liberè omittat actum, quem scit à Deo præ-
ceptum, id in morali estimatione perinde est, ac si
per volitionem positivam vellet ejusmodi actum
omittere.

Dices 4. Voluntas non exercet suam libertatem, si
ne formalí motivo provocante ad tale exercitium, at
non est formale motivum meræ omissionis, sed tan-
tum actus positivi: ergo ut voluntas libertatē suam
exerceat, omittendo actum præceptum, necesse est
ut actus positivus ad ejusmodi omissionem concur-
rat. *Respondeo,* requiri motivum formale, ut voluntas
velit agere, & etiam ut positivè velit actum impera-
tum omittere. Ut autem voluntas negativè se habeat,
actum suspendendo, quando illum exercere debet,
non opus esse ut ea ex formalí motivo inducatur, ad
omissionem actus præcepti, sed satis esse; quod non
habeat tunc aliquid motivum, quo inducatur ad
positionem talis actus.

Quæres, an præcedens resolutio debeat extendi, ad
culpabilem omissionem actus exterioris. *Respondeo I.*
Certum esse, omissionem illam posse esse culpabilē,
etsi per actum voluntatis directè non sit volita, sed
tantum indirectè. Ut enim quis peccet, non audiē-
do sacrum, non opus est ut positivè velit non audire,
aut nolit audire sacrum, sed satis est quod directè
velit alicui rei intendere, qua impeditur ne sacrum
audiat.

Respondeo 2. Probabile videri, ut ejusmodi omissione
sit pec-

fit peccatum, non requiri absolute actum aliquem positivum & formalem, qui sit causa illius indirecta. *Ratio est*, quia potest aliquis, ex negligentia culpabili sacram omittere, et si non habeat actum quo velit sive directe sacram omittere, sive aliquid agere quo impeditur ab conditione sacri. Quare et si quo tempore sacro deberet interessere, aliis rebus intendat, id que per actum positivum & liberum, iste tamen actus non est causa omissionis sacri, sed tantum concomitanter se habet ad illam omissionem. Unde eo non obstante, verum est posse dari omissionem peccaminosam actus externi, sive aliquo actu, qui sit causa illius sive directa, sive indirecta.

Dices, negligentia debet esse voluntaria, ut omissione eam sequens imputetur ad peccatum, at non est voluntaria, sine actu voluntatis, qui proinde ad ipsam omissionem extenditur. *Respondeo*, ut negligentia censeatur voluntaria, quantum satis est ut omissione ex ea procedens sit moraliter mala, non opus esse ut voluntas directe eam velit, sed sufficere quod eam non avertat, quando potest, & tenetur avertere: hoc autem fieri potest, sine actu formalis, ut patet ex dictis.

RESOLUTIO IV. *Actus conjunctus cum omissione culpabili interdum est peccatum, alias non.*] EXPLICO, duobus modis potest conjungi actus aliquis cum omissione pracepti, primò ut causa, vel occasio talis omissionis, ut dum quis propter ludum, aut studium vult sacram omittere. Secundò tanquam aliquid omissionem concomitans, & non causans, ut dum quis volens propter pluviam sacram omittere, interim ludit, aut studet, ne vacet otio. Jam

Dico 1. Actum qui est causa, vel occasio omissionis pracepti, esse peccatum, et si alias malus non sit. *Ratio est*, quia actus liber, qui est causa peccati, est peccatum, cum sit contra rectam rationem, ut patet dum quis consulit actum malum; at qui actus causans omissionem culpabilem, est causa peccati, ergo est peccatum.

Confir-

Confirmatur, nam quamvis bono fine ingrediaris domum mulieris, adeoque ingressus ille sit ex se bonus, erit tamen malus, si ex eo probabile tibi imminent periculum peccandi. Ergo à fortiori actus ille est malus, qui tibi est causa omittendi præceptum, esto alias bonus sit. *Quod intellige*, modo per actum illum non tollatur obligatio præcepti, si enim tollitur, actus causans omissionem non est malus, ut contingit, dum quis sacram omittit, ut constitutum in extremis à peccatis absolvat.

Dices, nullum est peccatum, quod non repugnet alicui præcepto, sed actus de se bonus, qui est causa omissionis, non repugnat alicui præcepto, quia alias bonus non esset, ut supponimus; ergo actus ille non est peccatum. *Respondeo* actum illum repugnare præcepto audiendi sacram, non quidem per se & directè, sed tantum per accidens & indirectè. *Quatenus* eodem præcepto quo tenemur sacro interesse, consequenter prohibetur omnis actus qui sit causa, ne eiusmodi præceptum observetur.

Dico 2. Actum qui tantum concomitanter se habet ad omissionem malam, non esse malum, nisi aliunde talis sit. *Probarur*, nam cuin non influat in omissionem malam, ab ea malitiam non contrahit.

Neque dicas 1. Contrahere malitiam à circunstantia temporis, quæ mala est; *hoc enim falsum est*, quia et si malum sit sacram omittere, ut sacri tempore studio vaces; si tamen alia ex causa vis sacro non interesse, malum non est studio vacare, quo tempore Missa celebratur. *Unde dici non potest*, studere tempore sacri esse malum, propter præceptum tunc audiendi Missam: nam ex vi hujus præcepti, prohibetur tantum studium, quod causa est ne quis Missam audiat. *Quando tamen aliquis decrevit*, alia ex causa sacro non interesse, nulla ratio est cur ex vi præcepti audiendi Missam, ei non liceat tunc dare operam literis.

Neque dicas 2. Eum actum esse malum, qui per se impedit observationem præcepti, actum autem studendi tempore sacri, per se impedire observationem præcepti audiendi Missam; quia cum tali observatione est planè incompossibilis. Respondetur enim actum studendi, licet incompossibilem cum auditione sacri, non impedire per se quin sacram audiatur, seu non esse causam cur præceptum audiendi Missam omittatur, ac proinde non esse malum. Quia cum jam aliunde, ut supponimus, injectum sit efficax impedimentum auditioni sacri, studium supervenientis quantumvis incompossibile cum auditione sacri, non censetur causa, cur sacram non audiatur. Quemadmodum corpus opacum fenestræ clausæ ad motum, non dicitur causa-impediens, ne lumen trahatur in cubiculum, si sola fenestra ex se talem trajectiōnē sufficienter impedit.

Ex quibus collige, quando quis ex tardio aut tempore efficaciter proponit non audire sacram, & post tale propositum eligit duos actus extenos, quorum singuli sint incompossibilis cum auditione sacri, secundum ex illis actibus non esse causam omissionis; quia vel ex positione prioris efficaciter sequitur omissione. Eademque ratione intelligi potest, nequidem actum illum priorem esse causam omissionis, quia propositum antecedens, cum sit efficax, habebit suū effectum, sive actus ille sequatur, sive non. Quare in eo casu, neuter ex illis actibus malitiam contrahit ex omissione sacri, sed solum propositum, quod est illius causa.

Si dicas hinc sequi, Sacerdotem non peccare, qui breviarium in mare projicit, si ea projectio non fiat, nisi post efficax propositum non recitandi horas canonicas. Respondeo verum esse id sequi, si sensus sit, projectionem breviarii non habere tunc eam malitiam, que redundat in actum externum, eo ipso quod est causa omissionis præcepti: siquidem ea projectio proprie non est causa, quod officium non recitetur.

Aliunde-

Aliunde tamen projiciens breviarium peccat, quia ex præcepto recitandi horas canonicas tenetur præteritam voluntatem pravam efficaciter retractare: at per projectionem breviarii, fit impotens ad tales mutationes. Quemadmodum ille etiam de novo peccaret, qui post propositum efficax non audiendi sacrum, se in tali statu constitueret, ut sacrum audire non posset.

R E S O L U T I O V. In actu qui causat omissionem, est eadem specie, & numero malitia, qua est in omissione ipsa.] **P R I O R P A R S P R O B A T U R**, quia actus ille includit aut formaliter, aut interpretativè voluntatem omittendi præceptum, adeoque respicit objectum ipsius omissionis, à quo ex consequenti malitia ejusdem speciei contrahit. Confirmatur, nam causa omissionis repugnat eidem præcepto, cui repugnat ipsa omissione, ergo habet eandem specie disformitatem & malitiam.

Dices 1. Si actus predictus habet eandem specie malitiam cum omissione, sequitur cum esse peccatum omissionis, non autem commissionis, quod absurdum videtur. *Respondeo* iminētō id videri absurdum, quia cùm actus participet malitiam omissionis, ut ostensum est, mirum videri non debet, quod ut sic, dicatur peccatum omissionis, potius quam commissionis. Præsertim cùm non repugnet præcepto negativo, sed affirmativo.

Dices 2. Qui omittit sacrum, ut studeat, habet affectum inordinatum ad studium, cum hoc sit propter studium, velle relinquere Deum: at talis inordinatio valde differt, ab inordinatione omissionis sacri, cùm hæc sit contra præceptum audiendi sacrum, illa vero contra præceptum charitatis. *Respondeo 1.* hinc non colligi, actionem studendi non contrahere malitiam omissionis sacri, de quo jam est questio, sed ut summum in ea actione reperiri duplē malitiam, aliam commissionis, aliam omissionis.

Respondeo 2. Neque id bene probari, quia agimus
de

de actu studendi, qui ex se non est malus, sed tantum quatenus causa est ut sacram omittatur: ille enim ut sic non repugnat, nisi præcepto audiendi Missam, atque adeò unam solum specie malitiam contrahit. Aliás qui absolute veller omittere sacram, minus peccaret, quam ille qui veller illud omittere, propter studium: siquidem in priori casu, esset unica malitia omissionis, in posteriori vero esset duplex specie malitia, alia commissionis, alia omissionis. Neque refert, quod in omissione sacri propter studium, reperiatur quidam contemptus Dei, hæc enim inordinatio communis est omnibus peccatis, neque speciem aliquam malitiæ constituit.

Posterior pars suadetur ex dictis, cum enim actus studendi non habeat nisi malitiam omissionis, ut ostensum fuit, hinc planè consequens est, eandem numero malitiam utrique competere, ita ut unicum numero peccatum formaliter constituant. Confirmatur, nam ex communi sententia, quando quis directè vult sacram omittere, quia libet, volitio illa ut sic, non habet malitiam aliquam numero distinctam, à malitia omissionis. Ergo si quis velit sacram omittere propter studium, multo minus talis volitio habebit malitiam numero distinctam, à malitia omissionis. Sequela patet, quia magis peccatur in priori modo omissionis, quam in posteriori.

Hinc collige, quando quis sacram omisit propter studium, satis esse si in confessione dicat, se sacram omisisse; quia cum circunstantia studii non addat novam malitiam omissioni, illius declaratio non est necessaria ad integratem confessionis.

RESOLUTIO VI. Quando omissione culpabilis continet, quo tempore vitari non potest, et pro fune non imputatur ad culpam sed pro tempore quo causa omissionis liberè posita est.] EXPLICO, Titius voluntarie die Dominica inebriat se, probabiliter judicans se ea die sacram omissurum; in eo casu omissione sacri non imputatur Titio, quandiu ebrius est, et si urgeat nunc præceptū audiendi

audiendi Missam, sed pro tempore quo tali omissione causam dedit, seu quo se incibriavit. *Ratio est*, quia omissione sacri, ut imputetur ad culpam, debet esse libera pro tempore, quoad culpam imputatur; at non est libera pro tempore ebrietatis, ut notum est, ergo pro tunc ad culpam imputari nequit. Contrà verò omissione sacri est libera, quando illius causa ponitur, siquidem talis causa liberè ponitur; & quamvis consistat in actu positivo, habet ratiō malitiam ipsius omissionis, ut supra ostensum est. *Quare omissione sacri pro tunc ad culpam imputatur.*

Praeterea idem ostenditur ab incommodo, si enim omissione alicui imputaretur, pro tempore quo eam vitare nequit, sequeretur gratiam, & peccatum mortale posse simul, etiam de lege ordinaria, in eodem homine reperiri. Nam si Titius voluntariè morbum contrahiceret, prævidens ex eo sequutum, se deinceps ineptum fore ad servandum jejinium, tunc adveniente jejunii tempore, Titius peccaret mortaliter non jejunando, et si jejunare non posset: aliunde verò posset ille præcedente in tempestantiam detestari, & de ea ex animo dolere, atque adeo virtute contritionis in gratiam restitui. Titius ergo in ea hypothesi simul esset in gratia, & peccato mortali, quod de lege ordinaria fieri nequit, et si de potentia absoluta non videatur repugnare, ut diximus ubi de gratia.

Dices r. Qui sacro nondum auditio, somno se dedit, potest excitari, antequam tempus satisfaciendi præcepto de audienda Missa, elapsum sit adeoque tali præcepto satisfacere. Hinc autem sequitur, eum non peccasse contra præceptum illud, quando illius omissione causam dedit. *Confirmatur*, nam si post auditum sacrum moreretur dici profecto nequit, damnandum ob sacram omissionem; at nec damnaretur propter transgressionem alterius præcepti, cum contra nullum aliud peccaverit.

Respondeo negando id sequi, nam et si homo à somno ex-

no excitatus; propositum mutet, & Missam audiat, hinc non debet colligi, quod ante non peccaverit, quando omissioni sacri causam dedit, sed tantum peccatum illius non fuisse consummatum. Unde ad confirmationem dicendum est, cum qui post propositum illud, per contritionem minimè retractatum, auditam tamen Missam, è vivis excederet, damnandum ob sacri omissionem, non quidem ut hæc dicit me-ram privationem actus audiendi Missam, sed quatenus significat peccatum, habens malitiam omissionis sacri juxta superius dicta.

Dices 2. Effectus mali, et si in se liberi non sint, nobis imputantur ad culpam, quando earum causa est libera; ut patet in homicidio ab ebrio perpetrato, & in pollutione nocturna, procedente ex causa culpabili. Ergo similiter omissione precepti, orta à causa libera, est in se culpabilis; quamvis non sit formaliter libera. *Respondeo,* antecedens falsum esse, homicidium enim non imputatur ad culpam, quoad se, homini ebrio, sed tantum quoad causam ex qua ortum est, nimirum quantum ad ebrietatem; quam vitare potuit. Imò si ille qui se inebriavit, nullo modo prævidere potuit, homicidium ex ebrietate sequuturum, illud ei nequit ad culpam imputari, sive in se, sive insua causa spectetur. Et idem proportione servata, de pollutione nocturna sentiendum est, ut ex dicendis cap. sequenti clarius intelligetur. Hinc potest excusari Loth à peccato incestus, quia prævidere non potuit, talem effectum ex ebrietate sequuturum. *Nec* refert quod interdum, idque justè propter dictos effectus pœnæ imponantur; quia ad hoc satis est, quod dant mali in suis causis, & eatenus caveri possint, & debeant.

Dices 3. Absurdum videri, quod omissione aliquando non sit culpabilis, & tamen volitio illius sit mala: si enim non est malum omittere, quomodo malum est, velle omittere? *Respondeo* ideo hoc esse malum, quia cum omissione prohibita sit, ea est in se objectivè mala;

maña, et si libertate careat. Unde fit ut libera voluntio illius formaliter mala sit, quemadmodum velle occidere hominem peccatum est, esto postea contingat eum ab obvio occidi, adeoque talem occisionem in se non esse malam.

R E S O L U T I O V I I I . Peccatum rectè definitur ab Augustino, *Dictum, factum, vel concupitum contra legem æternam.*] HANC probat S. Thomas 1. 2. quæst. 71. art. 6. quia peccatum nihil est aliud quam actus humanus malus, dicitur autem actus aliquis humanus, quia est voluntarius, sive sit elicitus à voluntate, sive imperatus; in malus vero, quia caret debita comensuratione, ad primam regulam voluntatis humanæ, quæ est lex æterna. Porro August. in allata definitione utrumque complexus est: primum quidem, quod est quasi materiale in peccato, cùm dixit, *Dictum, factum, vel concupitum.* Secundum vero, quod est quasi formale, cùm dixit, *contra legem æternam.*

Verum circa hæc nonnullæ occurruunt difficultates, quarum *Prima* sumitur ex supradictis, de peccato omissionis, quod ostendimus esse posse sine omni actu; hinc enim sequitur, non omne peccatum esse dictum, vel factum, vel concupitum contra legem æternam; adeoque allatam peccati definitionem non esse legitimam. Respondetur ex S. Doctore ad 1. affirmationem, & negationem reduci ad idem genus, sicut in divinis genitum, & ingenitum redueatur ad relationem, ac proinde prædictam definitionem sic debere intelligi, ut peccatum sit dictum, vel non dictum, factum, vel non factum, &c.

Secunda difficultas est, quomodo in communione definitione peccati ponatur, quod sit contra legem Dei, hinc enim colligitur, quicquid peccatum est, ideo esse, quia prohibitum est, cum tamen vice versa multa sint prohibita, quia ex se sunt mala, & peccata. Respondeo, omnia peccata id habere commune, ut sint aliqua

aliqua lege prohibita, nempe aut positiva, aut naturali, immo ut sint peccata, quia tali lege prohibentur. Quando autem dicitur multa prohiberi, quia sunt ex se mala, sensum esse, multa prohiberi lege positiva, quae ex natura sua mala sunt: quale est homicidium, adulterium, &c. Id tamen non obstat, quin generaliter verum sit, omnia peccata ideo esse peccata, quia aliqua lege prohibentur; siquidem ea quae dicuntur ex se mala, ideo sunt peccata, quia legi naturali repugnant, quae vero non sunt ex se mala, ideo sunt peccata, quia legi positivae adversantur.

Dices, nonne lex naturalis vetat homicidium adulterium, actusque similes, quia ex se mali sunt? Nisi enim essent mali, eos non vetaret, ergo falsum est ejusmodi actus esse malos, quia lege naturali prohibentur. Respondeo hoc uno sensu verum esse, & alio falso. Verum est, per legem naturalem prohiberi actus illos, quia ex se objective mali sunt; falsum autem per illam eos prohiberi, quia formaliter mali sunt: non enim sunt formaliter mali, nisi ut sint contra obligationem, ex lege naturali ortam. Quid porro intelligatur per legem naturalem, ex superiori libro petendum est.

Tertia difficultas, eaque gravis, & inter recentiores valde controversa est, in quo consistat ratio formalis peccati commissionis, an in privatione rectionis debita, an vero in positiva, & reali illius dissonantia cum legi.

Respondeo, probabiliorem videri eorum sententiam qui dicunt, formale peccati commissionis non consistere in privatione, sed in ratione aliqua positiva. Ratio est, tum quia id sine dubio melius coheret cum peccati definitione, ex Augustino antea relata, & a S. Doctore probata: ea enim directe competit tantum peccato commissionis, cuius rationem non explicat, nisi per actus legi divinae positivae contrarios.

Tum quia hoc modo melius intelligitur discrimen,

men quod inter peccatum commissionis, & omissionis reperiri debet, ut patet vel ex ipsis nominibus. Cum enim peccatum omissionis formaliter constitutus, in privatione actus debiti, peccatum commissionis vice versa constitui debet, in positione actus indebiti. Alias si commissio formaliter consistit in privatione, vix erit majus discriminem inter omissionem, & commissionem, quam inter duas omissiones. Præsertim cum tunc tota commissionis entitas ad materiale spectet, & aliunde in ipsa etiam omissione ferè semper de facto, actus aliquis positivus reperiatur, ut supra diximus.

Tum quia id plane consentaneum est iis, quæ tradunt Philosophi post Aristotelem cap. de qualitate, & alias, de oppositione contrarietatis quæ reperitur inter bonum, & malum, inter justitiam, & iniquitatem: talis enim oppositio non habet locum, nisi inter extrema realia, & realiter distincta.

Quod si dicas, eas intelligi de habitu bono, & malo, hinc à fortiori colligo, idem sentiendum esse de actu bono & malo, cum habitus illi inclinens ad actus similes, imò dicantur contrarii inter se, quia tendunt ad actus contrariè oppositos.

Tum quia negari non potest, quin actus ipse malus entitativè spectatus, sit contra legem Dei; cum prohibitio directè cadat in illum, verbi causa, in reale homicidium, vel adulterium: atqui illud est formaliter malum, quod est contra legem Dei, ergo ipse actus prohibitus, entitativè spectatus, est formaliter malus, adeoque formalis illius malitia non est quid privatum, sed positivum. Confirmatur, nam quantumvis abstrahas à privatione, quæ consequitur actum malum, modo concipias tendentiam reali actus, in objectum legi dissonum, intelliges verum & formale peccatum adesse.

Tum denique, quia quādō dicitur, peccatum commissionis esse formaliter privationem rectitudinis debitæ, quāro quodnam sit subjectum proximum talis

talis privationis. An actus ipse malus, ut quidam dicunt, at hoc impossibile est, quia privatio est carentia formæ, in subiecto apto ad eam habendam; actus autem per se malus, verbi causa, odium Dei, non est capax rectitudinis, etiam per divinam potentiam; cum repugnet quod Deus possit bene, & laudabiliter odio haberet. An forte ipsa potentia seu voluntas erit subiectum dictæ privationis, ut alii arbitrantur? Verum neque hoc admitti potest, primum, quia actus ipse formaliter malus est, malitia actuali, de qua tantum hic agimus; voluntas autem non dicitur sic mala, nisi ratione actus mali: quo fit, ut malitia sit immediate in actu, & tantum mediate in voluntate. Si ergo malitia actus nihil est aliud, quam privatio, profectò sicut malitia, ita & privatio proximè actum ipsum, non voluntatem afficere debet. Secundò, quia saepe contingit hominem peccare, contra præceptum negativum, quo tempore non urget præceptum affirmativum, eliciendi aliquem actum bonum oppositum; ut si Deum odio habeat, quando non tenetur ex præcepto eum actu diligere. Potest ergo dari peccatum commissionis, quod non privet voluntatem rectitudine aliqua ipsi debita; ac proinde formalitas pravæ commissionis in ejusmodi privatione confitente nequit.

Dices r. Omnes Patres communiter nobis repugnare, cùm saepissimè dicant, peccatum esse privationem, & nihil. Respondeo, Patres, ut efficacius nos à peccato avertant, plerumque agere de illo, oratorio more, & magis attendere ad effectus, qui ex eo sequuntur, quam ad quidditatem illius, in rigore metaphysico spectatam. Quare quando peccatum vocant privationem, loquuntur in sensu causali, non formalí, ut vel ex eo patet, quia saepe agunt de privatione gratiæ, & gloriæ æternæ, in qua omnium consensu formalitas peccati non consistit. Et aliunde nullus assertur textus ex Patribus, quo constet, peccatum

catum commissionis formaliter consistere, in privatione rectitudinis debitæ inesse actui, aut potentia ut volunt adversarii. Dicunt etiam Patres peccatum esse nihil, vel quia causat varias privationes, quæ sunt nihil, vel quia moraliter facit ut homo sit nihil, seu nullius pretii, juxta illud Psalm. 72. ad nihilum redactus sum, & nescivi.

Dices 2. Si peccatum commissionis est formaliter aliquid reale & positivum, quomodo non erit Deus causa peccati, ut peccatum est? *Respondeo* ideò non esse, quia et si concurrat ad totam entitatem peccati, id facit præter intentionem, & tantum ut non desit muneri primæ causæ, quæ parata esse debet ad concurrendum cum causis secundis, juxta conditionem & exigentiam earum. Et idem respondendum est in sententia opposita, si queraram, qui fiat Deum non esse causam peccati, cùm realiter producat totam entitatem, ex qua privatio necessaria resultat. Præsertim cùm homo peccans non aliter sit causa peccati, nisi quia ponit fundamentum, ad quod necessariò sequitur malitia: quemadmodum generatim quod est causa causæ, est etiam causa causati, necessariam cum causa connexionem habentis. Plura de hoc arguento videri possunt in Suavi Concordia disputatione 3. sect.

4. num. 8.

Dices 3. In peccato commissionis duo considerari possunt, nempe aversio à Deo, & conversione ad creaturam: at formalitas talis peccati non consistit in conversione, quia hæc non efficit mala, nisi cum aversione conjuncta esset: ergo ponenda est in aversione à Deo, ac proinde in privatione. *Respondeo* negando posteriorem hanc illationem, nam et si aversio soleat concipi per modum privationis, ea tamen à parte rei est aliquid reale, sicut & ipsa conversione, eo modo quo in motu locali, non tantum accessus

accessus ad terminum ad quem, sed etiam recessus à termino à quo est aliquid reale. Et quamvis verum sit, conversionem non fore malam, si non adfert aversio à Deo, seu à lege ipsius; ex hypothesi tam quod statuta sit lex, prohibens talem actum, ipse persuam entitatem realiter repugnat legi divinae, & à Deo avertit.

Dices 4. Peccatum habituale consistit in privatione, omnium consensu, ergo & actuale. Sequela patet, quia peccatum habituale nihil est aliud, quam ipsum actuale, ut consideratur in facto esse, sicut vice versa peccatum actuale est ipsum habituale in fieri, at fieri privationis non potest non esse privatio, ut patet exemplo obscuritatis, cuius fieri est observatio, ut ita loquar. *Respondeo* negando sequelam, & ad probacionem illius, quicquid sit de majori, negamus minorum; licet enim concipiamus privationem in fieri, & in facto esse, tamen à parte rei fieri privationis non est, privatio, sed aliquid positivum, ut in exemplo tenebrarum, earum fieri est recessus solis. Ita ergo et si peccatum habituale consistat in privatione, illius fieri poterit esse actus realis, à lege divina positive dissonans.

Nota, cùm sàpè in aliis partibus Theologiae mentione incidat de peccato, si forte contigit nos in præcedentibus opusculis, de eo obiter agendo nominasse privationem, id debere intelligi vel in sensu explicato, vel juxta communiorum sententiam quam disputationis causa supponebamus, neglecta interim accusationi illius disquisitione quæ ad istam partem, quam modo versamus, propriè spectabat. Porro quæ sit sententia S. Thomæ de difficultate proposita, ex sequenti resolutione sufficienter intelligetur.

CAPUT III.

De distinctione peccatorum.

RESOLUTIO I. Peccata distinguuntur specie ratione objectorum.] ITA loquitur S. Thomas 1.2. quast.72.art.1. & probat in arg. sed contra, quia peccatum est dictum, vel factum, vel concupitum contra legem Dei, sed dicta, vel facta, vel concupita, cum sint actus, distinguuntur specie secundum diversa objecta, ergo, &c.

Notandum autem 1. ex corpore articuli, hoc debere intelligi de peccato, ut est actus voluntatis, non verò ut est quædam deordinatio: quia priori modo comparatur per se ad peccantem, qui intendit talem actum voluntarium exercere, in tali materia, posteriori verò per accidens, eo quod nullus intendens ad malum operatur, at manifestum est unumquodque consequi speciem, secundum id quod est per se, non autem secundum id quod est per accidens, quia quæ sunt per accidens, sunt extra rationem speciei.

Hinc autem aperte colligi potest, ex mente S. Thomæ formale peccati commissione consistere, in ordine positivo ad objectum rationi dissonum, non autem in privatione rectitudinis debitæ. Cum enim res quælibet, per id formaliter constituantur in esse specifico, per quod ab aliis specie distinguitur, si peccata specie distinguuntur, per ordinem ad objecta, consequens est ut per eundem etiam ordinem in esse specifico constituantur.

Notandum 2. Dubitari posse, an specifica peccatorum distinctio aliunde sumatur, quam ab objecto. Respondeo 1. dici posse, eam etiam sumi à fine, quia ut monet S. Doctor art. citato ad 1. Finis principaliter habet rationem boni, & ideo comparatur ad actum voluntatis, sicut objectum: unde in idem redit, quod peccata differant secundum objecta, vel secundum fines.

F

Respon-

Respondet 2. Propriè loquendo, peccata non distinguuntur specie, per ordinem ad præcepta diversa, cùm sufficienter specificentur ab objectis. Dici tamen posse, ex distinctione præceptorum interdum colligi diversitatem specificam peccatorum, nempe quando præcepta sunt formaliter distincta, non autem tantum materialiter distincta sint. Dicuntur enim præcepta formaliter distincta, quæ respiciunt honestates distinctas materialiter vero, quæ circa eandem honestatem versantur.

Unde collige: Furtum per se loquendo, in ratione furti, non esse nisi unum specie peccatum, esto lege divina, & humana prohibetur: quia utraque lex ex eodem motivo furtum prohibet, quatenus nempe habet talēm disconvenientiam cum convictu humano. 2. Furtum in loco sacro patrum, habere duas malitias specie distinctas, alteram furti, ob dictam rationem, alteram sacrilegii, quatenus continet irreverentiam divini cultus, propter quam ejusmodi furtum lege Ecclesiastica prohibitum est. Unde cum in confessione omnes peccatorum species sint declarandæ, qui aliquid in loco sacro furatus est, ejusmodi circumstantiam confiteri debet.

Respondet 3. Interdum circumstantiam dare novam speciem peccati, actui malo, nimirum illam quæ infert specialem ordinem difformitatis ad rectam rationem, ut tradit S. Doctor 1.2 quæst. 13. art. 10. Quod ut intelligas, Nota ex art. 11. aliquas esse circumstantias, quæ non habent ordinem ad rationem prohibentem, nisi supposita actus malitia per ordinem ad objectum, quomodo non prohibetur quantitas furti, nisi quia furtum ipsum malum est. Aliæ vero sunt circumstantiae quæ ex se, & independenter à malitia actus, habent ordinem disconvenientiam ad rationem, ut cùm quis mentitur, ex intentione furandi: furtum enim ex se, & independenter à mendacio malum est, rectaque rationi repugnans Circumstantiae ergo posterioris istius generis novam inducent spe-

speciem peccati, cum priores speciem non mutent, sed malitiam, quam actus aliunde habet, aggravent, aut minuant.

Dices, furari aliquid in loco sacro, est circunstan-
tia addens novam peccati speciem, ex communis en-
tentia; at talis circumstantia non habet specialem or-
dinem ad rationem prohibentem, sicut neque quan-
titas furti: siquidem accipere rem alienam in loco sa-
cro, non est malum, nisi quia malum est rem alienam
accipere: que inadmodum non nisi propter
eandem rationem, malum est rem alienam accipere
in magna quantitate. *Respondeo* negando minorem,
est enim manifestum discrimen inter duas illas cir-
cumstantias, quia etsi per impossibile furtum non es-
set malum, esset tamen malum, & rationi contra-
rium loco sacro injuriam inferre, quæ est circum-
stantia furti sacrilegi; at non esset malum, in ea hy-
pothesi impossibili, rem alienam in magna quanti-
tate accipere.

RESOLUTIO III. Peccata dividi solent in carna-
lia, & spiritualia.] DE hac divisione agit S. Thomas
1.2. quest. 72. art. 2. ubi notat, ea peccata quæ perfici-
untur in delectatione spirituali, vocari peccata spiri-
tualia; quæ verò perficiuntur in delectatione carna-
li, cujusmodi sunt gula, & luxuria, vocari peccata car-
nalia.

Nec refert, quod omnia peccata dici possint opera
carnis, ut colligitur ex Paulo Gal. 5. non enim sensus
est, quod omnia perficiantur in delectatione carna-
li, sed quod procedant ab homine, secundum car-
nem vivente; seu quia ex sensu carnali aliquo modo
initium habent, ut notatur in resp. ad I.

Porro quia deinceps in hac Idea non se offeret
commodior occasio agendi de peccato luxuriæ, ope-
ræ pretium est quædam hic de eo observare, ex mul-
tis quæ fusiū traduntur à S. Doctore 2. 2. quest. 153.

& 154.

Observandum itaque I. materiam primariam luxu-

riæ esse voluptates venereas, secundariam verò excessum cujuslibet rei sensibus gratæ. Posse tamen actum venereum esse licitum, si nimis debito modo & ordine fiat, secundum quod est convenientius ad finem generationis humanæ; non autem si talis modus & ordo prætermittatur, qui non nisi inter conjugatos servari potest.

Observandum 2. Luxuriam meritò reponi inter vi-
tiā capitalia, eo quod finem habet maximè expeti-
tum, nempe veneream voluptatem, cuius appetitū
homines moventur ad multa peccata committenda;
filias verò luxuriæ esse cæcitatem mentis, inconsi-
derationem, præcipitationem, inconstantiam, amo-
rem sui odium Dei, affectum presentis sæculi, & hor-
rorem futuri.

Observandum 3. Communiter assignari sex species
luxuriæ, quarum 1. Dicitur fornicatio simplex, quæ
est soluti, cum soluta 2. Adulterium, quod habet lo-
cum, quando uterque, vel alter est conjugatus 3. In-
cestus, quando res habetur cum consanguinea, vel
affini. 4. Stuprum, quo virgo violatur. 5. Raptus, cùm
persona aliqua libidinis causa vi abducitur. Et 6. Pec-
catum contra naturam, quod contingit quando per-
vertitur ordo quem natura postulat, ut possit sequi
generatio, ex actu venereo.

Observandum 4. Simplicem fornicationem esse
peccatum mortale, ut patet, tum ex Paulo *ad Galat.* 5.
ubi ait, eos qui fornicantur, aliaque ejusque peccata
perpetrant, regnum Dei non consequuturos. Tum
quia fornicatio simplex vergit in nocumentum pro-
lis ex ea nascituræ, cùm ad educationem hominis
non modo requiratur cura matris à qua nutritur,
sed etiam & maximè cura patris, à quo est instruen-
dus, & defendendus: adeoque inter patrem, & ma-
trem necessarium sit vinculum diuturnum & inso-
lubile, per legitimum matrimonium. Nec refert,
quod fornicator interdum provideat proli de edu-
catione, hoc enim est per accidens, quia extra matri-
monium,

monium, non potest per se loquendo, & ut plurimum haberi sufficiens cura prolis. Et alias sequetur pauperes peccare fornicando, non autem divites, eo quod isti commode consulere possunt educationi prolis, non illi.

Observandum 5. Oscula fieri posse ex triplici fine. 1. Ex honesta amicitia. 2. Ob delectationem sensibilem secundum tactum, quae iis inseparabiliter conjuncta est. 3. Ob delectationem venereum, seu animo fruendi delectatione alicuius actus libidinosi, per imaginationem representati, ac si vere esset praesens. Et quidem oscula primi generis non sunt peccata, et si conjuncta sint cum aliqua commotione, & delectatione modo habeatur ratio decetia, & vitetur scandalum. Quia cum sint ex se res indiferentes, quibus homo potest bene, aut male uti, si in fine honestum referantur, sunt honesta & licita. Oscula vero secundi generis sunt ex se venalia; quia cum querantur ob delectationem sensibilem, carent debito fine: non tamen speculativè loquendo, videntur mortalia; cum enim ea quae ex causa honesta usurpantur non sint mala, esto delectationem quandam sensibilem inseparabiliter adjunctam habeant; incredibile videtur ea esse mortaliter mala, quando praeceps propter hujusmodi delectationem assumuntur. In praxi tamen valde sunt periculosa, eo quod facilis est transitus à delectatione sensibili: ad venereum; praesertim agendo de osculis quae saepius, & cum mora ori insiguntur. Quare ex communis sententia, ejusmodi oscula ob delectationem sensibilem facta, sub mortali caveri debent. Oscula denique tertii generis sunt ex se peccata mortalia; quia cum delectatio venerea sit mortaliter mala, quae ad eam excitandam usurpantur eandem malitiam participant.

Observandum 6. Tactum partis omnino in honesto, si fiat ex causa necessaria, non esse peccatum, et si inde sequatur turpis commotio, vel etiam pollutio,

modo consensus ab sit. Esse verò peccatum mortale, si fiat ex intentione delectationis venereæ, ut ex dictis intelligitur. Et etiam si fiat ob solam delectationem sensus, quia hæc in tactibus in honestis, saltem in praxi, à delectatione libidinosa separati non potest. Quamquam probabilius existimem, peccari solum venialiter; si quis raptim se, vel alium ejusdem sexus in honestè tangat, ex sola levitate, aut curiositate; modo non ad sit periculum consentiendi in turpem delectationem, aut excitandi pollutionem in se, vel in alio.

Quod verò attinet ad tactum partis honestæ, dicens 1. Eum nullo modo esse peccatum, si fiat ex causa honesta, et si delectationem sensibilem adjunctam habeat 2. Eum non esse per se loquendo nisi veniale peccatum, et si fiat ob delectationem sensibilem ei necessario adjunctam; ut si alicujus manus aut facies contrectetur ob delectationem, quæ excus mollitudine, laxitate, & temperata caliditate percipitur. Quia aliás dicendum esset, cum etiam peccare mortaliter, qui propriam manum contrectat, advertens se delectationem aliquam sensibilem, secundum qualitates tactiles inde percipere, quod sane durissimum est, & à communi piorum sensu abhorrens. Prædicti tamen tactus facti ob solam delectationem sensibilem, sine alia rationabili causa eos honestante, dimittendi sunt sub mortali, quando periculum est ne adducant delectationem venereum. Porro quæ de osculis, & tactibus in honestis dicta sunt, ad aspectus rerum turpium facile applicari possunt.

Observandum 7. Pollutionem directè & per se voluntariam, esse peccatum mortale, ut patet tum ex 1. Cor. 6. ubi dicitur fornicarios, adulteros, molles, &c. ad regnum Dei non admittendos: ibi enim per molles intelliguntur, qui delectationis venereæ causa, extra concubitum pollutionem procurant, quorum proinde peccatum dicitur molles. Tum quia actus ille

ille multò magis vergit in detrimentum prolis, quam fornicatio, cum ita fiat, ut non possit ex eo sequi generatio. Quare cum fornicatio sit peccatum mortale, dubitari non potest, quin ipsa pollutione directè, & per se voluntaria deformirat mortalē, eamq; graviorē per se loquendo contineat.

Observandum 8. Pollutionem non esse culpabilem, quando præter intentionem, & sine periculo consensus, sequitur ex causa honesta, quæ sine aliquo incommodo prætermitti non potest, et si prævideatur inde sequutura. Unde non tenetur ex equo descendere, & pedibus iter facere, qui ex equitatione ad pollutionem provocari solet. Talis enim effectus non censeretur tunc voluntarius, sed tantum permisus, majoris boni gratia. Licet autem pollutione sit culpabilis, quando oritur ex causa aliunde mala, ex qua prævisa est secutura, si tamen ejusmodi causa suum proprium finem, & commodum habet, pollutione inde secuta non imputatur ad culpam mortalem, sed ad veniale dumtaxat. Unde et si quis peccet mortaliter, ex gulæ affectu ultra modum comedendo & bibendo, non tamen, quatenus præter intentionem, pollutione ex tali intemperantia sequitur. Quia scilicet causa illa non dirigitur ex intentione operantis, ad ejusmodi effectum, ut supponimus, neque ipsa nisi valde remotè ex natura sua, ad eum disponit. Aliunde vero pollutione non est ex se res mala, ut vel ex eo patet, quia si esset, non licet eam ex causa honesta permittere, sicut non licet permettere in se homicidium. Quare et si sub peccato mortali, vitanda sit causa, ex qua homicidium prævidetur fecuturum, non tamen ea ex qua pollutione prævidetur fecutura, quatenus talis est.

Observandum 9. Pollutionem quæ in somnis contingit, non esse secundum se malam, sive tota contingat, antequam quis expergesiat, sive inceptra tantum sit in somno, & in vigilia perficiatur; quia etiam hoc posteriori modo censetur involuntaria.

nec sine gravi incommodo impediri potest. Esse vero peccatum mortale 1. Si quis in vigilia aliquid faciat ex intentione, ut pollutio in somnis contingat. 2. Si expergefactus postquam incepit, in eam ex plena deliberatione consentiat, et si ei non cooperetur. 3. Si gaudeat de ea quæ in somnis omnino contingit, ob delectationem venereum inde perceptam; non autem si de illa gaudeat, quia ad sanitatem, vel ad sedandas tentationes conducit. Quia etiam de causa licitum est, simplici affectu desiderare, ut in somnis contingat pollutio per causas naturales; et si nunquam liceat eam desiderare efficaciter, ita scilicet ut quis ex vita talis desiderii, ad illam disponatur, & provocetur.

RESOLUTIO III. Peccata dividuntur in peccata contra Deum, contra proximum, & contra seipsum. Item in peccata cordis, oris, & operi. Circa priorem divisionem de qua agitur art. 4. Nota 1. Peccata omnia aliquo sensu esse contra Deum, & contra ipsum peccantem: contra Deum quidem, quia omnia repugnant illius legi, ut patet tum ex definitione peccati cap. 1. Allata tum quia non tantum Deus iubet, ut homo se habeat ordinare erga ipsum, sed etiam erga proximum, & erga se. Contra ipsum vero peccantem, quia omne peccatum est malum quoddam ipsius peccantis, cum ipsius ratione adveretur.

Nota 2. Speciali quadam ratione aliqua peccata esse contra Deum, alia contra proximum, alia contra ipsum peccantem. Quia enim quædam virtutes nos recte ordinant erga Deum, ut fides, spes, charitas; aliae erga proximum, ut justitia; aliae erga nos ipsos, ut temperantia, & fortitudo; hinc fit ut peccata quæ repugnant virtutibus primi generis, dicantur contra Deum; quæ virtutibus secundi generis, contra proximum, quæ vero virtutibus tertii generis, contra ipsum peccantem.

Nota 3. Divisionem illam esse adæquatam, & inclu-

cludere omnia peccata; homo enim tribus tantum modis ordinari potest, nempe vel ad Deum, quia Dei est; vel ad proximum, quatenus est animal sociale; vel ad seipsum, quia est animal rationale. Imo si homo esset naturaliter animal solitarium, sufficeret duplex ordo, nempe ad Deum, & ad seipsum, adeoque divisione peccatorum in peccata contra Deum, vel contra seipsum esset adaequata.

Nota 4. Prædictam divisionem esse generis in species; cum enim sumatur per ordinem ad virtutes, quibus homo ordinatur ad Deum, ad proximum, & ad seipsum illæ vero distinguuntur specie inter se, hinc sequitur peccata iis opposita, inter se specie distinguui.

Circa posteriorem divisionem, Notandum 1. ex art. 7. Eam non esse secundum varias species completas sed secundum diversos gradus peccati, in eadē specie: sicut enim prius jaciuntur fundamenta, & eriguntur parietes, quam ædificatio domus completa sit, ita peccatum primum inchoatur, & veluti fundatur in corde, deinde in ore augmentum capit, ac tandem compleatur in opere: quatenus et si peccatum mortale in corde, seu in consensu interno perfici possit, dicitur tamen consummari in opere externo, quia ex se ad illud tendit, ibique sistic.

Notandum 2. Prædictam divisionem aliter sumi posse, ut nimirum peccatum cordis dicatur illud, quod ex natura sua consummatur in corde, ut infidelitas, & odium: peccatum oris, quod ex se in ore perficitur, ut blasphemia, & contumelia. Peccatum vero operis illud sit, quod ex natura sua perficitur in potentiis externis, qualia sunt homicidium, furtum, &c.

Notandum 3. Illud esse discrimen inter peccata, iis duobus modis sumpta, quod peccatum cordis, oris, & operis juxta primum sensum, non facit tres peccati species, sed tantum tres gradus, aut partes ex quibus unum peccatum integratur, ut patet in eo

qui interius consentit in fornicationem, verbisque
mentem suam declarat, & opere compleat. At juxta
posteriorem sensum, peccatum cordis specie distin-
guitur à peccatis oris, & operis, hæcque ab illo, &
inter se, ut docet S. Thomas 3. p. quest. 90. art. 3. ad 1.
Cujus ratio est, quia priori modo est unum tantum
specie objectum, in genere moris, adeoque eadem
dissimilitudines in peccato cordis, oris, & operis: po-
steriori vero, sunt tria objecta specie distincta, toti-
demque dissimilitudines seu dissimilitudines cum recta ra-
tione.

RESOLUTIO IV. *Alia est divisio peccati, in pecca-
tum commissionis, & omissionis.] DE hac agit S. Do-
ctor art. 6. ubi docet 1. Commissionem, & omissionem
si spectentur materialiter, seu in genere naturæ dif-
ferre inter se specie, latè tamen loquendo de spe-
cie, secundum quod negatio vel privatio speciem ha-
bere potest. 2. Si commissio, & omissio spectentur
formaliter in ordine ad finem, & objectum pro-
prium, non differre specie, quia ad idem ordinantur,
& ex eodem motivo procedunt. Avarus enim ad
congregandam pecuniam, & aliena rapit, & non dat
ea quæ dare debet: & si nilater intemperans, ut gula
satisfaciat, & superflua comedat, & jejunia debita
pratermittit.*

*Hic locus difficulter est, quia probabilius videtur pec-
cata commissionis, & omissionis inter se specie dif-
ferre, ut tradit ipsemet Doctor Angelicus 2. 2.
quest. 79. art. 2. Siquidem peccatum commissionis
non tantum materialiter, sed etiam formaliter
est aliquid positivum, ex dictis cap. 1. peccatum
autem omissionis est nec a privatio actus debiti, at
ens positivum, & prævaricio distinguuntur specie, er-
go, &c. Confirmatur, nam peccatum commis-
sionis habet positivam repugnantiam cum recta ra-
tione, peccatum vero omissionis privativam dun-
taxat, atque adeo distinctam specie, at specifica
distinctio peccatorum sumi solet, ex distincta spe-
cie*

cie repugnantia cum recta ratione, seu cum virtute.

Unde collige 1. Peccata commissionis, & omissionis specie distingui, quando opponuntur diversis virtutibus, ut patet in homicidio, & omissione sacri, quorū illud repugnat justitiae, hæc religione. 2. Etiam distingui specie, quando eidem virtuti opponuntur, ut contingit in sacrilega Missæ celebratione, & omissione sacri, quæ religioni repugnant.

Quæri hic potest, an divisio peccati in commissionem, & omissionem sit adæquata. Respondent aliqui negativè, quia putant voluntate in interdum conari ad ponendam volitionem malam, nec tamen eam ponere, tales autem conatum esse peccatum, non quidem commissionis, cum non sit actus, nec omissionis, cum non repugnet præcepto affirmativo.

Verum sententia opposita est communis & tenenda, quia omne peccatum est prævaricatio legis: at duobus tantum modis quis legem transgreditur vel quia facit quod lex prohibet, vel quia non facit quod lex præcipit, sive non potest peccare, nisi aut per omissionem, aut per commissionem. Neque admittendus est conatus aliquis in voluntate, qui non sit actus, quia cum sit entitas realis, & vitalis ab ea elicita nihil aliud esse potest quam quidam illius actus. Unde conari ad volendum, aut nolendum, idem est ac velle, aut nolle, seu producere volitionem, aut non volitionem: ac proinde repugnat quod voluntas conetur ad producendam volitionem, & non velit. An autem possit dari pura omissione, dictum est præcedenti capite.

RESOLUTIO V. Celebris est divisio peccati in mortale, & veniale.] DE ea agit S. Thomas I. 2. quæst. 88. cuius artic. 1. docet, peccatum mortale, & veniale distingui, sicut irreparabile, & reparabile, peccatum enim dicitur mortale ad similitudinem morbi mortalium, qui ita vocatur, quia inducit defectum

irreparabilem, per destitutionem principii vitalis. Sic ergo quia peccatum aliquod destituit principio vita spiritualis, quod consistit in ordine ad ultimum finem, talisque defectus reparari nequit per principia intrinseca, sicut neque error quæ est circa prima principia, inde sit ut peccatum illud dicatur mortale, quasi irreparabile. Sunt autem alia peccata, quæ habent inordinationem circa ea quæ sunt ad finem, conservato ordine ad ultimum finem, & hæc sunt reparabilia, adeoque venialia dicuntur.

Huc refertur, quod à Theologis dici solet, peccatum illud dici mortale, quod mortem infert animæ, id est quod eam privat vita spirituali, quæ in gratia sanctificante consistit, eamque adducit pœnæ æternæ, quæ est mors secunda. Illud vero veniale appellari, cuius remissio facile obtineri potest: quia non solvit amicitiam cum Deo, neque hominem privat illius gratia, sed tantum ferventiores talis amicitia usum retardat.

Arte 2. docet 1. Peccatum mortale, & veniale differere genere ex objectis. Interdum enim voluntas fertur in aliquid, quod secundum se reprobatur charitati, per quam homo ordinatur in ultimum finem, & tale peccatum habet ex objecto, adeoque ex genere suè quod sit mortale. Quandoque vero voluntas peccantis fertur in id, quod in se continet quaudam inordinationem, non tamen contrariatur charitati, sicut verbum otiosum, risus superfluus, &c. & hæc peccata dicuntur venialia ex genere suo. *Docet 2.* Quia actus morales recipiunt rationem boni, aut mali, non solum ex objecto, sed etiam ex aliqua dispositione agentis; contingere quandoq; id quod est peccatum veniale ex genere, fieri mortale ex parte agentis, propter malam illius intentionem, ut dum ordinat verbum otiosum, ad committendum adulterium, & vice versa, id quod est mortale ex genere suo, fieri veniale propter imperfectionem actus: quia non

pro-

procedit ex sufficienti deliberatione, ut contingit in
subitis motibus infidelitatis.

Art. 3. docet 1. Peccatum veniale ex genere, non posse per se primò disponere perfectè & directè ad peccatum mortale ex genere, cùm differant specie 2. peccatum veniale ex genere, posse indirecte disponere ad mortale ex genere; quia ex hoc quod pecans venialiter, consuescit voluntatem suam in minoribus debito ordini non subjecere, disponitur ad hoc, ut etiam voluntatem suam non subjiciat ordini ultimi finis, eligendo id quod est peccatum mortale ex genere.

*Ut autem ista melius percipiās, Nota 1. Peccatum
veniale tripliciter nempe ex genere, ex subreptione, & ob parvitatē materiæ. 2. S. Doctorē me-
ritō affirmare, veniale ex genere differre à mortali,
quia scilicet habent objecta distincta. 3. Venialia ex
subreptione, vel ex parvitate materiæ, posse in spe-
cie convenire cum mortali, propter idem objectum
ut communiter admittitur in motu indeliberato, &
deliberato fornicationis; in furto parvæ, & magnæ
quantitatis, &c. Quia quod actus sit magis, aut mi-
nus delibera^{tus}; quod magna, aut parva quantitas
sumatur, non est differentia essentialis, sed tantum
accidentalis secundum magis, & minus. Nec referr,
quod peccatum mortale avertat ab ultimo fine, non
autem veniale, cum quo in objecto consentit; non
enim inde oritur specifica distinctio inter hæc pec-
cata, cum aversio illa non fundetur, nisi in excessu
quoad deliberationem, aut quantitatē materiæ,
adeoque non dicat malitiam specie distinctam, sed
tantum majorem in eadem specie. 4. S. Doctorem
hæc solum inquire, an peccatum veniale, ex genere
suo disponat ad mortale, quia de aliis non potest alii-
qua esse difficultas, cùm ad peccatum mortale com-
parentur sicut imperfectum, ad perfectum in eadem
specie: quare consensus indeliberatus disponit ad
deliberatum, & parvum furtum, ad magnum, sicut*

calor remissus, ad intensem. Et de iis peccatis maximè verificatur illud Eccli. 19. Qui spernit modica, paulatim decidet,

RESOLUTIO VI. *Distinctio peccati mortalis, & venialis non est mere extrinseca.] EXPLICO, quando Catholici dicunt aliqua esse peccata mortalia, alia venialia, hoc duobus modis intelligi potest. 1. Ita ut omnia peccata ex se, & natura sua sint mortalia, pœnamque æternam mereantur, dicantur tamen venialia extrinsecè, quia Deus ea non imputat, neque immittit pœnam quam merentur. 2. Ita ut non omnia peccata sint ex natura sua mortalia, sed quædam ex propria conditione habeant, ut sint peccata levia, nec mereantur privationem gratiæ, aut pœnam æternam. Priori modo recentiores hæretici, post VVicleffum, volunt peccata quædam dici venialia. Nos cum Catholicis posteriori, ut satis colligi potest ex præcedenti resolutione, & adhuc ad majorem veritatis illustrationem.*

Probatur, tum quia ex Scriptura dantur quædam peccata, quæ gratiam non expellunt, Proverb. 20. Septies in die cadit justus. 1. Joan. 1. Si dixerimus quia peccatum non habemus, ipsi nos seducimus. Jacobi 3. In multis offendimus omnes: quæ omnia, ex communis Patrum sensu, intelliguntur de peccatis, quæ à justis & amicis Dei, sine dispendio amicitia perpetrantur.

Nec dicas, hoc non oriri ex ipsa natura peccati venialis, sed ex conditione personæ, seu quia illi à Deo non imputatur: nam præterquam quod responsio hæc supponit, peccata non imputari prædestinati, quod falsum esse constat exemplis Davidis, Petri, Magdalenæ, &c. ea non potest accommodari allatis testimoniiis, quæ genera si sunt, & agunt de peccato veniali secundum se, ut habet locum in omnibus hominibus, etiam justis sive sint prædestinati, sive non.

Tum

Tum quia auctoritate Pii V. & Gregorii XIII. damnatus est inter alios plerosque, iste articulus. Nullū est peccatum ex natura sua veniale, sed omne peccatum meretur pœnam aeternam. Et in Concilio Tridenti *sess. 6. cap. 11.* docetur, in hac mortali vita quantumvis sanctos, & justos incidere in peccata venialia, nec propterea desinere esse justos. Et *sess. 14. cap. 5.* dicitur, nos teneri ad confitenda omnia peccata mortalia, at venialia quibus à gratia Dei non excludimur, quamquam recte & utiliter in confessione dicantur, ea citra culpam taceri, multisque aliis remediis expiari posse.

Tum quia incredibile est, spectato vel solo lumine rationis, quod verbi causa, verbum otiosum, aut fursum oboli, aut actus vindictæ, sine plena liberatione elicitus, sit culpa adeo gravis, ut dissolvat amicitiam cum Deo, & peccantem pœnæ aeternæ reuni constituat: Ista enim spectata in se, levia sunt, fiuntq; adhuc leviora, si attendatur ad humanam fragilitatem, qua tantopere ad peccatum inclinamur, ut non possumus, cum ordinariis gratiæ auxiliis, omnia ejusmodi peccata cavere, ex dictis *lib. 4. Theologia Speculat. cap. 4.*

Nec refert 1. Quod Deus, qui est infinitas, iis offenditur, ea enim infinitas est extrinseca respectu peccati, adeoque non impedit quin committantur peccata ex se levia, quæque proinde pœnam aeternam non mereantur. Eò vel maximè quia alioqui dicendum esset, plerosque de facto ob sola peccata venialia in aeternum puniri, cùm dubium non sit, quin multi cum iis tantum moriantur, Deusque reddat unicuique in alia via, secundum opera sua.

Nec refert 2. Quod peccatum veniale pro nullo bono consequendo, aut malo vitando patrandum sit; hoc enim verum est, sed inde non sequitur, malitiam illius esse infinitam: quia cùm ex se verè peccatum & illicitum sit, id sufficit ut non possit licetè committi, quacunque ex causa.

Dices

Dices 1. Peccatum veniale est contra legem, ut ex eo constat, quia generatim omne peccatum est prævaricatio legis, ex præcedenti capite; ac præterea quia dubitari non potest, quin peccatum veniale repugnet recte rationi, quæ est quædam in nobis impresio divinae legis. *Respondeo,* hoc aliquo sensu verum esse, quamquam simpliciter dici non soleat, peccatum veniale esse contra legem Dei, quia per legem Dei intelliguntur communiter præcepta obligantia sub mortali, & quorum observatio necessaria est ad salutem, juxta illud *Matth. 19.* Si vis ad vitam ingredi, serva mandata. Quòd fit ut malint Theologi dicere, peccatum veniale esse præter legem Dei, quam contra illam; cùm homo propter venialia non damnetur, et si ad tempus propter illa cœli ingressu retardetur. Sed quicquid sit de modo loquendi, quid vetat quin lege divina prohibeantur peccata, alia gravia, alia levia, singulisque imponatur pœna proportionata?

Dices 2. Quædam sunt peccata gravia, et si in materia levi versentur, nam primus parens peccavit mortaliter, comedendo pomum. Hinc autem colligitur, omnia peccata ex se esse gravia & mortalia, ac proinde quòd interdum sint levia & venialia, originis ex misericordia Dei. *Responderet* id non bene inde colligi, licet enim materia aliqua per se spectata, sit levis; propter adjunctas tamen circumstantias, potest fieri gravis, ita ut circa illam peccetur mortaliter. Unde primus parens graviter peccavit: comedendo de fructu vetiro, quia peculiares causæ suberant, propter quas Deus strictam obedientiam ab eo, in re alioqui indifferenti, merito postulabat.

Dices 3. Quædam sunt mala, quia à Deo prohibita, ergo distinctio peccati mortalis à veniali, non ex rei natura, sed ex Dei voluntate petenda est. Non sequitur, quia et si interdum aliquid non sit malum, nisi quia Deus id prohibet; posita tamen ejusmodi prohibitione, quòd operans contra illam peccet mortaliter,

saliter, aut venialiter, id ex rei gravitate, aut levitate,
non autem ex Dei voluntate petendum est.

Dices 4. Interdum à Patribus affirmari, quod peccata venialia parva sint, id ex Dei misericordia oriri.
Respondeo sensum non esse ex misericordia Dei oriri,
quod peccata venialia in se parva sint, sed quod pa-
rum nobis noceant, quia Deus facit ut ea non negli-
gamus, & consequenter ut caveamus mortalia, ad
quae neglecta disponerent.

RÉSOLUTIO VII. *Peccatum veniale aliquo sen-
su potest fieri mortale.*] De hoc agit S. Doctor art. 4.
questionis citate ubi ait, peccatum veniale, fieri mor-
tale, posse tripliciter intelligi. 1. Ut idem actus nu-
mero sit jam peccatum veniale, & postea mortale.
2. Ut quod est veniale ex genere, fiat mortale. 3. Ut
multa peccata venialia constituant unum mortale.
Ait ergo peccatum veniale non posse fieri mortale
primo modo, quia ad hoc requiritur mutatio volun-
tatis, adeoque actus distinctus. Posse tamen secun-
do, in quantum finis constituitur in peccato veniali,
vel veniale refertur ad mortale, tanquam ad finem
posse etiam tertio, si sensus sit, plura peccata venia-
lia facere unum mortale dispositivè, ut patet ex di-
ctis: non autem ita ut ex pluribus peccatis veniali-
bus integretur unum mortale, cum nequidem omi-
nia totius mundi peccata venialia, uni peccato mor-
tali æquiveant, eo quod peccatum mortale mere-
tur poenam aeternam sensus, & damni, non autem
veniale.

Nota 1. Etsi communiter peccatum veniale non
transeat in mortale, sine novo actu voluntatis, sicque
sit intelligendum primum assertum S. Doctoris, non
tamen repugnare, eundem specie, & numero
cum modo esse peccatum veniale, modo mortale.
Hoc patet 1. in actibus externis, potest enim eadem
visio manens invariata, initio fieri ob finem veniali-
ter malum & postea continuari ob finem mortaliter
malum 2. idem ostenditur in actibus internis volun-
tatis,

tatis, nam potest, voluntas versari circa objectum malum, modo cum imperfecta intellectus advertentia, quæ sufficiat tantum ad veniale, modo cum plena liberatione, quæ ad mortale sufficiat.

Nota 2. Quando ait S. Thomas in secunda assertione, veniale fieri mortale, quando finis ultimus in eo constituitur, non esse sensum: peccatum esse mortale, diligere magis intensivè objectum peccati venialis, quam Deum, sed illud diligere magis appreciativè, quam Deum: quod dupliciter contingere potest.
 1. Explicite, ita ut quis velit actu formalí, & expresso suam felicitatem in ejusmodi objecto constituere.
 2. Implicite, ita scilicet ut propter illud paratus sit peccatum mortale committere.

Nota 3. Duobus illis modis, quibus ait S. Doctor in eadem secunda assertione, veniale fieri mortale, posse adjungi alios, quorum 1. sumitur ex conscientia erronea: nam proferendo verbum otiosum peccas mortaliter, si putans esse peccatum mortale ab eo non abstines, 2. ex contemptu ille enim peccat mortaliter, qui committit peccatum ex se veniale, quia superiore, illiusque statuta absolute contemnit, 3. ex proximo periculo labendi in peccatum mortale, cum enim teneris cavere peccatum mortale, teneris etiam eodem precepto vitare proximum, illius periculum, adeoque mortaliter peccas, si committis peccatum alias veniale, quod tibi fit proxima occasio labendi in mortale. Imo actus alias ex natura sua indifferens, in tali occasione transit in peccatum mortale, ut si experiaris te facilè in pravum consensum induci, ex eo quod foeminam alloquaris, aut eam aspicias 4. sumitur ex scandalo inde orto, non enim tantum peccat mortaliter, qui venialiter peccando, sed etiam qui aliquid ex se indifferens operando, est aliis causa ruinæ, ut latius dicetur, ubi de charitate.

Nota 4. Contra id quod asserit S. Thomas tertio loco, multa venialia non posse constituere unum mortale,

mortale, objici posse difficultatem illam vulgarem, de furtis levioribus, quæ tantopere possunt multiplicari, ut perveniant tandem ad peccatum mortale. Verum respondetur, si furtæ illæ levia non sint inter se connexa per affectum peccantis, ad eas se aut formaliter, aut virtualiter extendentem, ex iis non consurgere unum peccatum mortale furti: quamquam postea peccatum sit mortale, non restituere rem tot furtis levibus ablatam, quia materia est gravis, ut supponitur. Si autem furtæ levia per affectum operantis inter se colligantur, sic committitur peccatum mortale; non quod hoc consurgat ex multitudine furtorum venialium, sed quia affectus ille fertur in objectum grave quod ad peccatum mortale sufficit. Quod vero contra eandem assertionem assertur ex Augustino, cum ait, plura minuta dum negliguntur, occidere intelligendum est dispositive, quia ad peccatum mortale disponunt, ut ait S. Doctor ad 1.

Nota 5. ex art. 6. Peccatum mortale non fieri veniale per hoc, quod ei addatur aliqua deformitas pertinens ad genus peccati venialis; non enim diminuitur peccatum fornicantis, quia dicit verbum otiosum, sed magis aggrauatur, propter deformitatem adjunctam. Posse tamen id quod est ex genere mortale, fieri veniale propter imperfectionem actus: quia non est perfecte moralis, defectu sufficientis deliberationis.

C A P U T IV.

De comparatione peccatorum ad invicem.

RESOLUTIO I. Peccata omnia non sunt *connexæ* inter se. Ita S. Thomas 1.2. quest. 73. art. 1. quod probat, tum quia quædam viae sunt sibi invicem contraria, ut avaritia, & prodigalitas; at contraria non possunt simul inesse eidem. Tum quia non est major connexionio inter peccata, quam inter eorum objecta. ut hæc sunt diversa bona appetibilia, quæ inter se connexionem non habent. Confirmatur, nam

nam cùm homo bene operans recedat à multitudine, & ad unitatem tendat, adeoque virtutes connectionem aliquam inter se habeant; peccator è contra ideo peccat, quia recedit ab unitate, tenditque ad multitudinem, unde fit ut peccata inter se connexa non sint.

Hæc autem ita intellige, ut non sit necesse eum qui committit unum peccatum, patrare omnia reliqua. Cum quo tamen stat, ut sèpe unum peccatum inseparabiliter sit connexum cum quodam alio, ut intemperantia cum injustitia, in adulterio. Item ut ex uno peccato, tanquam ex radice oriuntur alia, verbi causa, ex ebrietate, impudicitia; eoque sensu Patres interdum dicant, peccata inter se connexa esse.

Verum contra prædicta objicitur illud Jacobi 2. Quicumque totam legem servaverit, offendat autem in uno factus est omnium reus. Respondet locum illū nobis favere, quatenus supponit hominem posse offendere in uno, et si non offendat in aliis, quod postea clarius docetur his verbis. Quod si non mœchaberis, occides autem factus es transgressor legis. Quare cùm offendens in uno, dicitur omnium reus, ideo dicitur ex S. Doctore respons. ad 1. quia incurrit pœna reatum, ex hoc quod contemnit Deum, ex cuius contemptu provenit omnium peccatorum reatus: vel quia facit contra charitatem, à qua tota lex pendet: vel quia non minus amittit gratiam, & jus ad gloriam, quam si totam legem violasset. Vel denique quia cùm singula præcepta sint partes totius legis, qui violat unum, censetur peccare in totam legem, eo modo quo censetur totum hominem lacerare, qui eum in una corporis parte ludit.

RESOLUTIO II. Peccata omnia non sunt paria.] Ita S. Doctor ar. 2. contra Stoicos, eosque sequutum Jovinianum qui inter omnia peccata æqualitatem constituebant. Probatur autem 1. ex Scriptura Matth. 5. Omnis qui irascitur fratri suo, reus erit iudicio; qui autem

DE PECCATIS. CAP. IV. 141

autem dixerit fratri suo racha, reus erit concilio; qui autem dixerit fatue, reus erit gehennæ ignis. Ubi manifestè continentur tres gradus peccati, quorum secundus est gravior primo, & tertius utroque. Unde etiam longè gravior poena ei respondet. Idem sumitur ex Joan. 19. nam quamvis Pilatus graviter peccaverit Christum tradendo, minus tamen peccavit quam Judas dicente Christo, propterea qui me tradidit tibi, majus peccatum habet. Et de hoc non potest esse difficultas inter Catholicos, cum sit ex fide certissimum.

Probatur 2. Nam cùm malitia peccati petatur maximè ab objecto illius, quo magis, aut minus objectū aliquod repugnat regulæ rectæ rationis, eo magis, aut minus grave censetur peccatum, quod circa ejusmodi objectum versatur. Unde cùm in lumine ipso naturæ evidens sit, objecta peccatorum se mutuo excedere, quantum ad positivam repugnantiam cum recta ratione, hinc manifestè sequitur, non omnia peccata esse paria, sed alia aliis quoad malitiā longè graviora. *Confirmatur*, nam aliás dicendum esset, vel omni otiosum, mendacium jocosum, risum immoderatum, aliaque id genus esse peccata & quæ gravia, ac homicidium, adulterium, infidelitatē, odium Dei, aliaque ejusmodi crimina, quod certè à viro cordato affirmari nullo modo potest.

Dices 1. Peccatum consistit formaliter in privatione, at non datur una' privatio major alia. *Respondeo* hoc argumentum non pugnare contra nos, qui estimamus peccati formale esse aliquid positivum, ut patet ex cap. 2.

Dices 2. Peccare seu transgredi præceptum perinde est ac terminum linea præfixum transilire; hoc autem non habet magis, & minus. *Respondeo*, et si mathematicè loquendo esse extra lineam consistat in indivisibili moraliter tamen id habet magis, & minus si enim sub peccato prohibitum esset non transilire lineam, ille censeretur esse magis extra lineam, adeo.

adeoque gravius contra præceptum peccare, quia ultra illam longius procederet.

Dices 3. Post judicium erunt tantum duo homini ordines, nempe bonorum, & malorum: ergo mali distinguentur tantum à bonis, non autem inter se. *Non sequitur*, sicut enim varii erunt bonorum gradus ita & malorum.

RESOLUTIO III. *Gravitas peccatorum sumitur maximè ab objecto.*] PROBATUR ex art. 3. tum qui inde maximè sumitur gravitas peccatorum, unde sumitur essentialis eorum species: at hæc ex objecto sumitur, ex dictis, tum quia cum ratio ordinet omnia in agibilius, ex fine, eo gravius peccatum est, quo ex altiori fine procedit in actibus humanis, at objecta actuum sunt fines eorum, quare diversa gravitas peccatorum attenditur, penes diversitatem objectorum. Unde quia res exteriores ordinantur ad hominem, ut ad finem, & homo ad Deum, hinc homicidium est peccatum gravius furto, & blasphemia est peccatum gravius homicidio; quia furtum respicit res externas, homicidium ipsam substantialiam hominis, blasphemia verò directè contra Deum committitur.

Nota 1. Magnitudinem seu gravitatem peccati non tantum sumi ab objecto, sed etiam à circumstantiis, quod dupliciter fieri potest. 1. Ut circumstantiae addant actui speciem malitiæ, distinctam ab ea quæ sumitur ex objecto 2. ita ut non addant novam speciem malitiæ, sed præexistentem accidentaliter tantum angeant. Unde triplex quantitas seu gravitas in peccato distingui potest, quarum prima dicatur essentialiæ, secunda multitudinis, & tertia intentionis.

Nota 2. Fieri posse ut unum peccatum sit valde grave, ratione objecti in quod fertur, & vice versa valde leve, ratione circumstantiarum, quæ illud comitantur. Unde si conferatur cum alio peccato contingere poterit illud esse eo gravius quantum ad malitiæ ab ob-

ab objecto sumptam, & minus grave, per ordinem ad circumstantias. Hoc patet exemplo, nam homicidium est gravius furto, ratione objecti, at tanta pecuniae quantitas surripere potest, & aliunde malitia homicidii variis de causis tantopere deprimi, ut furtum accidentaliter gravius sit homicidio.

Nota 3. Et si peccatum inferioris speciei non possit ascendere ad speciem altioris ordinis, non tamen repugnare quod peccati inferioris gravitas tantopere augeatur quoad accidentia, ut censeatur peccatum simpliciter gravius alio peccato substantialiter seu quoad objectum graviori; quia nimis in morali estimatione, non tantum habetur ratio gravitatis, quæ in peccato reperitur ratione objecti, sed etiam illius quæ oritur ex circumstantiis. Unde si tota hæc malitia simul sumatur, nil vetat quin ea sit major, malitia alterius peccati ex objecto gravioris, maioremque pœnam mereatur.

RESOLUTIO IV. *Aliquo sensu dici potest, gravitatem peccatorum sumendam esse penes dignitatem virtutum quibus opponuntur.] Ita sumitur ex art. 4. ubi S. Thomas duo dicit, 1. si agamus de oppositione directa & per se, hoc modo majori virtuti opponi gravius peccatum; cum enim virtus . & peccatum ex objecto speciem sortiantur, sicut ex parte objecti attenditur major gravitas peccati, ita & major dignitas virtutis. 2. Si agatur de oppositione virtutis ad peccatum, secundum extensionem quandam virtutis cohibentis peccatum, sic quanto aliqua virtus est major, tanto etiam minora peccata cohibet: sicut sanitas quanto fuerit major, tanto etiam minores discepantias excludit ; & hoc modo majori virtuti minus peccatum opponitur, ratione effectus.*

Ex quo intelligis, resolutionem istius articuli coincidere cum præcedenti, nam si peccatum sumit gravitatem suam ex objecto, ut ibi dictum est, consequens est illud eandem etiam sumere ex præstantia virtutis

virtutis oppositæ; putā quò præstantior est virtus, eò melius est objectum illius, adeoque eo pejus peccatum, quod fertur in objectum planè oppositum.

Dices 1. Prædicta non satis cohærere cum iis, quæ habet S. Doctor infrà quæst. 34. art. 4. ad 1. cum ait, nō oportere quod principalia vitia opponantur præcipientibus virtutibus. *Respondeo* S. Thomam ibi loqui de vitiis capitalibus, quæ dicuntur principalia, non quod sint aliis omnibus graviora, hoc enim falsum est, cum pleraq; ex illis non sint ex genere suo mortalia, & dubitari non possit quin odium Dei, infidelitas, blasphemia, &c. sint peccata longè graviora iis quæ capitalia dicuntur; vocantur ergo principalia, quia pleraque peccata ex iis originem ducunt, sive quia ad illa disponunt.

Dices 2. S. Doctorem clarius repugnare prædictæ resolutioni 2.2. quæst. 142. art. 3. cum ait, intemperantiam esse majus peccatum, quam timiditatem: perspicuum quippe est fortitudinem, cui repugnat timiditas, esse virtutem præstantiorem temperantiam, cui intemperantia adversatur. *Respondeo* S. Thomam neque sibi esse contrarium, neque nobis repugnare; quia quando hoc loco docet, peccatum eò esse gravius, quod præstantiori virtuti repugnat, id intelligendum est per se loquendo, & ceteris paribus, ut ex præcedenti resolutione colligi potest. *Quod nō impedit*, quin aliunde ex variis circumstantiis, oppositum contingere possit, ut in exemplo allato, intemperantia enim est gravius peccatum, quam timiditas, tum ex parte materiae seu objecti moventis; nam ad vitanda mortis pericula, inducit necessitas conservandæ vitæ, ad delectiones autem moyet appetitus, non ita ad vitæ conservationem necessarius: tū ex parte agentis, quia timiditas est minus voluntaria, quam intemperantia, eique difficilius remedium adhiberi potest, ut explicat S. Doctor artculo pto 3.

Dices 3.

Dices 3. Fornicatio est majus peccatum, quam fur-
tum, & tamen temperantia, cui repugnat fornicatio,
est virtus minus praestans, quam iustitia, cui furtum
adversatur. Respondeo cetera non esse hic paria,
nam per fornicationem non solum homo peccat
in corpus suum sed etiam facit injuriam proli, quia
eius impeditur aut generatio, aut legitima institu-
tio: quare eo ex capite fornicatio est peccatum gra-
vius furto, ut notat S. Thomas 2. 2. quæst. 154.
art. 3.

RESOLUTIO V. Peccata carnalia sunt minoris
culpa, quam spiritualia.] Hæc sumitur ex articulo 5.
& intelligi debet juxta ante dicta, ut scilicet pec-
cata carnalia per se loquendo, & spectato proprio
genere sint leviora peccatis spiritualibus. Proba-
tur, tum quia per peccata spiritualia peccatur in
Deum, & proximum qui magis diligunt debent, se-
cundum ordinem charitatis, quam proprium cor-
pus in quod per peccata carnalia peccatur: tum
quia peccata carnalia vehementius habent impul-
suum, nempe ipsam concupiscentiam carnis nobis
innatam.

Dixi, spectato proprio genere, & ceteris paribus,
nam cum hoc stat, ut interdum propter speciales dif-
ferentias, aut occurrentes circumstantias, peccata
carnalia sint graviora spiritualibus, verbi causa, for-
nicatio, vel ebrietas, levi complacentia sui ipsius &c.
Quemadmodum homo ratione sua differentia, est
longè perfectior cœlo, esto cœlum utpote incorru-
ptibile, sit in genere nobiliori.

Notat autem S. Thomas in respons. ad 3. ex Grego-
rio, peccata carnalia, etsi sint minoris culpa, esse ta-
men majoris infamie; quia versantur circa illas de-
lectationes, quæ sunt nobis communes cum brutis,
ad eoque per illa homo quodammodo brutalis redi-
ditur. Unde etiam advertit ex Aristotele, magis tur-
pem esse iram, quam concupiscentiam; quia in hac
minus viget ratio, quam in illa.

RESOLUTIO VI. Attenditur etiam gravitas peccati secundum causam illius.] Hac ita declaratur art. 6. ut in primis quod major fuerit causa ex parte voluntatis, id est quod quis majori conatu sive intensivè, sive extensivè peccaverit, eò majus sit peccatum. Deinde ut eò etiam gravius sit peccatum, quod pejor est finis, quo voluntas moyetur ad peccandum. Tertiò ut causæ extrinsecæ inclinantes voluntatem ad peccandum, præter naturam ipsius voluntatis, quæ nata est ex se ipsa liberè moveri, secundum judicium rationis, quales sunt quæ minuunt judicium rationis, ut ignorantia, aut libertatem, ut infirmitas, violentia, metus, & similia, tales inquam causæ minuunt peccatum, sicut minuunt voluntarium.

Circa secundam conclusionem S. Thomæ Nota 1. in actibus nostris duplē esse finem, alium proximum, seu ipsius operis, alium remotum. qui ab operante intenditur: non esse autem dubium, quin peccatum sumat gravitatem à priori fine, cum ille sit proprium objectum à quo actus speciem sumit; ac proinde totam difficultatem versari circa finem operantis.

Nota 2. Peccantem posse operari ex bono vel ex malo fine, certumque esse, peccatum perpetratum ex malo fine, esse gravius, quam si fieret ex bono; ut patet exemplo fornicationis, quæ non habet tantam malitiam, si committatur ex intentione succurrenti alicuius inopia, ex illius pretio, quam si ex sola luxuriantis intentione perpetratur.

Nota 3. Peccari posse ex malo fine dupliciter. 1. Ita ut malus finis non addat speciem mali, distinctionem ab ea quæ sumitur ab objecto, ut, cum quis vult furari, propter ipsum furtum. 2. Ita ut malus finis novam speciem addat, sicut dum quis vult furari, ut adulteretur: & in priori casu furtum esse gravius in ratione furti, quam in posteriori, cum magis sit voluntarium; quamquam vice versa, in posteriori furtum

furum absolutè sit peccatum gravius, quia prater propriam deformitatem, participat malitiam adulterii.

Nota 4. Si fiat comparatio inter duos fines extrinsecos, qui novam speciem malitiae addant, eò peccatum esse gravius, quò ex pejori fine perpetratur, & consequenter eum gravius peccare, qui furatur ut occidat, quā si furetur ad fornicandum; siquidem occidere pejus est quā fornicari.

RESOLUTIO VII. *Gravitas peccati sumitur etiam a circumstantiis.] Quod juxta S. Doctorem art. 7. tripliciter fieri potest. 1. Ita ut interdum circumstantia transferat peccatum, ad aliud genus seu ad aliam speciem peccati, ut dum quis accedit ad uxorem alterius. 2. Ita ut non mutet quidem speciem peccati, sed illud aggravet multiplicando rationem peccati intra eandem speciem; sicut dum prodigus dat quando non debet, & cui non debet. 3. Ita ut circumstantia aggravet, non ex se præcisè, sed augendo deformitatem provenientem ex alia circumstantia, ut si quis furando multum accipiat.*

Nota 1. *Quod dicimus, circumstantiam interdum mutare speciem, id non debere ita intelligi, ut circumstantia adveniens contrahat malitiam actus, sumptim ab objecto ad constituendam novam speciem; sed ita ut actus retineat speciem malitiae; quam habet ex ordine ad objectum, & altera malitiae species ei superaddatur, ex circumstantia de novo adveniente.*

Nota 2. *Id verum esse, non tantum quando circumstantia habet rationem finis, ut dum quis mentitur, animo pertrahendi ad fornicationem; sed eriam quando circumstantia non se habet ut finis, ut dum quis accedit ad uxorem alterius, tantum ut fruatur delegatione tali peccato conjuncta. Unde sicut in primo actu sunt duas malitiae specie distinctæ, altera mendacii, altera fornicationis; ita in secundo sunt duas etiam malitiae specie distinctæ, alia fornicationis, alia injustitiae.*

Nota 3. Circumstantiam interdum non modo novam addere speciem malitiae, sed etiam præcedentem, quæ sumitur ex objecto, augere intra illius speciem: ut enim ait S. Thomas 2.2. quest. 154. art. 6. ad 3. peccatum luxuriæ sit deformius ex peccato injustitiae, quia videtur concupiscentia esse inordinatior, quæ à delectabili non abstinet, ut injuriam vitet. Unde etsi adulterium, quatenus est contra temperantiam, non distinguatur specie à simplici fornicatione, est tamen peccatum ea gravius, etiam in illa specie.

RESOLUTIO VIII. *Gravitas peccati aliquando augetur, ex nocumento quod inde sequitur, alias non.*] DECLARATUR ex art. 8. Nocumentum ortum ex peccato vel est prævisum, & intentum, vel nec est prævisum, nec intentum, vel est prævisum, non tamen intentum. Itaque si nocumentum prævisum est, & intentum, dubium non est, quin peccati malitia ex eo augeatur, ut dum fur, vel homicida aliquid operatur, ad nocendum alteri, quia tunc nocumentum est per se objectum peccati.

Si verò nocumentum nec prævisum est, nec intentum, sic non auget peccati malitiam, cum non sit voluntarium, ex S. Doctore, nisi nocumentum sequatur per se ex actu peccati: si enim ita sequitur, ait peccatum directè ex eo aggravari, etsi nec prævisum, nec intentum sit. Qua ratione docet, scandalum plurimorum ortum ex fornicatione publica, illius malitiam augere, quia quæcumque per se consequuntur ad peccatum, pertinent quodammodo ad ipsam peccati speciem. Quando tamen nocumentum nec prævisum, nec intentum, non nisi per accidens oritur ex peccato, putat peccatum ex eo non aggravari directè, licet proper negligentiam considerandi nocumenta quæ consequi possunt, imputentur homini ad pœnam mala quæ eveniunt, præter ejus intentionem, si dabat operam rei illicitæ,

Dicer,

DE PECCATIS. CAP. IV. 149

Dices, durum videri, nocumentum aliquod imputari ad culpam, eo ipso quod sequitur per se ex actu peccati, cum possit qui peccat, illud invincibiliter ignorare. Respondetur, talem ignorantiam hic non habere locum saltem ut plurimum, quia quae per se ex peccato sequuntur, satis in eo praevideri possunt. Si tamen oppositum aliquando continget, peccatum non aggravaretur, ob nocumentum invincibiliter ignoratum.

Tandem si nocumentum sit quidem praevisum at non intentum, tunc docet S. Thomas per illud aggravari peccatum indirecte, inquantum scilicet ex voluntate multum inclinata ad peccandum procedit, quod aliquis non prætermittat facere damnum sibi, vel alii quod simpliciter non vellet. Exemplum afferit de eo qui transiens per agrum, ut compendiosius vadat ad fornicandum, scienter nocumentum infert his, quae sunt seminata in agro, licet non animo nocendi.

Ut ista melius percipias, Nota 1. illud esse disserimen inter nocumentum, quod per se oritur ex actu malo, & nocumentum quod per accidens ex eo procedit, quod primum nomenclatum imputatur ad culpam, et si actu praevisum non sit, quia in sua causa prævideri posuit. Secundum vero debet aliquo modo actu prævideri, seu præcogitari; quia alias nullo modo esset praevisum adeoque nec voluntarium, vel imputabile; cum moraliter loquendo, effectus ex aliqua causa omnino per accidens sequutus, prævideri non possit.

Nota 2. Ut prædictum impedimentum imputetur, debere esse aliquo modo intentum, quia alias non esset voluntarium: sufficit tamen quod implicite, & virtualiter sit volitum, ut patet in concupitione segetum, quae fornicario imputatur, et si expresse & formaliter ab eo tale damnum intentum non sit. Unde quando S. Doctor ait, nocumentum ejusmodi praevisum imputari, et si intentum non sit, non est

G 3 sensus,

sensus, imputari, quamvis nullo modo intentum sit, sed quamvis formaliter, & expresse intentum non sit.

Nota 3. Ut prædictum impedimentum tibi sit implicitè, seu indirectè voluntarium, requiri ut possis, & tenearis illud vitare; aliás enim non dicetur à te volitum, sed permisum dumtaxat. Quò fit ut mercatores non peccent, et si prævideant emptores, mercibus quas vendunt, male usuros. Nec qui in necessitate petunt mutuum ab usurario, et si sciant non mutuaturum sine usura; quia non tenentur cum gravi suo incommodo, cavere damnum proximi per accidentem inde sequutum.

RESOLUTIO IX. *Peccati gravitas augetur ex circumstantia personæ quæ offenditur.]* Quia ut ait S. Thomas art. 9. peccatum augetur ex parte objecti, at persona in quam peccatur, est quodammodo objectum peccati. Et quia eò gravius est peccatum, quò objectum ejus est principalior finis, & fines principales humanorum actuum sunt Deus, ipse homo peccans, & proximus, quia quicquid fatimus propter aliquid horum facimus; hinc colligit S. Doctor ex parte horum trium considerari posse majorem, vel minorē gravitatem in peccato, secundum conditionem personæ in quam peccatur.

Primo quidem ex parte Dei, cui tanto magis aliquis homo conjungitur, quanto est virtuosior, vel Deo sacratior. Unde eò peccatum est gravius, quò peccatur in personam Deo magis conjunctam vel ratione virtutis, vel ratione officii. Ex parte etiam sui ipsius, tanto aliquis gravius peccat, quanto magis in personam conjunctam, seu naturali necessitudine, seu beneficiis peccaverit. Ex parte vero proximi, tanto gravius peccatur, quanto peccatum plures tangit. Unde peccatum in Regem aliamve personam publicam, quæ gerit personam totius multitudinis, est gravius peccato, contra unam personam privatam commisso.

Note.

DE PECCATIS. CAP. IV 151

Nota 1. Quando dicitur peccatum esse gravius, quod persona est dignior, id debere intelligi ceteris paribus. Nam quamvis justus dignior sit peccatore, gravius tamen peccatum est occidere peccatorem, quam justum, quia circumstantia damnationis aeternae, quam peccator incurrit praeponderat dignitati quam justus habet ex gratia. Et similiter gravius peccatum est offendere patrem, quam aliam personam sanctiorem, quia conjunctio naturalis, quam filius habet cum patre, & obligatio inde orta eum honorandi, praeponderat.

Nota 2. Debere etiam fieri comparisonem inter peccata ejusdem rationis, ut verbi causa, gravius peccatum sit occidere sanctiorem, quam minus sanctum: si enim fiat comparatio, inter peccata diversae species, contingere poterit id quod dignior persona laceratur, esse minus grave eo, quod in personam minus dignam patratur, verbi causa minus peccatum est furari bona nobilis, quam plebejum occidere.

Nota 3. Interdum eandem illam conditionem personæ, quæ minuit unum peccatum, aggravare aliud, ut patet, nam contemptus dignioris personæ est gravior, ejusdem vero adulatio, levior. Item peior est fornicatio cum consanguineis, at prodigalitas erga eosdem non adeo gravis est, ac si bona profunderentur in extraneos.

Nota 4. Ex dictis in Theologia sacramentali cap. 29. resolutione 7. quod etsi non sit necesse, declarare in confessione circumstantiam parum aggravantem, ex parte personæ, qualis in furto plerumque contingit, oportet tamen eam detegere, quæ notabiliter aggravat in eadem specie, ut si superiorem contumelia affecisti, & à fortiori, eam quæ mutat speciem, ut si quem occidisti, erat Sacerdos: non enim sufficit dicere, te occidisse hominem, eo quod in occidente Sacerdotis sacrilegium cum homicidio coniunctum est.

RESOLUTIO X. *Dignitas personæ peccantis alias peccata.*

peccatum minuit, alias aggravat.] Hanc ita declarat S. Doctor art. 10. Duplex est peccatum, aliud ex subreptione proveniens, propter infirmitatem naturæ humanæ & tale peccatum minus imputatur ei, quia est major in virtute eo quod minus negligit hujusmodi peccata reprimere, quæ tamen omnino subterfugere infirmitas humana non sinit. Alia vero sunt peccata ex deliberatione procedentia, & haec tanto magis alicui imputantur, quanto major est. tum quia facilius ea cavere potest, tum propter maiorem ingratitudinem, tum propter specialem repugnantiam peccati, cum dignitate illius, ut si Sacerdos, qui castitatem vovit, fornicetur; tum ratione scandali inde orti.

Nota 1. dubitari posse, quomodo jam dicta consentiant cum iis, quæ tradit S. Doctor 2. 2. quest. 186. art. 10. Ibi enim docet 1. peccatum Religiosi esse gravius, peccato secularium, tum si sit contra vota, tum si ex contemptu peccet, tum denique ratione scandali. Docet 2. si Religiosus ex ignorantia, vel infirmitate peccet, illius peccatum esse levius peccato secularis, tum propter intentionem quam habet erectam ad Deum, quæ etsi ad horam intercipiatur, de facilitate ad pristina reparatur, tum etiam quia juvat ira sociis ad resurgentem.

Difficultas autem in hoc consistit: quod priori loco S. Thomas ait, circumstantiam personæ minuere peccata, quæ propter infirmitatem humanæ naturæ, proveniunt ex subreptione; contra verò augere ea, quæ ex deliberatione oriuntur. Unde videtur colligi, in Religiosis excusari tantum venialia, mortalia autem aggravari: at in posteriori loco aperte intendit, peccata etiam mortalia Religiosi, quæ non sunt contra vota, aut ex contemptu, vel cum scandalo, ob circumstantiam personæ, esse leviora.

Vera responsio est, priori loco agi de peccatis mortalibus, eaque vocari ex subreptione, quæ fiunt ex infirmi-

DE PECCATIS. CAP. V. 153

infirmitate, non autem ex contemptu, & deliberata
malitia: ea verò quæ procedunt ex contemptu, aut
malitia vocari peccata ex deliberatione, hæcque ex
circumstantia personæ augeri, non illa, ut in poste-
riori loco dicitur.

Nota 2. Circumstantiam personæ peccantis in eo
convenire, cum circumstantia personæ in quam pec-
catur, quod sicut hæc, ita & illa immutat interdum
peccati speciem, ut dum Religiosus contra votum
castitatis peccat: hoc enim peccatum non modo
est in specie luxuriæ, sed etiam in specie sacrilegii.
Conveniunt etiam, quod neutra facit ut peccatum
veniale transeat in mortale, non enim est mortale
peccatum furari obolum, etsi tam ille qui furatur,
quam qui damnum sustinet, sint in aliqua dignitate
constituti.

C A P U T V.

De subiecto peccatorum.

RESOLUTIO I. *Voluntas est subiectum peccati.]*
Ita S. Thomas 1.2. quest. 74. art. 1. quod probat,
quia omnes actus morales sive sint actus virtutum,
sive peccatorum, sunt manentes in agente. Unde
oportet quod proprium subiectum actus peccati,
sit potentia quæ est principium actus: at voluntas
est principium peccatorum, aliorumque actuum
moralium; cum proprium ejusmodi actuum
sit, ut sint voluntarii, ac proinde peccatum est in vo-
luntate, sicut in subiecto. Quod autem in hac ra-
tione supponitur, omnes actus morales esse imma-
nentes, inde breviter suadetur, quia per illos homo
denominatur intrinsecè, & formaliter bonus, aut
malus.

Ex quo potest colligi, generatim omne pec-
catum esse in voluntate, tanquam in subiecto.
Nam cum omne peccatum proceedat à voluntate,
sitque actus moralis, si de ratione talis actus est, ut
maneat in principio à quo procedit, consequens est

G 5 omne

omne peccatum esse in voluntate, tanquam in subiecto.

Verum contra hoc est jam difficultas, quia S. Doctor art. 2. docet, non solum voluntatem esse posse subiectum peccati, sed etiam omnes illas potentias, quæ possunt moveri ad suos actus, vel ab eis reprimi per voluntatem; quod probat, quia omne principium voluntarii actus est subiectum peccati, actus autem voluntarii dicuntur, non solum illi qui elicuntur à voluntate, sed etiam ii qui à voluntate imperantur.

Ad horum conciliationem, *Nota*, duplicem considerari posse malitiam in actibus prædictis, aliam objectivam, per quam constituuntur objecta voluntatis pravæ, aliam formalem, per quam possunt denominari formaliter mali, & habere rationem peccati. Circa quam distinctionem

Dicendum 1. Malitiam objectivam competere per se, & independenter ab actu voluntatis, iis actibus qui procedunt à potentiis voluntati subordinatis; non enim furtum, verbi causa, est malum, quia procedit ab actu malo voluntatis, sed potius ipse actus voluntatis est malus, quia vult furtum, quod est objectum malum, & legi divinæ repugnans.

Dicendum 2. Si agatur de malitia formalis, qua aliquid denominatur peccatum, actus prædictos non esse malos per se, & independenter ab actu voluntatis; quia eo modo spectati non sunt liberi. Nec refert, quod sint ex se difformes rectæ rationi, hoc enim verum est de difformitate in ratione objecti, non de difformitate in ratione actus formaliter mali, & demeritorii; quia deest libertas.

Dicendum 3. Si iidem actus spectentur, ut sunt conjuncti cum voluntate, & ab ea imperantur, sic eos esse formaliter malos, cum habeant libertatem, aliasque conditiones ad peccatum necessarias. Quod tamen ita intellige, ut quia actus illi non sunt liberi, nisi per denominationem extrinsecam ab actu libero

libero voluntatis, non etiam sint formaliter mali
intrinsecè, sed tantum extrinsecè per denomina-
tionem ab actu malo voluntatis, ex cuius imperio
sunt.

Jam his positis, facile est conciliare loca prædicta.
Nam quando S. Thomas art. 1. docet, omnia peccata
esse subjectivè in voluntate, agit de peccatis, ut sunt
formaliter & intrinsecè peccata: quando autem
art. 2. ait, peccata esse etiam in aliis potentiis, distin-
ctis à voluntate, loquitur de peccatis, secundum ma-
litiam objectivam, aut formalem extrinsecam spe-
catis.

RESOLUTIO II. *In sensualitate potest esse pecca-
tum.] PROBATUR ex art. 3. quia peccatum potest
inveniri in qualibet potentia, cuius actus potest esse
voluntarius, & inordinatus; at qui actus sensualitatis,
seu appetitus sensitivi potest esse voluntarius, ex mo-
tione voluntatis. Quare si illius actus aliunde sit in-
ordinatus, puta quia fertur in illicita, id sufficiet ad
peccatum.*

Circa hanc resolutionem dubium occurrit, an sen-
sualitas, seu appetitus sensitivus secundum se, sit ca-
pax peccati. *Responso communis est negativa, contra
Cajetanum qui docet, in appetitu eo modo specta-
to, posse reperiri peccatum veniale, licet non mor-
tale. Ratio nostra est, tum quia nihil frequenter a
pud Patres reperitur, quam peccatum non esse,
aut voluntate committi. Nec dicas eos loqui de
peccato mortali, nam indistinctè loquuntur de quo-
libet peccato, sive sit mortale, sive veniale. Tum quia
appetitus sensitivus secundum se spectatus, non est
capax actus boni & honesti, cum non versetur circa
bonum honestum, sed circa bonum sensibile dun-
tatur, ergo neq; actus malus in eo esse potest. Tum quia
ideo culpa voluntati imputatur, quia intrinsecè est
indifferens ad utrumlibet, habetq; dominium in suos
actus, quos potest exercere, vel cohibere ut libnerit:
at ista appetiti sensitivo secundum se spectato, non*

competunt, cùm sic dirigatur per sensum, qui non potest rationes bonitatis, & malitiae quæ in objecto reperiuntur ponderare; quique proinde nequit appetui proponere objectum, cum indifferentia ad utrumlibet, sed cum determinatione ad unum. Tum denique quia sequeretur hominem posse peccare, etiam voluntate non consentiente, quod non satis cohæret cum doctrina Concilii Trident. *sess. 5. decreto de peccato orig.* ubi statuitur, concupiscentiam non nocere minimè consentientibus.

Nora S. Doctorem non esse alienum ab hac communisentia, ut patet ex ratione superius relata, qua probat peccatum esse posse in sensualitate, non enim eam sumit à quadam illius libertate, sed ex eo quod possit moveri à ratione. Et idem repetit in *responsione ad 1. unde quest. 24. art. 1.* docet passiones animæ secundum se, non esse capaces boni, aut mali moralis, sed tantum ut subjacent imperio rationis, & voluntatis.

Nec refert 1. quod in art. 3. quem tractamus, dicat S. Thomas, motum sensualitatis qui prævenit rationem, esse peccatum veniale, non enim id debet intelligi de motu, qui omnem rationis deliberationem prævenit, sed de eo qui plenam d'liberationem, perfectumque voluntatis consensum antevexit.

Nec refert 2. Quod art. præcedenti docet, peccatum veniale esse posse in appetitu sensitivo, non in membris corporeis: non enim docere intendit appetitum secundum se esse capacem peccati venialis membra vero minimè, sed illud esse discrimin inter appetitū, & membra externa, quod peccatum objectivè sumptum est in membris, ut in subiecto, quod tantum movetur à voluntate; in appetitu vero, ut in subiecto quod à voluntate movetur, & etiam se aliqua ratione movet.

RESOLUTIO III. *Non modo peccatum veniale, sed etiam mortale potest esse in appetitu sensitivo, ut subditu-*

subdit rationi: falsum rāmen est, quod omnis motus appetitus sensitivū circa illicita, sit peccatum sive mortale, sive veniale. 1. PRIMA PARS PROBATUR, nam cum motus sensualitatis possit habere quicquid requiritur ut sit peccatum, ex ante dictis, si versetur circa rem venialiter tantum illicitam, vel ad sit imperfetus consensus ex parte voluntatis, ille motus non erit nisi peccatum veniale.

Secunda pars ostenditur, quia si motui inordinato addas objectum graviter prohibitum, & perfectum voluntatis consensum, nihil illi deerit ad rationem peccati mortalis. Verum quando talis motus sit peccatum mortale, aut veniale, intelligetur ex infra dicendis, ubi de delectatione morosa.

Dicit ex S. Doctore art. 4. Peccatum mortale non posse esse in sensualitate, sed in ratione dumtaxat. Respondeo sensum esse, peccatum mortale non ita reperiri in sensualitate, ut ea sit causa illius, seu ut tale peccatum ei imputari possit: quia ut dicitur in corpore articuli, inordinatio à fine non est nisi eius, cuius est ordinare in finem, nempe rationis.

Tertia pars est indubitate apud Catholicos, qui contra Lutherum, Calvinum, eorumque sectatores unore docent, motus sensualitatis non esse peccata, nisi voluntas iis consentiat. Probatur autem 1. ex Scriptura, quatenus Eccl. 18. ait, post concupiscentias tuas ne eas, id est, ne iis consentias, quibus verbis duo indicantur, ex sententia Patrum. 1. libetum esse consentire concupiscentiis, vel non consentire. 2. Non esse peccatum, nisi iis consentiatur. Quod ipsum deducitur ex Paulo Roman. 8. Cùm ait, nihil damnationis esse iis, qui non secundum carnem ambulant, id est, qui non obediunt carnis concupiscentiis: & posteā, si enim (inquit) secundum carnem vixeritis, moriemini; si autem spiritu facta carnis mortificaveritis, vivetis. Unde vivere secundum carnem, nihil aliud est quam illius motibus consensum præbere.

Probatur 2. ex Concilio Trident. sess. 5. in decreto de peccato originali, ubi statuitur, concupiscentiam non posse nocere non consentientibus, quod falso esset, si illius motus consensum prævenientes essent peccata, cùm certum ex fide sit, peccatum nocere peccanti. Unde Patres sæpe nos hortantur, ut concupiscentiis viriliter resistamus, monentes motus illos, quos vitare non possumus, non esse peccata, nisi iis consentiamus: & generatim neminem peccare in eo quod vitare nequit. Loca Patrum de hac re, videri possunt apud recentiores non paucos, qui de controversiis scripserunt.

Probatur 3. Qui nullum est peccatum, nisi sit legi divinæ repugnans; at concupiscentia rationem prævenientes, non repugnant legi divinæ, siquidem Deus impossibilia non jubet, est autem impossibile ut motus illos impediamus. Quare non sunt peccata, donec accedit consensus voluntatis. *Confirmatur*, quia sine tali consensu non sunt voluntarii, at repugnat aliquid esse peccatum, nisi sit voluntarium.

Dices, motus prædictos esse indirectè voluntarios, cùm ratio posuit prævenire imaginationem, ex qua oriuntur. *Verum* hinc sequitur in primis, eos falso motus, qui ex dispositione corporis naturaliter oriuntur, nullo modo esse peccata. Deinde idem ostendo de motibus, qui ex imaginatione alscujus obiecti nascuntur, sæpe enim, ob non prævisum alicujus rei occursum, tam subito excitatur imaginatio turpis, ut impossibile sit vel eam, vel motu sensualitatis, ex ea naturaliter resultantem, prævenire; ut vel ipsa experientia ostendit, etiam in viris sanctissimis, qui cum Paulo sentiunt aliam legem in membris suis, legi mentis suæ repugnantein. Quomodo autem præceptum, Non concupisces, debeat intelligi, dictum est ubi de gratia, cap. 4.

R E S O L U T I O IV. Peccatum potest esse in ratione. **PROBATUS** ex art. 5. Nam peccatum cuiuslibet

libet potentia consistit in actu illius, ex dictis; habet autem ratio duplē actum, unum secundum se, in comparatione ad propriū objectū quod est cognoscere aliquod verum; aliū autem in quantum est directiva aliarum virtutum. Et utroque modo peccatum est in ratione, primo quidem quando errat in cognitione veri circa id quod potest, & debet scire; Secundo vero, quando inordinatos actus inferiorum virium vel imperat, vel non coērcet. Hæc porro intelligenda sunt, juxta superiorū dicta, ut scilicet actus intellectus qui sunt peccata, cūm non sint liberi, nisi dependenter à voluntate, non sint etiam formaliter mali, nisi denominative à malitia quæ residunt in voluntate.

Nota 1. ex art. 6. Peccatum morosæ delectationis esse in ratione, ut ex jam dictis colligitur. Peccatum enim est in ratione, quando deficit in directione humanorum actuum: at potest ratio deobus modis deficere, in directione passionum; uno modo quando imperat illicitas passiones, alio modo quando non reprimit motum inordinatum, quem jam advertit excitatum, sed circa illum immoratur. Unde dicitur delectatio morosa, non à mora temporis, sed quia ratio circa eam immoratur.

Nota 2. ex art. 7. Consensum in actum tribui rationi superiori, consensum vero in delectationem, rationi inferiori. Quod probatur, supponendo 1. Consensum dicere judicium aliquod rationis practicæ, de agendis. 2. In omni judicio ultimam sententiam pertinere ad supremum judicatorium. 3. Actus humanos posse regulari per regulam rationis humanæ, quæ sumitur ex creatis, & per regulam legis æternæ, quæ est superior. 4. Quando de pluribus judicandum est, finale judicium esse de eo quod ultimo occurrit. 5. In actibus humanis ultimo occurrere actum ipsum, ipsam vero delectationem esse præambulam ad actum. Ex his intentum concluditur, nempe consensum in actum, esse in ratione superiori.

ad.

ad quam supremum judicium spectat; consensum autem in delectationem, in ratione inferiori, ad quam judicium inferius pertinet.

Porro hæc ita intelligenda sunt, 1. Ut quamvis utraque ratio & ad actum, & ad delectationem concurrat, consensus in actum, specialiter approprietur rationi superiori, & consensus in delectationem, rationi inferiori. 2. Ut consensus non sit à ratione elicitive (sic enim à sola voluntate procedit) sed tantum imperative, seu directive. 3. Ut delectatio quæ est in imaginatione, sit præambula ad actum, cùm econtrà quæ est in executione, sequatur ex actu. 1

RESOLUTIO V. *Ut motus inordinatus sensualitatis sit peccatum, aliqua requiruntur ex parte intellectus.] DECLARATUR,* In primis cum nullum sit peccatum, quin sit voluntarium, & voluntas non feratur in incognitum, ut motus sensualitatis sit peccatum sive mortale, sive veniale, requiritur quædam rationis advertentia.

Deinde, necesse est, ut intellectus cognoscat, mortum, illum esse malum, quia non potest aliquid censeri volitum, sub ratione peccati nisi sub ea ratione sit cognitum. Nec refert, quod nemo peccatum, ut peccatum formaliter intendat, sufficit enim quod peccans illud intendat interpretative, seu indirectè, quatenus vult directè actum, cui malitia adjuncta est, ad quod requiritur ut præcedat aliqua cognitio malitiae.

Præterea, Ut motus inordinatus sit peccatum mortale, requiritur deliberatio plena & perfecta, nec ad hoc imperfecta sufficit, sicut ad peccatum veniale. Sicut enim ad actum imperfectè voluntarium, requiritur imperfecta deliberatio, ita ad perfectè voluntarium, quale est peccatum mortale, deliberatio perfecta necessaria est. Maximè quia cùm peccatum mortale sit gravissimum malorum, verisimile non est, illud & quæ facile incurri ac veniale.

Hinc

Hinc Theologi tres motus in appetitu sensitivo circa objectum malum distinguere solent, nempe primò primum, qui non est peccatum, cùm omnem deliberationem præcedat secundò primum, qui est peccatum veniale, quia supponit aliquam deliberationem, licet non perfectam: & deliberatum, qui sufficit ad peccatum mortale, eo quod perfectam deliberationem supponit.

Tandem moneo, ad perfectam deliberationem, ad eoque ad peccatum mortale non requiri, quod intellectus advertat actum esse mortaliter malum, sed sufficere quod cognoscat, eum esse malum: quia faciens actum, quem novit esse malum, non examinando qualitatem malitia, aperte se exponit periculo peccandi mortaliter, sive mortaliter peccat. Secùs tamen contingere, si determinatè judicaret actum illum, qui à parte rei est peccatum mortale, non esse nisi veniale.

R E S O L U T I O VI. Requiruntur etiam aliqua ex parte voluntatis, ut motus sensualitatis sit peccatum.] AC primo dubitari nequit, quin ad peccatum requiratur consensus voluntatis; cùm nullum sit peccatum, nili sit voluntarium, immo & liberum, ut dictum est.

Secundo certum est, non tantum formalem consensum voluntatis sufficere ut motus sensualitatis sit peccatum, sed etiam virtualem, qui in eo consistit. 1. Ut voluntas velit aliquid, ex quo ejusmodi motus oriuntur 2. Ut nulla necessitas, vel utilitas excusat ab obligatione quæ incumbit, non ponendi causam, quia tales motus excitantur. Quod ut melius intelligas, recole quæ cap. præcedenti resolut. s. dicta sunt.

Tertio non pauci existimant, consensum interpretativum, & indirectum sufficere ad peccatum mortale. Dicunt autem, ejusmodi consensum tunc haberi, quando quis sentiens motum in honestum, neque consentit, neque dissentit, sed negativè se habet circa tale

tale objectum. Alii tamen non immeritò hoc nimis durum videtur, quia si esset obligatio sub mortali, reprimendi motus illos, quando exorti sunt, tenere. mur etiam sub mortali, vitari causas ex quibus oriuntur: adeoque non modo levis tactus, curiosus aspectus, & familia quæ sententia communis non damnat, nisi peccati venialis, sed etiam talis cibus, aut situs corporis, &c. sub peccato mortali caven- da essent; et si inde nihil aliud esset sequuturum, quām aliquis motus inhonestus in appetitu sensiti- vo, vel in corpore sine periculo pollutionis, vel con- sensus pravi. Ista autem admittenda non videntur, præsertim quia cùm motus prædicti naturaliter, & sèpissime, innumerisque de causis exciten- tur, profecto omnium hominum salus in manife- versaretur periculo, si tenerentur sub mortali eos re- primere.

Neque refert 1. Quòd voluntas teneatur regere po- tentias inferiores, ne cum ratione pugnant; non enim inde sequitur, eam teneri sub mortali, impedi- re pugnam de qua agimus, si gravius aliquid incom- modum inde sequuturum non sit.

Neque refert 2. Quòd motus illi sint initium, & causa pollutionis, nam non magis inde colligi debet, eos esse peccatum mortale, quām eum qui furatur obolum peccare mortaliter, eo quòd hoc furtum est in tium furti mille aureorum. Accedit quòd hic agi- mus de motibus qui permittuntur, quando non est periculum pollutionis.

Moneo tamen 1. Oppositam sententiam esse magis tutam in praxi. 2. Esse simpliciter tenendam, quando est probabile periculum pollutionis, vel consensus pravi: tunc enim per se loquendo, peccatum est mor- tale, motus inordinatos non reprimere. 3. Extra tale periculum, esse peccatum veniale motus illos per- mittere, nisi ad sit causa rationabilis eos negligendi. 4. Quando talis causa adest, nullum esse peccatum ejusmodi motus non cohibere, etiamsi ad sit pericu- lūm

DE PECCATIS CAP. V. 163

fum pollutionis, modo non sit periculum consensus; qua ratione qui confessionibus audiendis vacant, possunt motus illos negligere.

RESOLUTIO VII. *Consensus in delectationem aliquando est peccatum mortale, alias non.* HOC ita explicat S. Thomas art. 8. ut dicat, aliud esse delectari de cogitatione rei pravae aliud delectari de ipso objecto talis cogitationis; velitque esse peccatum mortale, delectari de objecto cogitationis pravae, non autem delectari de cogitatione illius. Et ratio afferri potest, quia etsi objectum aliquod in se sit in honestum, & rectae rationi repugnans, illius tamen cognitione ex se mala non est; cum sit in ipso Deo, qui peccati non est capax: quare neque mala est delectatio, quæ habetur de tali cognitione, ibique sicitur. Contra vero, objectum in honestum est ex se grave malum, graviterque prohibitum, adeoque peccatum est mortale, de eo delectari; cum delecta sicut & qualibet alia operatio, sumat suam beatitudinem, aut malitiam ex objecto in quod fertur. Quæ ratio saltem procedit de delectatione efficaci, quid autem de ineffaci sentiendum sit, dicetur postea.

Verum circa hæc accurrit dubium primo, qua ratione discerni possit delectatio, quæ habetur præcisè de cogitatione objecti moraliter mali, ab ea quæ habetur de ejusmodi objecto. Respondeo hoc discrimen posse intelligi, si advertas ad motivum delectationis; quando enim cogitatio se habet tantum, ut propo-nens objectum, neque est id quod te moveat ad delectationem, signum est te delectari de ipso objecto cogitato. Si autem reflectaris supra cognitionem, ea que te moveat ad delectationem, quia gaudes quod intelligas naturam talis peccati, aut modum quendam artificiosum, & mirabilem quo aliqua, quod peccatum fuit patratum, signum est te de ea, non de illius objecto delectari. Idem etiam colligi potest ex occasione, quæ foedam cognitionem excita-

excitavit: nam si illa oritur ex inclinatione habituali ad objectum pravum, aut ex occasione aliqua turpi, signum est delectationem inde ortam, ferri in tale objectum; si vero ex occasione aliqua honesta, ut ex confessione nascatur, credibile est delectationem esse tunc de cogitatione, non de objecto illius. Fato r tamen haec valde esse periculosa, iis praesertim qui sine ulla rationabili causa, sed ex mera curiositate res parum honestas tractare, & animo versare solent.

Dubium est secundò, an sit peccatum mortale, delectari inefficaciter de re graviter mala seu sine animo eam exequendi. Respondeo adhibita distinctione, nam si objectum delectationis inefficacis tale sit, ut malitia ab eo possit per intellectum separari, non est peccatum de eo sic spectato delectari. Unde non peccat, qui die Veneris, ex carnium cogitatione delectatur ac si carnes comederet: quia tale objectum spoliarum circumstantia prohibitionis, malum non est.

Quod si malitia ab objecto separari nequit, delectatio voluntaria, etsi inefficax talis objecti, est peccatum mortale. Quia per se malum & illicitum est, approbare rem per se malam & illicitam, ac de ea gaudere; seu quia ut loquitur S. Doctor art. illo s. mortale est conformari per affectum peccato mortali. Ex quo intelligis, cum fornicatio sit per se & intrinsecè mala, idque graviter, de ea cogitata voluntariè delectari, etiam sine animo eam opere complendi, peccatum esse mortale. Praesertim quia ejusmodi delectatio vehementer provocat ad pollutio nem, saepe voluntatem ad consensum in opus trahit.

Unde collige 1. Non licere viduæ delectari, de actu præterito matrimonii; quia etsi actus ille fuerit suo tempore licitus, obligatio tamen servanda castitatis impedit, ne possit vidua jam admittere delectationem venereum: quia haec ex natura sua est quodam initium copulæ, ei planè nunc illicitæ.

Negque

Neque dicas ex Aristotele 10. Ethic. 3. operationem, & ejus delectationem esse ejusdem bonitatis, & malitia: operatio enim ex qua, in casu proposito oritur delectatio, per imaginationem sit praesens, ac si actu eliceretur; sic autem est illicita, adeoque & delectatio eam sequens est illicita. Eademque ratio ostendit, non licere sponsis de futuro, delectari de copula, contracto matrimonio futura.

Collige 2. Non licere delectari de re venerea cogitata, sub conditione quod esset licita; quia cum conditio nihil ponat in esse, ea non impedit, quin obiectum illud secundum se sit malum, & consequenter quin mala & illicita sit delectatio, quae circa illud fertur. Eò vel maximè quia delectatio illa est inchoatio; & proxima causa operis illiciti.

CAPUT VI.

De causis internis peccati.

RESOLUTIO I. *Ignorantia interdum est causa peccati.]* ITA S. Thomas 1.2. quest. 76. art. 1. ubi monet id debere intelligi, de causa per accidens, seu removente prohibens: ignorantia enim est privatio scientiae perficientis rationem quae prohibet actum peccati, in quantum dirigit actus humanos.

Nota 1. Ignorantiam antecedentem, seu invincibilem excusare à peccato, ut infra dicetur, ac proinde cùm dicitur causa peccati, hoc debere intelligi de peccato materialiter, non formaliter spectato.

Nota 2. Ignorantiam consequentem seu vincibilem, cum aliquo modo sit voluntaria, posse esse causam peccati, etiam formaliter sumpti. Unde cùm S. Doctor in his questionibus loquatur de peccato, ut peccatum est, hinc collige eum, in articulo quem versamus, agere de ignorantia vincibili, quando ait, eam esse causam peccati. Eò vel maximè, quia alias cùm Deus concurrat ad entitatem peccati, à fortiori potuisset

potuisset dicere eum esse causam peccati, quod tam
merito negat.

Nota 3. Ex eodem hoc art. non quamlibet ignorantiam peccantis esse causam peccati, sed eam tantum quæ tollit scientiam prohibentem actum peccati. Unde si voluntas alicujus sic esset disposita, ut non prohiberetur ab actu parricidii, etiamsi patrem agnosceret, ignorantia patris non est hinc causa peccati, sed concomitanter se habet ad peccatum & ideo talis non peccat propter ignorantiam sed peccat ignorantia ex Philosopho. 3. Ethic.

RESOLUTIO II. Ignorantia aliqua est peccatum, alia minime.] HANC tradit S. Doctor art. 2. dicens, nullam ignorantiam invincibilem esse peccatum, quia hoc studio superari non potest. ignorantiam autem vincibilem esse peccatum si sit eorum quæ aliquis scire tenet, non verò si sit eorum quæ quis scire non tenet. Unde peccant, qui nesciunt ea quæ sunt fidei, & universalia juris præcepta, ac quæ ad eorum statum, vel officium spectant, quia ista scire tenentur, cum sine eorum cognitione actus debitos rectè exercere nequeant: non tamen peccant, qui Theorematum, Geometriæ ignorantia, quia ea scire non tenentur.

Nota 1. In ignorantia culpabili posse considerari, & ignorantiam ipsam sive actualēm, sive habitualēm, & negligentiam voluntariam addiscendi, ex qua talis ignorantia nascitur.

Nota 2. Hac tria ita inter se comparari, ut negligētia sit formaliter mala, formaliter ipsi inharente, ignorantia vero actualis seu inconsideratio, quia non spectat ad voluntatem, sed ad intellectum, sit mala objectivē, & formaliter extrinsecē, per denominationem à malitia negligentia, ita ut ex utraque, tanquam ex actu interno & externo, peccatum integrē coalecat. ac denique ignorantia habitualis, quia nec est actus, nec omissionis actus, sed veluti privatio habitus, non tam sit peccatum, quam effectus quidam peccati.

Nota 3.

Nota 3. Quod ait S. Thomas, eam ignorantiam esse invincibilem, quæ non potest studio superari, non ita intelligendum esse, ut ea tantum ignorantia sit invincibilis, quæ manet postquam homo fecit, quicquid potuit, ad eam superandam, sed quæ non tollitur, etiam si homo pro loco & tempore, adhibeat eam diligentiam moraliter sufficientem, quam in ordine ad acquirendam scientiam, dictæ ignorantiae oppositionam adhibere tenetur. Ratio autem hujus explicationis est, quia etsi non faciat quis totum quod potest, ad comparandam scientiam, modo faciat quod tenetur, non peccat contra præceptum, adeoque illius ignorantia manet invincibilis, seu inculpabilis.

Nota 4. Interdum ignorantiam vincibilem, quæ est causa peccati, esse speciale peccatum, alias non. Est speciale peccatum, quando scientia opposita secundum se præcepta est. Non est, quando sciētia quæ privat, non est præcepta secundum se, sed tantum per ordinem ad operationem, quatenus ut aliquid fiat, automittatur, illud cognosci debet. Hinc Confessorius, ex ignorantia officii sui male absolvens, peccat dupliciter, nempe & contra reverentiam sacramento debitam, & contra præceptum sciendi, quæ sunt sui muneric, Qui verò ex ignorantia culpabili non audit sacram diē festo, peccat tantum peccato omissionis, contra præceptum positivum audiendi Missam, quia non tenetur scire, Missam ea die audiendam esse, nisi ex vi præcepti eam audiendi.

RESOLUTIO III. Ignorantia aliquando excusat à peccato, alias non.] INPRIMIS certum est, ignorantiam antecedentem semper à peccato excusare; cuius *Ratio est*, quia ejusmodi ignorantia nullo modo est volita sive directe sive indirecte, cum omnem voluntatem antecedat: quare cum sit causa operis, ut pote quod non fieret, si ea abesset, hinc fit ut opus illud simpliciter sit involuntarium, ac proinde à culpa liberum.

Hinc

Hinc non peccat Titius occidendo hominem, putans invincibiliter se feram occidere si talis ignorantia est causa occisionis, id est si Titius ita animo comparatus est, ut si scivisset esse hominem, eum non occidisset. Sed major est difficultas, an peccet Titius occidendo hominem, quem invincibiliter putat esse feram. si ignorantia illa non est causa occisionis, id est, si Titius ex hypothesi quod scivisset esse hominem, eum nihilominus occidisset, ita ut quamvis ignoranter, non tamen ex ignorantia cum interficiat.

Dico igitur 2. Etiam ejusmodi ignorantiam, quæ concomitans vocari solet excusare à peccato. Ratio est, quia cum Titius invincibiliter ignoret se hominem occidere, talis ignorantia sufficit, ut occisio hominis censeatur illi prorsus involuntaria, siveque culpa excusat.

Nec refert, quod si Titius sciret, id quod putat esse feram, esse ipsius inimicum vellet cum occidere; hoc enim non sufficit, ut Titius de facto peccet, occidendo hominem, sed tantum quod peccaret, si talis hypothesis contingere. Alioquin dicendum eset, nobis de facto imputanda esse ea omnia peccata, quæ juxta præscientiam divinam patraremus, ex hypothesi quod in hac, vel illa circunstantia essemus constituti.

Objicies ista videri aliena à mente S. Doctoris hic art. 3. cùm disertè doceat, ignorantiam quæ non est causa actus peccati. sive sit consequens, sive concomitans ipsum, non excusare à peccato. Respondeo sensum esse, talem ignorantiam non excusare totaliter à peccato, quia et si ipsa occisio actualis in casu proposito, à culpa excusat, ille tamen affectus habitualis occidendi inimicum, qui viget in animo Titii, culpabilis est & vitiosus. Unde ignorantia concomitans in eo distinguitur ab antecedente, quod hæc cùm sit causa operis, quatenus removet scientiam, quæ si adesset, Titius hominem non occidiret, ex ea operan-

operantem ab omni culpa, circa idem objectum liberat.

Dico 3. Ignorantiam consequentem, aliquando peccatum augere, alias minuere, at nunquam omnino seu ex toto excusare. *Explico*, vocatur ignorantia consequens ea, quae sequitur voluntatem, quæque proinde semper est voluntaria, sed cum discrimine; nam alia est directè volita, & hæc dicitur affectata, alia indirectè, quæ crassa seu supina vocari solet.

Itaque certum est ignorantiam consequentem, sive sit affectata, sive crassa non omnino tollere rationem peccati, ab actu malo qui ex illa fit, cum non impedit, quin actus ille sit voluntarius. *Dubitatur* autem, qualis ignorantia consequens peccatum augeat, qualis minuat.

Respondeo 1. Ignorantiam affectatam augere peccatum, quando ea affectatur eo fine, ut liberiùs peccetur, ut dum quis vult ignorare, an festum aliquod in hebdomada occurrat, ut majori cum libertate possit sacrum, vel jejunium omittere. Ita sumi potest ex S. Thoma quæst. illa 76. art. 4. quia scilicet peccatum ex ea ignorantia patratum, est magis voluntarium; at peccatum quod magis est voluntarium, eò est gravius.

Respondeo 2. Ignorantiam affectatam tunc minuere peccati malitiam, quando quis vult ignorare præceptum, ut caveat irreverentiam contra Deum, quam putat committi eo ipso quod habeatur notitia legis, quæ violatur: sic enim peccatum fit cum minori affectu, quam si adesset scientia opposita, adeoque minus est voluntarium: fit etiam cum minori contemptu Dei, legisque divinæ, & eatenus minorem continet malitiam.

Respondeo 3. Ignorantiam non affectatam, seu crassam minuere peccatum, quia ut ait S. Thomas loco citato, cum talis ignorantia non nisi indirectè sit volita, per eam minuitur voluntarium, adeoque & peccatum.

catum. Eò vel maximè, quia peccans ignoranter contra præceptum, quod neglexit scire, minus illud contemnere censetur, quam qui ex certa scientia illud violat.

RESOLUTIO IV. *Datur etiam alia causa interna peccati, ex parte appetitus sensitivi, voluntatem ad malum per passionem trahentu.*] HOC probat S. Thomas 1.2. quæst 77. art. 1. ubi ait, passionem appetitus sensitivi non posse directe movere, aut trahere voluntatem, sed indirecte, idque dupliciter, primò secundum quandam distractionem, quia cum omnes potentiaz animæ in una illius essentiæ radicentur, necessæ est quod quando una intenditur in suo actu, altera in suo remittatur, vel etiam totaliter impediatur. Alio modo ex parte objecti voluntatis, quod est bonum ratione apprehensum: impeditur enim judicium & apprehensio rationis, propter vehementem & inordinatam apprehensionem imaginationis, & judicium virtutis estimativæ, ut patet in amentibus; at hæc sequuntur passionem appetitus sensitivi, sicut dispositionem lingue sequitur judicium gustus. Unde per consequens, judicium rationis plenimque sequitur passionem appetitus sensitivi, idemque dicendum de motu voluntatis, qui natus est semper sequi judicium rationis.

Nota 1. ex art. 3. Peccatum ex passione dici peccatum ex infirmitate, ob similitudinem infirmitatis animæ, cum infirmitate corporis. Dicitur autem corpus i firmum quando impeditur, vel debilitatur in execuzione propriæ operationis, proprie inordinationem partium ipsius, ita ut non subdantur virtuti directivæ & motivæ corporis. Sic etiam anima dicitur infirma, quando in propria operatione impeditur, eo quod partes illius ordini rationis non subduntur. Quare cum concupiscibilis aut irascibilis extra ordinem rationis aliqua passione afficitur, sicque impedimentum præstatur debitæ actioni hominis, peccatum dicitur esse ex infirmitate.

Nota 2.

DE PECCATIS CAP. VI. 171

Nota 2. ex art. 4. Amorem sui esse principium omnis peccati, eo quod omne peccatum procedit ex appetitu inordinato alicujus temporalis boni, quod autem aliquis appetat inordinatè aliquod tempora-le bonum, procedit ex eo quod inordinatè amat se- ipsum. Unde cum triplex sit inordinatus appetitus boni, triplex etiam est causa peccati, nempe con-cupiscentia carnis, concupiscentia oculorum, & super-bia vitæ, ut concluditur art. 5. Ad primam enim & se-cundam reducuntur omnes passiones appetitus con-cupiscentiis, quia duplex est concupiscentia, una na-turalis, quæ est eorum quibus natura corporis su-stantatur, sive ad conservationem individui, sive ad con-servationem speciei, & hæc dicitur concupiscen-tia carnis. Alia est concupiscentia animalis, eorum scilicet quæ secundum apprehensionem imaginatio-nis sunt delectabilia, qualia sunt pecunia, ornatus ve-stitum, & similia, & hæc vocatur concupiscentia ocu-lorum. Ad tertiam verò reducuntur omnes passiones irascibilis, cum enim superbia sit appetitus inordina-tus excellentiæ, appetitus inordinatus ardui boni attinet ad superbiam vitæ.

Dices, cum ordinatus amor sui sit peccatum, si quæcumque alia peccata ex eo oriuntur, sequeretur hominem nunquam peccare, quin committat duo peccata. Verum negatur id sequi, quia quando dicit S. Doctor amorem sui esse principium omnis pecca-ti, non est sensus, quod quoties homo peccat, prius eliciat actum inordinatum proprii amoris, à quo illud peccatum oriatur; sed quod ille idem actus ma-lus, qui respicit bonum commutabile, tanquam ob-jectum, terminatur ad ipsum peccantem, tanquam ad finem cui bonum illud appetitur.

Instabis saltem hinc sequi, in quolibet peccato esse duas malitias specie distinctas, alteram communem amoris inordinati erga seipsum, aliam specialem sumptam à proprio objecto. Respondeo neque id se-qui, quia amor sui non est inordinatus, nisi quatenus

H 3 facit

facit ut aliquod aliud objectum inordinatè appetatur: quare cùm & istius appetitionis, & illius amoris eadem sit inordinatio, consequens est unam tantum esse utriusque malitiam.

RESOLUTIO V. *Passio interdum minuit peccatum, interdum aggravat.] PROBATUR ex art. 6. nam appetitus sensitivus potest se habere ad liberum arbitrium, & antecedenter, & consequenter, antecedenter quatenus passio trahit, vel inclinat voluntatem & rationem, consequenter vero, secundum quòd motus superiorum virium, si sint vehementes, redundant in inferiores: non enim potest voluntas intensè moveri ad aliquid, quip excitetur aliqua passio in appetitu sensitivo. Si igitur accipitur passio priori modo, sic minuit peccatum, sicut minuit voluntarium. Si vero posteriori, sic passio non minuit peccatum, sed magis auget, vel potius est signum magnitudinis ejus, in quantum scilicet demonstrat intentionem voluntatis, ad actum peccati.*

Ut autem ista clarius percipias, Nota 1. ex S. Doctori 1. 2. quest. 24. art. 3. ad 1. passiones appetitus se habere consequenter, duobus modis, ad judicium rationis. 1. Per modum redundantiae, de quo jam actum est. 2. Per modum electionis, quando scilicet homo ex judicio rationis eligit affici aliqua passione, ut promptius operetur, cooperante appetitu sensitivo.

Nota 2. Passionem consequentem, cùm non moveat voluntatem ad actum, non esse simpliciter causam quòd actus sit, aut non sit, quòd sit bonus, aut malus; posse tamen esse causam illius secundum quid, quatenus passio excitata à voluntate, potest ipsam voluntatem impellere ad agendum, cum majori constantia, intensione, suavitate: siveque passionem simpliciter consequentem, esse posse quodammodo antecedentem.

Nota 3. ex art. 7. passionem aliquando totaliter excusare

eusare à peccato, aliás non. Nam vel passio totaliter aufert usum rationis, vel non totaliter; si totaliter aufert, & à principio fuerit voluntaria, tunc actus malus inde ortus imputatur ad peccatum, ut homicidium ebrio, quia est voluntarius in causa. Si vero causa non fuit voluntaria, sed naturalis, actus redditur omnino involuntarius, & à peccato liber. Quando autem passio non totaliter intercipit usum rationis, ea non excusat totaliter à peccato, quia ratio tunc potest passionem excludere, divertendo ad alias cogitationes, vel impediens suum consequatur effectum.

RESOLUTIO VI. Interdum peccant homines ex malitia, ita ut hæc etiam sit causa interna peccati.] HOC ita declarat S. Thomas i. 2. quæst. 7. art. 1. Peccatum ex malitia dicitur, quod procedit ex malitia vel inordinatione voluntatis, tanquam ex principio: quod enim homo ad peccatum declinet, id provenit ex corruptione vel inordinatione, in aliquo principiorum hominis, principia autem humanorum actuum sunt tria; intellectus, & appetitus tam rationalis, qui dicitur voluntas, quam sensitivus: sicut ergo peccatum interdum contingit ex defectu Intellectus, puta cum quis per ignorantiam peccat, & ex defectu appetitus sensitivi, ut cum aliquis peccat ex passione: ita etiam contingit ex defectu, & inordinatione voluntatis, hocque peccatum vocatur ex malitia, quia voluntas præferendo bonum temporale spirituali, dicitur ex certa malitia, vel industria peccare, quasi scienter malum eligens.

Ad majorem honestam intelligentiam, Nota i. Inordinationem illam voluntatis, ex qua ait S. Doctor procedere peccatum ex malitia, non esse in eo possum, quod voluntas per actum volitionis feratur in malum, sub ratione mali, hoc enim esse impossibile patet. tum ex illo vulgari, nemo intendens ad malum operatur, tum quia ut ait S. Thomas i. 2. q. 8. art. 1.

voluntas est appetitus quidam rationalis, appetitus autem non est nisi boni, cum nihil aliud sit quam inclinatio appetentis in aliquid tibi conveniens. Non etiam illa inordinatio est necessariò aliquid superadditum voluntati, sive per modum habitus, sive per modum actus, cum possit homo peccare ex malitia, etsi habitu & alio actu pravo careat, quamvis plerumque utrumque præcedere soleat. In eo igitur consistit, quod voluntas neque ex aliquo errore intellectus, neque ex passione appetitus sensitivi, sed ex certa scientia, meraque sua libertate amplectatur aliquid objectum, quod recte rationi repugnare novit.

Nota 2. Peccatum ex malitia, ut de eo h̄c agimus, distingui à peccato ex malitia, quod vulgo dicitur esse contra Spiritum sanctum; quia ut docet S. Thomas 2.2. quast. 14. art. 1. In corpore circa finem, peccatum ex malitia duplíciter contingit, uno modo ex inclinatione habitus virtiosi, qui malitia dicitur, & sic non est idein, peccare ex malitia, & peccare in Spiritum sanctum. Alio modo contingit ex eo, quod per contemptum abjicitur, & removetur id quod electionem peccati poterat impedire, sicut spes per desperationem, timor per præsumptionem, & alia hujusmodi, quæ quia sunt effectus Spiritus sancti in nobis, eo modo peccare est peccare in Spiritum sanctum. Unde in responfione ad 3. ait, peccatum ex certa malitia, secundum quod provenit ex inclinatione habitus, non esse speciale peccatum, sed quandam generalem conditionem peccati; prout verò est ex speciali contemptu effectuum Spiritus sancti in nobis, habere rationem specialis peccati.

Nota 3. ex art. 4. Peccatum ex malitia gravius esse peccato ex passione, tum quia magis est voluntarium, tum quia diutius durat, tum quia peccans ex malitia est male dispositus quoad finem, qui est principium in operabilibus; at defectus principii est pessimus: quare est periculosior defectu eius, qui ex passio-

DE PECCATIS CAP. VII. 175

passione peccat, cuius propositum tendit in bonum finem; et si ad horam interrumpatur. Hæc tamen intellige, modo cætera sint paria, quia contingere potest, peccatum ex passione, ratione objecti tantisper excedere, ut simpliciter sit gravius peccato ex malitia, ut patet, si fiat comparatio inter homicidium patratum ex passione, & furtum commissum ex malitia.

C A P U T VII.

De causis externis peccati, ubi de peccato originali.

RESOLUTIO I. Deus non est causa peccati sive directe sive indirecte.] ITA S. Thomas 1. 2. quæst. 79. art. 1. quod probat, quia omne peccatum est per recessum ab ordine, qui est in Deum, sicut in finem, Deus autem omnia inclinat, & convertit ad seipsum, sicut in ultimum finem: unde impossibile est quod sit sibi, vel aliis causa discedendi ab ordine qui est in ipsum, adeoque quod sit directè causa peccati. Rursus, et si Deus aliquibus non præbeat auxilium, quod si præberet, non peccarent, hoc totum facit secundum ordinem suæ divinæ sapientiæ, & justitiæ; unde non imputatur ei, sicut causæ peccati, quod alius peccet: sicut gubernator non dicitur causa submersionis navis, ex hoc quod non gubernat navem, nisi quando subtrahit gubernationem potens, & debens gubernare. Et sic patet, quod neque indirectè Deus sit causa peccati.

Nota 1. ex respns. ad 1. Deum tradere aliquos in reprobum sensum, in quantum non prohibet eos, quin suum reprobum sensum sequantur: sicut dicimus expōnere eos quos nō tuemur. Et quod ait Augustinus, Deum inclinare voluntates hominum in bonum, & in malum, sic intelligēdum esse, quod in bonum quidē directè inclinat voluntatem, in malum autem, in quantum non prohibet. Unde tacitè arguuntur à S. Doctore, qui ex dictis locutionibus colligunt, Deum positivè, & physicè per motionem aliquam realem inclinare, imo quod pejus est, ineluctabiliter

sen

seu injecta antecedente agendi necessitate præterminare voluntatem hominis ad actus pravos.

Nota 2. Deum ex communis sententia, contra Durandum, ut causam primam & universalem concurreat ad actus pravos entitativè spectatos, idque per influxum immediatum, ipsique actibus pravis intrinsecum. Cujus ratio est, tum quia cum causa sit longè nobilior sua operatione, & omnes concedant eam ab influxu Dei immediato pendere, non nisi valde inconsequenter dici potest, ipsam operationem sine immediato Dei influxu posse subsistere, tum quia cum entitas actionis non distinguitur rea liter, à termino per eam producto, si illa non penderet immediatè à Deo, idem de isto dicendum esset, siveque non modo calefactio, sed ipse calor productus sine Deo conservaretur, immo homo genitus non egeret conservatione Dei, quia ipsius generatio sine illius influxu fieret. Tum denique quia ex communissimo Sanctorum, & Theologorum sensu, nihil est quod non possit destrui, & in nihilum abire, vel per solam subtractionem influxus divini; At non possit actio creaturae eo modo destrui, si Deus ad illam immediatè non concurrit.

Nota 3. Præcipuum argumentum quo Durandus motus fuit, ut negaret concursum Dei immediatum ad operationes causarum secundarum, ex eo sumi, quod non possit capere, quomodo Deus non esset causa peccati, si ad illius entitatem immediatè concurreret. Verum difficultas illa facile conciliatur, si dicamus, Deum non esse causam peccati ab hominibus commissi; quia ille tantum dicitur causa peccati ab aliquo patrati, qui eum movet & impellit ad peccatum; sic enim est ipsi author ut peccet, potest que peccatum ei ut causa imputari Ad Deus eti concurrit ad entitatem peccati, non tamen in nostra sententia, hominem impellit sive moraliter, sive physice ad eam producendam, quin potius sincerè optat ut peccatum caveat, bonisque operibus yacet.

DE PECCATIS CAP. VII. 177

vacet. Quare nullo modo dici potest, quod Deus sit homini causa ut peccet, adeoque quod sit causa peccati ab eo patrati.

Sed contraria insitabit aliquis, nam modo Deus realiter, & immediatè concurrat ad actum pravum hoc sufficit ut verum sit, Deum mala opera, non solum permisivè, sed etiam propriè & per se operari, quod tamen repugnat Concilio Trident. *sess. 6. can. 6.* Respondet, Deum non operari propriè & per se actum malum in sensu hæreticorum qui à Concilio damnantur, ita scilicet ut ex directa intentione velit, actus pravos ab hominibus committi, & consequenter eorum voluntatem efficaciter impellat ad eos patrando, ut illi impiissimè sentiunt. Quamvis autem Deus, homine proprio motu se determinante ad opus pravum, ex munere primæ causæ illi cooperetur, id non sufficit, ut dicatur propriè, & per se causa talis operis; præsertim cum ille offerat concursum in actu primo indifferentem, qui non minùs ad actum bonum, quam ad malum trahi potest.

Nota 4. Ex dictis posse colligi resolutionem illius questionis, an Deus sit causa excœcationis, & inductionis. Dicendum enim est cum S. Doctore art. 3. Deum non esse causam excœcationis, quantum ad motum animi humani inharentis malo, & aversi à divino lumine, sed solum quantum ad subtractionem gratiæ, ex qua sequitur quod mens non illuminatur, nec cor emolliatur ad rectè vivendum. Quæ postrema verba non sunt intelligenda de subtractione gratiæ sufficientis, & necessariæ ad conversionem, sed efficacioris, qua posita, cor hominis emolliretur.

RESOLUTIO II. *Diabolus non est directè homini causa peccandi.] PROBATUR ex quest. 80. art. 1. nam voluntas hominis duobus modis moveri potest, nempe ab obiecto, & ab eo quod interius voluntatem movet & inclinat ad volendum, qua posteriori ratione voluntas non nisi à seipso, vel à Deo, qui nequit esse*

esse causa peccati moveri potest: quare ex hac parte, sola hominis voluntas est directe causa peccati. Ex parte vero objecti, aliquid movet voluntatem tripliciter 1. ipsum objectum. 2. Qui proponit objectum 3. Qui persuadet objectum propositum habere rationem boni; sed nullo istorum modorum potest aliquid esse causa peccati directa, quia voluntas non movetur ex necessitate ab aliquo objecto, nisi sit ultimus finis. Unde sequitur, quod diabolus non sit causa peccati directe, vel sufficienter, sed solum per modum persuadentis, vel proponentis appetibile.

Potest hic discursus illustrari ex 1.2. quest. 9. art. 6. ubi S. Thomas voluntatem moveri à solo Deo, sicut ab exteriori principio, probat in hunc modum. Motus voluntatis est ab intrinseco, sicut & motus naturalis, quamvis autem rem naturalem possit aliquid moveare, quod non est causa naturæ rei motæ, motum tamen naturalem causare non potest, nisi quod est aliqualiter causa naturæ. At Deus solus est voluntatis causa, tum quia voluntas est potentia animæ rationalis, quæ à solo Deo causatur per creationem, tum quia cum voluntas habeat ordinem ad universale bonum, nihil potest esse causa voluntatis, nisi ipse Deus, qui est universale bonum. Omne autem aliud bonum per participationem dicitur, estque quoddam particulare bonum, at causa particularis non dat inclinationem universalem. Unde nec materia prima, quæ est in potentia ad omnes formas, potest causari ab aliquo particulari agente. Hinc ergo colligitur, quod etsi dæmon possit movere voluntatem, cum tamen non sit causa voluntatis, motus ejus voluntarius ab eo esse nequit.

Non erit etiam inutile, ad clariorem dictorum intelligentiam, ex tribus postremis articulis quest. illius 80. quam tractamus, breviter hic observare 1. diabolum posse ad peccatum inducere non tantum exterius proponendo aliquod objectum, sed etiam inter-

interius instigando; quatenus potest imaginationi formas aliquas imaginarias praesentare, & in appetitu sensitivo passionem aliquam excitare. 2. Licet dæmon propria virtute, nisi refrænetur à Deo, possit aliquem inducere ex necessitate, ad faciendum actū, qui de suo genere peccatum est, quatenus illius rationem ligare potest, non tamen posse inducere necessitatem peccandi, quia non imputatur homini ad peccatum, quod facit sine usu rationis: si autem ratio illius non est totaliter ligata, habet sufficientem libertatem ad resistendum peccato. 3. Etsi dæmon fuerit occasio omnium peccatorum, quatenus primum hominem ad peccatum induxit, non tamen omnia peccata fieri ex illius suggestione, ut etiam alias notavimus in tractatu de Angelis cap. 12. Porro quia peccatum originale aliquo modo fuit causa aliorum peccatorum, non erit abs re, de eo hinc agere, ubi de causis peccatorum differitur. Sit ergo

RESOLUTIO III. Secundum fidem admittendum est peccatum originale, in posteros Adæ per generationem transsum. Ita omnes Catholici contra Pelagianos, qui olim peccatum originale negabant. Probatur autem 1. ex Scriptura sacra Job. 14. Quis potest facere mundum, de immundo conceptum semine? Psalm. 50. Ecce enim in iniquitatibus conceptus sum, ubi numerus pluralis pro singulari ponitur. Rom. 5. Per unum hominem peccatum in hunc mundum intravit, & per peccatum mors. Et ne cum Pelagianis dicas, peccatum intrasse in mundum, non propagatione, sed imitatione, Apostolus hanc evasionem excludit Ephes. 2. cùm ait, nos natura esse filios iræ. Imò cùm Pelagius quæreret, per quas rimulas hoc peccatum dilaberetur in animam, Respondit Augustinus lib. 2. de nuptiis cap. 28. ex eo loco Apostoli. Quid quæris, ô Pelagi, rimulam latenter, cùm januam habeas apertissimam, Per unum hominem peccatum intravit in mundum. Quid amplius quæris?

Probari potest 2. Ex Conciliis, & Patribus. Verum aliis dimissis, sufficiet nobis illud ex Tridentino sessione de peccato originali. Si quis Adae prævaricationem sibi soli, & non ejus propagini afferit nocuisse, & acceptam à Deo sanitatem & justitiam quam perdidit, sibi soli & non nobis etiam eum perdidisse, aut inquinatum illum per inobedientię peccatum, mortem & pœnas corporis tantum, in omne genus humanum transfudisse, non auctem & peccatum, quod mors est animæ, anathema sit, cum contradicat Apostolo dicenti, Per unum hominem peccatum intravit in mundum, & per peccatum mors, &c.

Probatur 3. Ex institutione Baptismi. Ecclesia enim semper eredit, baptismum specialiter fuisse institutum pro parvulis, ut scilicet per ipsum mundarentur à peccato originali. Quò spéctat illa sollicitudo, qua parentes Catholicci curant, ut infantes recens nati quām primum baptizentur, credunt quippe eos ante baptismum, infectos esse peccato originali, adeoque si in eo statu moriantur, à regno Dei in eternum exclūdendos. Nec refert, quòd baptismus à Christo fuerit institutus, nam ante adventum Christi alia erant remedia, quibus infantes à culpa originali purgari poterant, ut diximus ubi de Sacramentis in genere.

Dices 1. Si infantes nascerentur infecti peccato originali, falsum esset illud Ezech. 18. Filius non portabit iniuitatem patris. Verum hoc retorqueri potest contra Pelagianos, tum quia illi dicebant, infantes sine baptismo morientes, ab æterna vita seu à visione Dei excludi; tum quia experientia constat, infantes variis pœnis affici. Quare hinc potius concludi debet, eos alicui peccato à primo parente tracto, obnoxios esse, ut verum sit, filium non portare iniuitatem patris, nisi ipse illius quodammodo sit particeps, ut explicat S. Doctor ad 1.

Dices 2. Si peccatum originale transfunditur per generationem, aut illud subjectivè existit in corpore, aut

aut dicendum est non modo corpus, sed etiam animam generari. Respondeo neutrum sequi non enim ista trans fusio est physica sed moralis, quemadmodum ipsum peccatum originis est aliquid morale. Quare ut Adam censematur transfundere peccatum illud in posteros sufficit quod in via ordinaria ex illius stirpe oriatur, quia pactum tale erat, ut si primus parens a justitia originali sua culpa excideret, eadem etiam omnes illius filii privati essent.

Dices 3. Nos saepe in superioribus dixisse, nullum esse peccatum, nisi sit voluntarium, & contra aliquam legem: infantes autem non uti propria voluntate, neque ullius praecipi capaces esse. Ad hoc responderemus ex S. Thoma i. 2. quæst. 8. art. 1. omnes homines qui nascuntur ex Adam, posse considerari ut unum hominem, in quantum convenient in natura specifica: sicut omnes homines unius communitatis reputantur quasi unum corpus, & unus homo; actus autem unius membra corporalis, puta manus, non est voluntarius voluntate ipsius manus, sed voluntate animæ, quæ primò movet membrum. Sic igitur inordinatio quæ est in isto homine ex Adam genito, non est voluntaria voluntate ipsius, sed voluntate primi parentis, qui movet motione generationis, omnes qui ex ejus origine derivantur; sicut voluntas animæ movet omnia membra ad actum. Unde et si de ratione peccati sit, quod aliquo modo sit voluntarium, & contra legem, est tamen discrimen inter peccatum actuale, & originale, quod actuale debet esse voluntarium, voluntate particulari ipsius a quo perpetratus, & contra legem ipsi impositam: ai satis est quod originale, cum ab actuali distinguitur, sit voluntarium voluntate communi generis humani, seu voluntate Adæ, ut in eo tanquam in capite, omnes homines continentur, & per illum representantur, & consequenter contra legem ipsi Adæ, ut alioquin hominum capiti indictam.

RESOLUTIO IV. Beatissima Virgo Dei Genitrix à peccato originali fuit præservata.] PROBATUR I. Quibusdam testimoniiis Scripturæ quæ in hanc rem proferri solent, quale est illud Genes. 3. Inimicitias ponam inter te, & mulierem semen tuum, & sēmen illius, ipsa conteret caput tuum , & tu insidiaberis calcaneo ejus.Ubi ex communi sententia, per vocē, ipsa, quam vulgata habet, intelligitur B.V. per caput serpentis, peccatum originale, & per contritionem illius, omnimoda victoria de illo reportata. Ex his autem sequitur, Virginem Deiparam non tantum à peccatis actualibus, sed etiam ab originali præservatam fuiss

Dices, locum prædictum secundum sensum littoralē non intelligi de Virgine, sed tantum secundū sensum mysticū: at ex sensu mystico Scripturæ non satis firmum deducitur argumentum. Respondeo minōrem veram esse, quando sensus mysticus authoritatibus Patrum, aut Scripturæ interpretum non fulcitur, cuius oppositum hic contingit. Quare si Mariæ virginitatem probare licet, ex mystica rubi, quem Moyses incombustum vidit, expositione, quare non æquè poterit, immaculata illius conceptio probari ex loco allato, aliisque similibus , esto non nisi in sensu mystico intelligentur de Virgine.

Possimus etiam ad idem suadendum , proferre illud ex Cantico Canticorum cap. 4. Tota pulchra es amica mea, & macula non est in te, certum enim est hæc verba non raro à Patribus intelligi de B. Virgine. Quare cùm dicatur, non modo eam totam esse pulchram, sed etiam in ea non esse maculam, hinc planè concludendum est, maculam peccati originalis in illius anima locum nunquam habuisse , ut sapienter concludit Idiota in contemplatione Virginis cap. 3. Confirmatur, nam S. Thomas 3. p. quæst. 27. art. 4. ait, fatendum esse Beatam Virginem nullum actuale peccatum commisisse sive mortale, sive veniale, ut sic in ea impleatur quod dicitur Cant. 4. Tota pulchra

chræs, &c. Arcur non etiam fatendum erit, illam à peccato originali fuisse immunem? Præsertim cùm hoc peccatum turpis sit, quām veniale, ut ex dicendis intelligetur.

Probatur 2. Prædicta resolutio authoritate Ecclesiæ, quæ tam apertè illi favet, ut mirum sit viros Catholicos adhuc prò parte opposita stare. Nam impri- mis ex præcepto Sedis Apostolicæ, Festum Immaculatæ Conceptionis Beatissimæ Virginis per totum orbem celebratur, variaque indulgentia celebra- tibus conceduntur, & speciale hujus Festi Officium in Ecclesia decantatur, idque totum à quam pluri- mis Pontificibus fuit approbatum. Quis verò affir- mari audeat Sedem Apostolicam in re tanti momēti, ad fidem & ad bonos mores spectante, errare pos- se? *Confirmatur*, nam Patres antiqui ex eo quod Ec- clesia Festum Nativitatis Beatissimæ Virginis cele- brat, colligunt eam in nativitate fuisse sanctam, & à peccato originali liberam. Ergo à pari cùm eadē Ec- clesia Festum Conceptionis immaculatæ quotannis celebret, inde magnum eruitur argumentum ad pro- bandum, Mariam Virginem in puncto conceptionis fuisse sanctam & à macula originali immunem. Imò si ex festo Nativitatis rectè deducitur, Virginem fuisse sanctam, antequam nasceretur, ex eodem colligi debet, eam fuisse sanctam in ipso momento conce- ptionis; cùm ratio reddi nequeat, cur sanctitas illius, si debet antecedere nativitatem, non debeat retro- trahi usque ad ipsum instans conceptionis.

Deinde, quod sententia nostra Sedi Apostolicæ multò magis placeat, quām opposita, vel ex eo con- jicere licet, quod quamdiu summi Pontifices Festum immaculatæ Conceptionis magnis favoribus pro- sequuntur, interim prohibent sub poena excommu- nicationis, ne quis vel in concionibus, vel in lectio- nibus publicis docere audeat, Virginem fuisse con- ceptam in peccato originali. Imò Gregor. XV. al- tum ea de re silentiū deinceps haberi jussit, adeò ut misera

misera illa opinio, etiam à privatis colloquiis expulsa, in insulam mentalem à multis jam annis, iussu Ecclesiae Romanae sit relegata, ut non nemo acutè observavit.

Probari potest 3. Præcedens resolutio ex Patribus, quorum alii sanctitatem, puritatem, & gratiam Virginis a deo extollunt, ut satis indicent eam ab omni peccato fuisse liberam: alii generatim docent, peccatum in Virgine nullum locum habuisse; alii disertè etiam à peccato originali eam eximunt. Verum non est animis in hoc compendio eorum verba recensere, cùm præsertim apud plerosque recentiores, de hac materia tractantes videri possint. Illud solum observandum est, quod dicunt Patres Concilii Trident. sess. 5. in decreto de peccato originali, non esse suæ intentionis, comprehendere in hoc decreto, ubi de peccato originali agitur, beatam & immaculatam Virginem Mariam Dei genitricem.

Probatur 4. Illo discursu, quo S. Doctor 3. parte quest. & articulo citatis ostendit, Beatam Virginem nunquam actu peccasse; Ait enim Deum illos, quos ad aliquid eligit, ita præparare & disponere, ut ad id inveniantur idonei, ad quod eliguntur. Beata autem Virgo fuit electa divinitus, ut esset mater Dei, & ideo non est dubitandum, quin Deus per suam gratiam eam ad hoc idoneam reddiderit: at non fuisset idonea mater Dei, si peccasset aliquando; tum quia honor; & ignominia parentum redundat in prolem; tum quia singulariter affinitatem habuit ad Christum, qui ab ea carnem sumpfit: at quæ conventio Christi ad Belial? Tum etiam quia Dei Filius, qui est Dei sapientia, singulari modo in ipsa habitavit, scilicet & in anima, & in utero, dicitur autem Sapient. 1. In malivolam animam non introibit sapientia, nec habitabit in corpore subdito peccatis. Et ideo fatendum est, quod Beata Virgo nullum peccatum actuale commisit sive mortale, sive veniale. Ita S. Doctor cuius ratio aut nihil concludit aut æquè, vel à fortiori conclu-

concludit, Beatam Virginem à peccato originali
fuisse prorsus immunem; si enim peccatum veniale,
quod omnium consensu levissimum est, & cùm gra-
tia divina cohæret, à dignitate, & sanctitate matris
Dei valde alienum censetur, quis dubitat, quin pec-
catum originale, quod privat gratia, & beatitudine,
longius adhuc à Dei Matre abesse debeat.

Addo, et si peccatum mortale aliquo sensu gravius
sit originali, hoc tamen alia ratione esse fœdus, &
cum majori dedecore conjunctum, ut inde conjici-
tur, tum quod ex communi sententia, Christus ma-
gis præcipue venit propter originale, quam propter
actuale, adeò ut venturis esset, si fuisset originale, si-
ne actuall, & non vice versa: tum quia peccatum mor-
tale non impedit, quin homo sit membrum Eccle-
siæ; at homo saltem ut plurimum, manet extra Ec-
clesiam, donec à peccato originali mundatus sit.
Unde in lege nova institutus est baptismus, ut per il-
lum homo ab ejusmodi peccato liberetur, simulque
in Ecclesiam introducatur.

Probatur 5. Quia Beatissima Virgo communiter
prædicatus immunis à multis effectibus peccati o-
riginalis, nimirum à somite peccati, à dolore partus
& fœdibus puerperii, à corruptione corporis, à po-
testate quam vir in uxore m̄ exerceat, &c. Quidni ergo
dilecimus, eam etiam sibi præservatam à peccato o-
riginali? An non magis indecorum erat, quod Dei
mater subjaceret dæmoni, quam pœnis prædictis? I-
ta sanè sentio, & eò libertius quod audiam, omnes
ferè orbis Academias in eandem sententiam con-
spirare, ut plerique testantur, mihique indubitatum
sit, minus piè minusque probabiliter sentire, qui
sanctissimam Dei Matrem peccato originali subji-
clunt, quam qui ex adverso stant, pro immaculata il-
lius Conceptione, quam cum summo Pōtifice, aliis
que Ecclesiæ prælatis, magnō affectū celebrant Re-
gesterix, & omnes populi, principes & omnes judi-
cēs terræ, juvenes & virginēs, senes cum junioribus.

Objicies

Objicies 1. Generales Scripturæ locutiones quibus dicitur : omnes homines in Adamo peccasse, in eo mortuos esse , Christum à peccato omnes liberasse.
Respondeo 1. Leges generales non excludere privilegia particularia, ut patet, quia etsi in multis offendamus omnes, & omnes nascamur filii iræ, ut loquitur Scriptura, id non impedit quin omnium consensu , Beatisima Virgo fuerit divinitus præservata à peccato actuali, & ante nativitatem sanctificata 2. B. Virginem non fuisse in se maculatam peccato originali , etsi concedatur eam peccasse in Adamo, hinc enim non sequitur, eam de facto incurrisse in peccatum originale , sed ad summum eam contraxisse debitum incurriendi in tale peccatum. Unde etiam ut dicatur à Christo redempta sufficit, quod per illius gratiam ab originali præservata fuerit, siquidem ille est perfectior redimendi modus, quam si post easum restaurata fuisset.

Objicies 2. Plerosque Patres, & Scholasticos specialiter verò S. Bernardum, & S. Thomam stare pro opposita sententia. *Respondeo 1.* Authores illos variè de hac re locutos esse , ut multi observant, nam in uno loco docent, Beatissimam Virginem incidisse in peccatum originale, in alio verò oppositum tradunt. Ista autem varietas facit, ut testimoniiis quæ nobis opponuntur, magna fides adhiberi non possit. 2. Non fieri injuriam Patribus, & Scholasticis, qui aliter quam nos, de conceptione sentiunt, quod salvo honore iis debito, sequamur sententiam de hac re, in quam Ecclesia, totusque penè orbis magis propenderet, quæque rationibus non spernendis innititur, ut ex dictis constat.

Objicies 3. B. Virginem fuisse baptizatam adeoque peccatum originale contraxisse. *Verum negatur id sequi*, nam baptismus confertur præcipue , ut quis fidei Christianæ charactere insigniatur, aliorumque Sacramentorum janua ipsi aperiatur. Quare Virgo baptizata fuit, ut hos effectus obti-

bus
eo
sse.
egia
nus
cri-
ea-
ato
hem
etsi
non
igi-
in-
urā
m
per-
tau-
cia-
op-
e de
uno
pec-
Ista
po-
fieri
nām
e iis
Ec-
ux-
ictis
n.
rum
aci-
nia-
eria-
ctus
bti-

obtineret, non autem remissionem peccati originalis.

In statibus formam baptismi fore falsam, nisi baptizatus à peccatis emundetur, cùm ablutionem internam significet. Sed contra, nam ex communis sententia, potest quis in peccatis existens, baptismum validè suscipere cum fictione, seu et si non sit dispositus ad obtainendam peccatorum remissionem, eamq; non obtineat, quia talis fictio non impedit, quin characterem suscipiat, ut dictum est alibi. A fortiori ergo valebit baptismus, si quis ad eum sine peccato accedit; si quidem illius forma non significat absolute remissionem peccatorum, sed ut summum ex hypothesi quod sint peccata, & suscipiens eorum remissionei impedimentum non apponat.

Objecies 4. Peccatum originale resultat necessariò ex unione animæ, in iis qui via ordinaria ex Adamo generantur; ergo videtur impossibile quod persona aliqua ab eo præservetur. Respondeo non sequi, nam illa resultantia potest impedi per gratiam habitualem, in ipso punto unionis animæ infusam: si enim in instanti anima est capax privationis, consequenter est capax formæ oppositæ, cum privatio aliud non sit, quam negatio formæ in subjecto apto. Quod autem peccatum originale in privatione consistat, dicetur postea.

RESOLUTIO V. *Excepta Beata Virgine, omnes posteri Adam qui via ordinaria ex eo oriuntur, concipiuntur in peccato originali.] Loquor ut vides, de iis qui via ordinaria concipiuntur, nam et si Christus ex Adam descendat, non tamen peccatum originale contraxit; cum virtute Spiritus sancti ex Matre Virgine conceptus fuerit. Imò quamvis Christus natus esset via ordinaria ex viro, & muliere, non contraxisset peccatum originale, quia nullum peccatum cum gratia unionis subsistere potest.*

Probatur ergo resolutio de puris hominibus, à primo parente modo naturali derivatis; quia cùm ex Scri-

ex Scriptura, Conciliis, & Patribus constet, omnes homines concipi, & nasci in peccato, non possumus, sine gravi fundamento aliquos ab hac lege excipere. At nullum tale fundamentum extat, cum desit revelatio de hac re, & rationes quibus moverur, ut Beatam Virginem sine peccato conceptam credamus, in aliis hominibus locum non habeant. Confirmatur, nam quo titulo presumemus majus privilegium alicui concessum esse, quam Joanni Baptista, qui tamen non ab originali preservatus, sed tantum ante nativitatem ab eo mundatus fuit?

Hinc collige 1. contra haereticos, praedestinatos nasci cum peccato originali: nam verba Scriptura etiam ad illos extenduntur, & aliunde dici nequit sine errore, praedestinatos non egere baptismo, & sine illo, etiam ante usum rationis morientes, salvari.

Collige 2. contra eosdem, etiam fidelium filios nasci in peccato originali, propter rationes jam dictas. Quod autem parentes mundi generent filios immundos, explicat Augustinus lib. de peccato originis cap. 40, similitudine oleæ, cuius semen non oleam, sed oleastrum generat. Et lib. 3. de peccatorum meritis cap. 8. similitudine hominis circumcisio, qui generat filium incircumcisum, a quo præputium per circumcisio nem auferendum est.

Jam duo hic breviter queri possunt, 1. an si quis ex carne humana miraculosè formaretur, contraheret peccatum originale. Respondeo negativè, quia ut ait S. Thomas art. 4. peccatum originale à primo parente traducitur in posteros, in quantum moventur ab ipso per generationem, sicut membra moventur ab anima, ad peccatum actuale; non est autem motio ad generationem, nisi per virtutem activam in generatione. Unde illi soli peccatum originale continent, qui ab Adamo descendunt per virtutem activam, in generatione ab eo generaliter derivatam,

quod

DE PECCATIS CAP. VII. 189

quod est secundum seminalem rationem ab eo descendere. Si autem aliquis formaretur virtute divina ex carne humana, manifestum est quod vis activa non derivaretur ab Adamo, quare peccatum originale non contraheret. Nec refert, quod is qui ex carne humana modo jam dicto formaretur, fuisset in Adam; in eo enim fuisset secundum corpulentam substantiam dumtaxat, non vero secundum seminalem rationem, ut notatur in response ad 3.

Quares 2. An si non Adam, sed Eva tantum peccasset, filii eorum contraherent peccatum originale. Respondet S. Thomas ant. s. negative. quod probat, quia solus pater in generatione est principium activum, mater autem tantummodo materiam subministrat. Unde peccatum transfusum esset in posteros, si solus Adam peccasset, non autem si Eva tantum. Sed quicquid sit de illa ratione, congruentius sanè videatur, ut Deus potestatem traducendi justitiam originalem in posteros dederit Adæ soli; quia cum ille esset caput, & principium totius generis humani, ad eum propriè spectabat pacisci pro se, & pro suis filiis, quorum voluntates in voluntate ipsius continebantur.

RESOLUTIO VI. Peccatum originale nihil est aliud quam privatio justitia originalis debite inesse.] PROBATUR inductione, nam imprimis peccatum originale non est propensio illa, qua concupiscentia fertur in illicita, præveniendo usum rationis, ut volunt quidam heretici: quia certum est, peccatum originale tolli in baptismo, quoad totum id quod veram & propriam rationem peccati habet, ut definitum fuit in Concilio Trident. sess. s. num. 5. cum tamen motus concupiscentiae in renatis maneant, ut satis patet experientia.

Præterea peccatum originale non esse formaliter peccatum ipsum actuale Adæ, ut per illud omnes ejus posteri extrinsecè denominantur peccatores, ut ajunt quidam Catholici, probatur, tum quia Concilium

lium Trident. *seff. citata* statuit. Adæ peccatum omni-
bus inesse unicuique proprium : tum quia simili-
ter dicendum esset. omnes homines constitui justos. de-
nominatione extrinseca ab unica Christi justitia i-
psis imputata, quod tamen hæreticum est; tum quia
sicut non potest quis denominari agens , ab actione
alterius , ita neque ab ea denominari malus aut pec-
cator, tum quia alias simpliciter verum esset , quod
Pelagiani dicebant. peccatum originale non inhæ-
re parvulis ipsis . & quod inde consecutum duce-
bant. eos non indigere baptismo , ad consequendam
remissionem peccati originalis.

Ex his autem concludimus tandem , peccatum o-
riginale consistere formaliter, in privatione justitiae
originalis debitæ inesse, ut patet à sufficienti enumera-
tione: quia cum primus parentis per inobedientiam,
non tantum sibi, sed etiam nobis justitiam originalem
amiserit, dubium non est, quin ejusmodi privatio qua-
à gratia, & amicitia divina excidimus, in nobis sit ma-
la moraliter, & per eam intrinsecè foedati & pecca-
tores constituamur, Deusque meritò propter illam
nos à beatitudine æterna excludat. Confirmatur, nam
peccatum originale formaliter tollitur per gratiam
baptismalem, ergo consistit formaliter in privatione
talis gratiæ , quæ à justitia originali non distingui-
tur.

Dices r. Si actuale peccatum Adæ non spectat ad
essentiam peccati originalis, quomodo verum est illud Pauli *Roman. 5.* Per unius inobedientiam pecca-
tores constituti sunt multi: & quod postea ait, in Ad-
amo omnes peccasse. *Respondeo r.* Nos per inobe-
dientiam primi parentis peccatores fuissimmo consti-
tutus, non formaliter, sed causaliter, quatenus per illius
prævaricationem, non modo pœnæ corporales, sed
etiam peccatum ipsum in nos transfusum est, ut ex-
plicat Concilium Trident. *seff. 5. citata*, & satis patet
ex eo quod addit Apostolus, Ita & per unius obe-
dientiam justi constituentur multi, constat enim
nos

DE PECCATIS CAP. VII. 191

nos per justitiam Christi non esse justificatos formaliter, sed causaliter.

Respondeo 2. Nos in Adam peccasse, non quod tūc actū peccaverimus, cūm nondum essemus, sed quia cūm ille esset caput nostrum, & justitiam accepisset ea lege, ut eam in nos transfunderet; si in obedientia permaneret, secūs verō & sibi & nobis amitteret, eo ipso quod præceptum divinum violauit, hinc contraximus aliquam necessitatem incurriendi in peccatum, statim atque existimus.

Dices 2. Aut Beata Virgo à Christo redempta non fuit, aut si fuit, vel ea habuit peccatum originale in se, aut certè debuit habere aliquid maculæ in primo parente à quo liberaretur; hoc enim ablato nihil superest quod remissione indigeat. *Respondeo 1.* Hoc argumento, si quid probat, contra suos authores colligi, Beatam Virginem fuisse obnoxiam, saltem ex parte peccato originali: si enim eandem Adæ actionem ipsa patravit, & hæ spectat ad essentiam, vel integritatem peccati originalis, quis non videt, Dei Matrem à peccato originali non fuisse perfecte & totaliter liberatam?

Respondeo 2. Etsi actuale peccatum Adæ non sit de intrinseca ratione peccati originalis & nulla fuerit in Virginie macula luenda, hinc non sequi, eam nō fuisse redemptam; quia ad hoc sufficit, quod à culpa originali, per specialem gratiam præservata fuerit, ut iam supra observatum fuit.

Dices 3. Etsi per baptismum conferatur gratia sanctificans, non tamen propter ea restituitur baptizato justitia originalis, qualem amisit in Adamo: ergo falsum est, quod peccatum originale consistat in privatione talis justitiae. *Respondeo* hinc tantum sequi, peccatum originale non esse formaliter privationem iustitiae originalis; prout hæc includebat non modo gratiam, charitatem, aliasque virtutes infusas, sed etiam perfectam subjectionem appetitus ad rationem, absolutam rerum omnium naturalium scientiam,

scientiam, præservationemque à morbis, aliisque incommodis corporeis. Negamus tamen inde colligi, peccatum originale non esse formaliter privationem justitiae originalis, qua parte hæc includebat gratia, & virtutes infusas, in quibus justitia & sanctitas interna formaliter constituitur.

Dices 4. Privatio justitiae in nobis est pœna peccati originalis, ex S. Thoma infrà quæst. 55. art. 5. ergo ipsa nō est peccatum originale, sed potius effectus illius. *Respondeo S. Doctorem quæst. 82. art. 3. apertè nobis favere cùm dicat, privationem justitiae originalis, per quam voluntas subdebatur Deo, esse formale in peccato originali. Quare cùm alio loco ait, privationem justitiae esse pœnā peccati originalis sensus est, nos in pœnam peccati primi parentis, privatos esse justitiae originali ; quod non impedit, quin talis privatio sit peccatum in nobis.*

Instabus, cùm Deus nobis deneget gratiam, si peccatum originale consistit formaliter in priuatione gratiae, sequitur Deum esse propriè causam peccati originalis. *Respondeo id non sequi, nam peccatum originale non est privatio gratiae, quoniam libet sponte, sed quatenus est privatio gratiae, ut debite, ratione non est à Deo; cùm posita Adæ inobedientia, non teneatur in instanti conceptionis, illius posteris gratiam infundere.*

Dices 5. Privatio gratiae est in eo, qui post baptismum mortaliter peccavit, & tamen in eo non est peccatum originale, ergo peccatum originale non est privatio gratiae. *Respondeo, peccatum originale non esse quamcumque privationem gratiae, sed privationem gratiae, ob peccatum primi parentis, qua ratione non est in baptizatis, sed propter personale ipsorum peccatum.* *Unde collige, peccatum primi parentis, licet non sit intrinsecum peccato originali, ut suprà ostendimus, per illud tamen connotari; adeò ut essentia peccati originalis perfectè non intelligatur, sine tali connotatione.*

CAPUT

CAPUT VIII.

De effectibus peccati.

RESOLUTIO I. *Natura humana aliquo modo corrupta est per peccatum.*] De hoc agit S. Doctor s. 2. quast. 85. cuius art. 1. docet, tria esse bona naturæ, quorum primum nec tollitur, nec minuitur per peccatum, secundum non tollitur quidem, sed diminuitur, tertium verò per peccatum primi parentis totaliter est ablatum. In primo genere boni constituit ipsa principia naturæ, & proprietates ex iis manentes. In secundo, inclinationem quam habet homo naturaliter ad virtutem, quæ per aëtus vitii oppositos minuitur. In tertio, donum originalis justitiae, quod in primo homine toti humana naturæ collatum fuit.

Notandum autem 1. ex art. 2. Totum bonum humanae naturæ non posse auferri per peccatum; siquidem bonum naturæ quod per peccatum diminuitur, est naturalis inclinatio ad virtutem, quæ quidem convenit homini ex eo quod est rationalis; hinc enim habet quod operetur secundum rationem, quod est agere secundum virtutem: per peccatum antea non potest ab homine tolli, quod sit rationalis; quia jam non esset capax peccati. Unde non est possibile, quod prædictum naturæ bonum totaliter tollatur.

Notandum 2. ex art. 3. Convenienter numerari quatuor naturæ vulnera, ex peccato primi parentis consequentia, nempe infirmitatem, ignorantiam, malitiam, & concupiscentiam. *Ratio est*, quia cum per peccatum amissa sit justitia originalis, quæ subiciebat inferiores animæ vires rationi, & hanc Deo; hinc factum est, ut omnes potentiaæ animæ maneant quodammodo destitutaæ proprio ordine, quo naturaliter ordinantur ad virtutem, eaque destitutio vulneratio naturæ dicitur. Sunt autem quatuor potentiaæ animæ, quæ possunt esse subjecta virtutū, scilicet ratio,

LIBER II.

194

in qua est prudentia; voluntas, in qua est justitia, irascibilis, in qua est fortitudo, & concupisibilis, in qua est temperantia. In quantum ergo ratio destitutus suo ordine ad verum, est vulnus ignorantiae, in quantum vero voluntas destitutus ordinis ad bonum, est vulnus malitiae: in quantum autem irascibilis destitutus suo ordine ad arduum, est vulnus infirmitatis, & tandem in quantum concupiscentia destitutus suo ordine ad deletabile moderatum ratione, est vulnus concupiscentiae.

Notandum 3. ex art. 5. Mortem, aliosque defectus corporales naturae humanae, non esse per se effectus peccati primi parentis, quia scilicet sunt praeter intentionem peccantis: esse tamen effectus per accidens, nimirum removendo prohibens, eo modo quo divellens co' umnam per accidens movet lapidem columnae superpositum: nam per peccatum illud sublata est originalis justitia, per quam non solum inferiores animae vires continebantur sub ratione, absque omni deordinatione, sed etiam totum corpus continebatur sub anima, absque omni defectu. Quale sicut vulnerata est humana natura, quantum ad animam, per deordinationem potentiarum: ita est corruptibilis effecta, per deordinationem ipsius corporis.

R E S O L U T I O II. Peccatum causat aliquam maculam in anima.] Hoc probat S. Doctor i. 2. quest. 31. art. r. quia sicut corpus nitidum, ex contactu alterius corporis, perdit suum nitorem, & maculam contrahit: ita anima, quia peccando adhaeret rebus quibusdam, contra lumen rationis & divinæ legis; ex ea adhesione, qui est veluti quidam tactus, amittit nitorem illum quem habet, & ex refulgentia naturalis, & divini luminis, per quod dirigitur in operationibus suis.

Norat autem art. 2. Maculam manere in anima post actum peccati, quia ut dictum est, macula importat quendam defectum nitoris, propter recessum à lumine

mine rationis, & divinæ legis, & ideo quamdiu homo manet extra hujusmodi lumen, manet in eo macula peccati, sed postquam redit ad lumen rationis, & ad lumen divinum, per motum quendam voluntatis priori motui contrarium, tunc macula cessat.

Quæres, quid sit macula illa quam homo peccando contrahit quæque post actuale peccatum perseverat in anima, hominemque denominat sordidum, maculatum, & habitualiter peccato rem. *Respondeo,* maculam illam nihil aliud esse quam ipsum peccatum actuale, quatenus quoad suam malitiam moraliter perseverat, etiam transacto ipso actu, jamque peccatum habituale denominatur. Non enim apparet quid aliud esse possit prædicta macula, si quidem post actum peccati, nihil ex eo superest in anima quam, vel privatio gratiæ, vel reatus pœnæ, vel habitus realis ab eo productus, at macula peccati non est privatio gratiæ, cum ille qui versatur in peccato mortalí, per novum peccatum mortale contrahat novam maculam, neque tamen privetur gratia. Justus etiam per peccatum veniale aliquam maculam contrahat, non tamen privetur gratia.

Non etiam peccati macula sita est in reatu pœnæ, seu in obligatione solvendi pœnam peccato commissio debitam. Nam macula illa est peccatum, ut vel ex eo patet, quod tollatur per Sacra menta Baptismi & Pœnitentiae, quæ fides docet, ad remissionem peccatorum instituta esse. At reatus pœnæ non est peccatum, sed quid posterius peccato, cum non ideo quis sit peccator, quia pœnam meretur, sed potius ideo pœnam meretur quia peccator est.

At neque dici posse, maculam illam esse habitum realem, ex actu peccati productum, *tum* quia non ex omni actu peccati producitur habitus, nullum autem est peccatum, quod non relinquat maculam; *tum* quia per pœnitentiam tollitur peccati macula, at habitus pravus adhuc remanet. Quare à sufficienti enumeratione cōcludimus, maculam peccati nihil aliud esse

esse formaliter, quam ipsum peccatum actuale, quatenus moraliter perseverat, nondumque per pœnitentiam est retractatum, aut remissum per gratiam. Quod rursus ex eo suadetur, quia macula illa est peccatum, ut dictum est, at non aliud quam quod præteriuit, quia alioqui quicunque peccaret actu, duobus peccatis distinctis obnoxius esset: neque etiam est peccatum illud præteritum ut sic cum macula adhuc maneat, ergo est peccatum præteritum, ut moraliter perseverans. *Conferma ur*, nam homo dicitur mori in peccato quod non retractavit, & propter illud damnari; macula ergo in qua moritur, nihil est aliud quam peccatum præteritum adhuc perseverans.

RESOLUTIO III. *Reatus pœna est effectus peccati.]*
Ita S Thomas 1.2. quest. 87 art. 1. quod probat, quia videmus in rebus naturalibus, & humanis, quicquid contra aliquem ordinem insurgit, ab eo ordine, & principe ordinis deprimi; at qui peccat, agit contra triplicem ordinem, rationis, legis humanae, & divinae; quare triplicem pœnam incurrit, unam quidem à seipso, quæ est conscientiæ remorsus, aliam ab homine, tertiam vero à Deo.

Quærer hic aliquis, an peccatum possit esse pœna peccati. *Ad quod S. Thomas art. 2. respondet* cum distinctione. Nam perse loquendo, peccatum nullo modo potest esse pœna peccati; quia de ratione peccati est, ut sit voluntarium, de ratione autem pœnae, ut sit contra voluntatem. Per accidens vero potest peccatum esse pœna peccati tripliciter 1. ex parte cause, quæ est remotio prohibentis, cum enim ipsa subtractione gratiarum, qua peccatum impediatur, sit quedam pœna, & à Deo, peccatum etiam inde sequens pœna dicitur 2. ex parte substantiae actus, quæ afflictionem inducit, sive sit actus interior, sive exterior 3. ex parte effectus, ut scilicet aliquod peccatum dicatur pœna, respectu effectus consequentis.

In hac re puto certum esse, peccatum ut peccatum, non posse esse pœnam peccati præcedentis; nā Deus

DE PECCATIS. CAP. VIII. 197

Deus cum sit Iudex justus, amat pœnam quam infligit propter peccatum, & per eam vult injuriam sibi factam ulcisci, hoc enim totum honestum est, cum spectet ad justitiam vindicativam: Deus autem non potest amare peccatum, ut peccatum est, neque potest velle, ut per illud injuria sibi illata reparetur; hoc enim aliud nihil esset quam velle unam injuriam resarcire per aliam, eamque ut plurimum maiorem, quod ut patet, fieri nequit. Impossibile igitur est quod unum peccatum sui propriæ, & per se pœna alterius.

Dices, peccatum formaliter spectatum est malum homini, ergo potest esse pœna illius. Confirmatur, nam calor intensissimus potest esse pœna corporis humani, quia est malus, & inconveniens illi. Respondeo peccatum esse malum culpa respectu hominis, ad eoque non posse per se esse malum pœna; cum honeste à Deo amari non possit, neque infligi ad compensandam injuriam sibi factam ut dictum est. Unde aperta est differentia inter peccatum, & calorem intensissimum, qui cùm nullam malitiam contineat, justè in vindictam sceleris, à supremo iudice appeti potest.

Major dubitatio est, an peccatum materialiter spectatum, possit esse pœna alterius peccati. Respondeo negativè, quia cùm pœna sit objectum justitiae vindicativæ, potest Deus honestè eam velle, & directè intendere; potest etiam si opus sit, peccatorem ad eam compellere. Non tamen potest Deus velle, & directè intendere actum peccati, hominemque ad talem actum impellere: quia sic vellet peccatum, essetque causa illius, ut alibi non semel à nobis probatum est.

Quod si quis objiciat illud Pauli Roman. i. Propter quod tradidit eos Deus in desideria cordis eorum; Respondet S: Doctor loco citato, hoc verum esse, quantum deserti homines ab auxilio divinæ gratiæ, vincentur à passionibus; qua ratione ait peccatum

semper dici pœnam præcedentis peccati. Quam responsionem à studiosis doctrinæ S. Thomæ observari velim, ut intelligant quām longè à vera illius, imò & Pauli mente abeant, qui pronunciare audient, traditionem prædictam, quām Doctor Angelicus ait semper referendam esse, in meram subtrahitionem auxiliorum gratiæ, fieri semper per motiones reales, & positivas quibus ajunt: Deum in pœnam unius peccati, physicè prædeterminare ad illud peccatum, quoad entitatem spectatum.

RESOLUTIO IV. *Aliquod peccatum inducit reatum pœnae æternæ.* Ita S. Doctor art. 3. quod probat, quia cūm peccatum ex hoc inducat reatum pœnæ, quod pervertit aliquem ordinem, tamdiu manet reatus pœnae, quamdiu perversitas ordinis remanet. Interdum autem pervertitur ordo irreparabilitet, nimirum si subtrahatur principium ordinis, ut patet exemplo visus qui si corrumpatur, non potest reparari visio, nisi per virtutem divinam. Cūm igitur charitas sit principium ordinis, quo voluntas subditur Deo, peccata mortalia sunt irreparabilia, cūm iis charitas tollatur, sicque inducunt reatum pœnae æternæ. Confirmatur hæc ratio, nam per peccatum mortale amittitur gratia; at sine gratia quid faciet homo, ut injuriam Deo illataam compenset?

Nota 1. Certum esse ex fide, peccato mortali respondere duplē pœnam, alteram damni, quæ consistit in privatione visionis Dei; alteram sensas, quæ posita est in cruciatibus, ab igne infernali causatis.

Nota 2. Utramque illam pœnam esse æternam, nā de priori dicitur *i. ad Cor. 6.* Iniqui regnum Dei non possidebunt; de posteriori verò *Matt. 25.* Ite maledicti in ignem æternum; Imò illud, ite, denotat quādam ejectionem æternam à visione Dei. Unde damnatur error, tum eorum qui olim dixerunt, pœnas omnium damnatorum aliquando finiendas, tum corum

DE PECCATIS. CAP. VIII. 199

corum qui id limitabant, ad pœnas Christianorum. Hæc & similia humanæ rationis figmenta fundamēto carent, & veritati in Scriptura revelata, ac in Conciliis definitis apertè repugnant.

Nota 3. Pœnas damnatorum æqualem semper intentionem habituras, ut satis indicat Scriptura cum docet, pœnas illas fore æternas; & cum ignem inferni vocat inextinguibilem. Ista enim & similia denotant, pœnas damnatorum statum quendam immutabileni habituras; ita scilicet ut nunquam minuenda, vel augenda sint. Quod etiam non obscurè innuitur verbis illis *Eccles. 11.* Si ceciderit lignum ad austrum, aut ad aquilonem, in quoque loco ceciderit, ibi erit.

Nota 4. Pœnam damnatorum et si æternam esse proportionatam culpæ, neque esse majorem quam culpa ipsa mereatur; quod non tantum suaderi potest ratione S. Thomæ ante illata, quæ ex ipso peccato sumitur, sed etiam & maximè ex eo, quod ejusmodi pœna à Deo peccato mortali est constituta: si enim prudentia, & probitas humani legislatoris sufficit, ut dicamus pœnas ab eo sceleribus decretas, justas esse, & non excedere eorum demeritum: quanto magis idem judicium ferendum est de Deo, qui non modo justus est, & sanctus, sed etiam ipsamet justitia, & sanctitas.

RESOLUTIO V. Peccato mortali non debetur pœna infinita secundum quantitatem, seu intentionem graduum.] RATIO est, quia justitia & qualitas postulat, ut pœna sit proportionata culpæ; at hæc est simpliciter finita, esto sit infinita secundum quid, seu extrinsecè; quia continet aversionem à Deo, qui est bonum infinitum, ergo & pœna simpliciter finita esse debet. Minor ostenditur, quia in peccato mortali tria considerari possunt 1. quod opponatur tali virtuti. 2. quod privet gratia. 3. quod per illud Deus offendatur. At peccatum mortale nequit esse infinitum, ex ullo horum capitum, non ex 1. aut 2.

I. 4.

quia

quia virtus, cui peccatum opponitur, & gratia qua
privat, sunt qualitates finitae: non etiam ex 3. quia aliis
sequeretur peccata ipsa venialia, cum iis Deus
offendatur, habere malitiam simpliciter infinitam.
Item peccata omnia mortalia continere aequalem
malitiam, & unum non esse majus alio: quae, & simili-
lia valde absurdâ sunt.

Dices 1. Offensa crescit juxta dignitatem personæ
offensæ, ergo si persona est infinite digna offensa e-
rit simpliciter infinita. *Respondeo* non sequi, sufficit
enim quod talis offensa, ceteris paribus, sit major
quacunque offensa, contra personam minus dignam
patrata.

Contra, illa offensa est simpliciter infinita, quæ in-
finitas offensas, aliis aliis maiores, gravitate superat.
Verum hoc falsum est, alioqui homo esset simplici-
ter infinitus; cum possit Deus alias, & alias species in
infinitum multiplicare, que ad perfectionem speciei
humanæ nunquam pertainent.

Dices 2. Qui peccat mortaliter, Deum inhonorat,
& quantum eit ex se, ejus divinitatem destruit; hoc
autem documentum est infinitum, ac proinde mali-
tiam, & offendam simpliciter infinitam in peccato
arguit. *Respondeo* mortaliter peccantem Deo auferre
aliquem honorem externum, qui est aliquid finitum,
& quia constituit ultimum finem in creatura, censeri
quodammodo destruere Deum, qui essentialiter est
ultimus finis omnium; non quod veram aliquod no-
cumentum ei inferat, aut inferre possit.

Ex dictis collige, poenam damnatorum sive damni,
sive sensus, de facto esse simpliciter finitam, quoad
intensionem. Et de priori patet, quia per illam ho-
mo privatur visione Dei, quæ finita est & limitata.
De posteriori vero, quia creatura non est capax cru-
ciatus, aut doloris infinite intensi. Est tamen obser-
vandum discrimen inter poenas illas, quod poena
damni dicitur secundum quid infinita, ut docet S.
Thomas art. 4. quia per illam homo privatur Deo, qui
est bo-

DE PECCATIS. CAP. VIII. 201

est bonum infinitum: at verò pœna sensus est finita etiam objectivè, quia id; quicquid sit, quod causat proximè talem pœnam, non potest habere nisi convenientiam finitam.

Quaret hic aliquis, an pœna damnatorum sit æqualis. Quia in re tria dicenda sunt. 1. Pœnam sensus non esse in omnibus damnatis æqualem, siquidem promensura peccati erit & plagarum modus, ut dicitur *Deuter.* 2. at dici non potest, omnes qui damnantur habere peccata æqualia. 2. pœnam danini, si consideretur ut est privatio visionis Dei, esse æqualem in omnibus damnatis; cum omnes tali visione omnino privati sint. 3. eandem pœnam si consideretur, ut est pœna, esse graviorem in uno damnato, quam in alio, licet enim omnes æqualiter careant visione Dei, unus tamen magis dolet de tali privatione, quam aliis; quatenus considerat se ob plura; aut graviora peccata in eam incurrisse, Deumque ex majori odio, non modo pœnam sensus ei innittere, sed etiam visionem beatificam ei denegare.

RESOLUTIO VI. Infantes qui cum solo peccato originali moriuntur, non puniuntur pena sensus, puniri tamē pœna damni. PRIOR PARS PROBATUR, quia cum infantes illi propria voluntate non peccaverint, non videtur consentaneum divinitati, ut igne infernali crucientur. Confirmatur, nam cur Christus aliquos in ignem æternum mittat, ratione afferit *Matt.* 25. quia opera misericordia non exercuerunt. Unde supponit eos potuisse ejusmodi operibus vacare, quod de infantibus, ante usum rationis decedentibus, dici non potest.

Posterior pars est certa, sumiturque tum ex verbis illis *Joan.* 3. Nisi quis renatus fuerit ex aqua & spiritu sancto, non potest introire in regnum Dei, tum ex Concilio Tridentino *eff. 5. de peccato originali can. 4.* ubi damnantur qui dicunt, infantes nihil ex Adam trahere originalis peccati, quod regenerationis

lavacro necesse sit expiari; ad vitam aeternam consequendam: tunc quia ex supradictis, peccatum originale est verum peccatum, quo infans est maculatus coram Deo, eique exosus; consistit etiam in privatione gratiae & charitatis habitualis, adeoque privat infantem jure hereditatis ad vitam aeternam. At Deus non confert vitam aeternam, nisi iis qui mundati sunt ab omni peccato, quique sunt filii ipsius adoptivi per gratiam. Quare qui decedunt cum peccato originali, puniantur pena damni, quae consistit in privatione visionis Dei.

Circa hanc dubitari solet, an privatio visionis Dei sit conjuncta in infantibus, cum tristitia & dolore. Responso communis est negativa, sive quia non intelligunt, quantum sit bonum visio beatifica, qua privati sunt; sive quia cognoscunt se non fuisse proxime ordinatos ad eam consequendam. Unde non magis affliguntur de illius privatione, quam plebejus doleat quod ad Imperium electus non sit. Imo aliqui probabiliter existimant, eos habore perfectam cognitionem rerum naturalium, adeoque potiri beatitudine, & delectatione quae ex tali notitia procedit.

Diccas 1. Ex Concilio Florent. sess. ultima, eos qui cum peccato mortali actuali, vel originali discedunt ex hac vita, mox in infernum descendere, ibique disparibus penis puniri. Respondeo hinc non sequi infantes magna affici tristitia, quod Deum non videant: quia sub nomine inferni comprehendendi solet etiam limbus, in quo nullus est cruciatus, aut certe dicendum esset, infantes non modo pena damni, sed etiam pena sensus affici, quod probabilitate caret. Quod autem dicit Concilium de disparitate penarum, non debet intelligi de infantibus inter se collatis, sed cum iis qui moriuntur in peccatis actualibus: isti enim penam damni, & sensui plectuntur, cum illi solam penam damni sustineant.

Diccas 2. Augustinum non uno in loco, nostra sententia satis aperte refragari. Respondeo 1. Augustinum dispu-

disputando contra Pelagianos tam de peccato originali, quam de gratia & libero arbitrio, aliquando modum in verbis excedere ut à plerisque observatū est. August. nihil affirmasse de pœnis parvolorum, nisi dubitando, ut patet ex verbis illis epist. 28. Cum ventum est ad pœnas parvolorum, magna angustiis coarctor, nec invenio proorsus quid respondeam. Quare salvo honore ipsi debito, constantem omniū fere Theologorum sententiam tutò sequi possumus.

LIBER III.

DE FIDE, SPE, ET
CHARITATE.

CAPUT I.

De objecto Fidei.

RESOLUTIO I. Objectum materiale primarium fidei est Deus, totale verò & adiquatum, quidquid sub divinam revelationem cadit.] PRIMA PARS PROBatur, quia inter omnia quæ per fidem creduntur, Deus principem locum obtinet; quare Deus est primarium objectum materiale fidei: sicut ob eadem ratione in diximus in prœmio, Deum esse objectum primarium materiale Theologiae; & generaliter quilibet scientia habet pro objecto primario materiali, id quod nobilius est inter omnia entia, quæ sub illius considerationem cadunt.

Hoc autem intellige de Deo absolute, ut Deus est, seu sub ratione divinitatis; sicut enim Deus est subiectum, in primariis conclusionibus Theologicis, inde que sit ut Deus, sub ratione Deitatis, sit primarium objectum materiale Theologiae; ita Deus, ut Deus, debet esse primarium objectum materiale fidei, cum